



# John Adams Library.



IN THE CUSTODY OF THE  
BOSTON PUBLIC LIBRARY.



SHELF N<sup>o</sup>

243.1

Petrus morbo





2  
IOANNIS RAMI, I. C. AC  
*tissimi celeberrimique*

COMMENTA-  
RIORUM IN O-  
MNES REGVLAS JV-  
RIS, TAM CIVILIS, QVAM  
Canonici, eleganti ac singulari methodo, uni-  
versæ Iurisprudentiæ Oeconomiam, Locorum-  
que Communium dispositionem & eno-  
dationem, artificiosè comple-  
ctentium,

L I B R I D V O:

NVNC PRIMVM IN GRATIAM IVRIS  
*Candidatorum, adiecto Indice duplici ac  
varietate characterum, orna-  
tius editi:*

Opera & studio

IOANNIS FORSTERI, I. C. PALATINI.



FRANCOFVRTI AD MOENVM

---

M. D. C. V I.

THE NATIONAL ANTHROPOLOGICAL ARCHIVES

Smithsonian Institution

# MEMORANDUM

## TO THE SECRETARY

FROM THE DIRECTOR

SUBJECT: [Illegible]

[Illegible text]

[Illegible text]

[Illegible text]

[Illegible text]

[Illegible text]

[Illegible text]

[Illegible text]

[Illegible text]

[Illegible text]

[Illegible text]



[Illegible text]

[Illegible text]



# CLARISSIMO ET CONSULTISSIMO

VIRO, D. IACOBO KELLNERO,  
I. V. Licentiato, Domino & amico  
suo observando.

**R**erosq; mirari scio, Vir Clarissime, quā-  
nam causa sit ambiguitatis & obscuri-  
tatis in amplissimo nostri Iuris studio,  
qua innumeros nō sine mœrore vadimonium de-  
serere, & absterreri planè ab eo viaemus, sed caus-  
sam nobis huius rei aperit Latina Eloquentia Pa-  
ter, Cicero, qui de Iurisprudentiæ arte & Legibus  
acutissimè disputans, inquit: Sed Iuriscōsulti, sive  
erroris obiciendi causa, quò plura & difficiliora  
scire vidcantur, sive (quod verisimilius est) igno-  
ratione docendi, (nam non solum scire aliquid, ar-  
tis est, sed quædam ars etiam docendi:) sæpè quod  
positū est in una cognitione, id in infinita disper-  
tiuntur: Et alibi. Nam veteres verbotenus acu-  
tè illi quidem, sed nō ad hunc usum popularem atq;  
civilem de Rep. differebant. Hinc patet huius ob-  
) ( 2 scuri-

*scuritatis causa, quia scilicet Iureconsulti ab aliquot annis non rectè docuerunt, partim vana spe glorie, partim ignorantia seducti.*

*Nec enim forum aut politiarum constitutiones attenderunt, neque suam docendi methodum ad civilium negotiorum usum accommodarunt, quid abolitum, quid ve mutatum esset, unquam observantes.*

*Sic ea quorum inter homines in societate politica maximus usus est, aut plane amiserunt, aut erronea tradentes, obscurarunt potius, quam explicarunt & manifestarunt.*

*Hanc errorem ut corrigamus, fugere & ca. ac ac angue peius detestari oportet, immodicam illam rixandi libidinem, & res civiles, tam publica quàm privata, ad discipulorum ingenium & vires simpliciter, & omni ambiguitate remota explicentur & tradantur. Verùm adhibita methodo accurata & artificiosa, inspectis & declaratis prius veris fontibus divinae Iustitiae, & Iuris, quæ divina voluntatis praecepta, seu certam & infallibilem regulam, humani iuris positiones subsequantur, & tanquàm ancilla dominae longè vestigia adorent.*

*Quæ cum ita sese habeant, præclaram sanè operam navasse visus mihi est, acutissimus Iurisconsultus Ioannes Ramus, iustitiæ & iuris scientiæ*

# DEDICATORIA.

ornatissimus, qui hac methodo Oeconomiam universi nostri Iuris, certis & usitatis regulis comprehensam, conscripsit, ubi per brevissima locorum communium capita, Regularum utriusque Iuris, ita incedit, ut in duas principes partes, alteram de ipso iure, alteram de iuris obiectis, personis, scilicet rebus & actionibus discedat. Regulas verò generales, & quæ nullo certo in loco collocari possent, libro primo abundè & doctè collocavit, explicavit, illustravit. Reliqua quæ ad personas, res & Actiones pertinere visa sunt, libro secundo sic complexus est, ut nulla omninò tam Canonici, quàm Civilis Iuris dari possint, quæ non ad aliquod horum trium perpetuis quasi iuncturis applicetur.

Hac sanè dispositio, tum in aliis multis, tum in eo maximè erit utilissima, quod Cynosura & Locorum Communium instar, iuris studiosis sit futura, quos privatim quisque, cum usus erit, locuplet, & tum quod timidis adhuc ingeniis, & quæ non sine periculo vastissimo iurisprudentiæ campo se credere solent, præter mirandam rerum copiam & varietatem, tractus etiam quosdam & ininvicta sternent, per quæ pedetentim difficilioribus assuescant, ne aliquò usque progressi parvis facile succumbant tempestatibus.

Hoc opusculum dignitate sanè, præstantia &

## EPIST. DEDICATORIA.

*doctrina, quam continet eximium, cum quorundam precibus adductus, literariae Reipublicae typis meis reddere propero, amplissimo T. Exc. nomine id à Zoilorum moribus tutius futurum sum arbitratus, quin & eventurum speravi, fore, ut reliqui, Amplissima T. Exc. moti libentius id quoque suscipiant.*

*Quod igitur restat, T. Exc. utpote iurisperito praestanti, praestantis Iuriconsulti factum, offero, dedico, consecro, obnixè rogans, T. ut Exc. eum serena fronte suscipiat, meumq; hoc studium & animi promptitudinem boni consulat, suiq; amplissimi Nominis compellationem pro summa sua humanitate dextrè accipiat. Vale vir clarissime, & me amare perge. Dabantur Francofurti 29. Mar. anno partus virginis 1606.*

Excellent. & Praestant.

T. Addictissimus,

Iohannes Spies, Typographus  
Francofurtanus.

# INDEX REGULARVM EX PANDECTIS, QVA QVÆQVE PAGI- NA INVENIRI POSSIT.

A.		cuius effectus	24	
A	BSENTIA	161	cuius per errorem	116
	actus legitimi	42	cui ius est	27
	ad ea quæ non	149	creditor	118
	alterius	124	cui damus	28
	aliud est	23	D.	
absurdum	109	Dolo factum	139	
B.		deiecit	148	
Bona fides tantum	9	donari videtur	94	
C.		divus Pius	172	
Capienda	34	E.		
contractus	136	Ea quæ dari	12	
consilii	136	ea quæ raro	50	
culpa est	141	ea est natura	23	
culpa caret	150	ea sola	153	
cum tempus	36. 127	ea quæ in partes	119	
cum quis possit	27	eius est non velle	29	
cum amplius	116	etsi nihil	6	
cum prætor	169	ex pœnalibus	166	
cui autem	27	expressa nocent	37	
cum de lucro	37	ex qua persona	16	
cum quis in	97	eius verò	149	
cum principalis	29	eius est	156	
cum par delictum	37	F.		
cum servis	65	Factum cuique suum	11	

favorabiliore	36	in hæredem	168
formina	79	in iure civili	20
ferè in omnibus	162	in obscuris	32
ferè quibuscunque	134	in obscura volunta	35
filius familiæ	166	in omnibus obligat	30
furiosi	76	in omnibus causis id	58
fraudis interpret	137	in omnibus causis	20
fructus rei	116	in omnibus quidem	5
furius	76	in omnibus officiis	79
		in negotiis	76
<b>G.</b>			
Generaliter	19	in personam	65
		in pari causa	37
		invito	58
		invitus	175
<b>H.</b>			
Hæredem	98	in testamentis	36
hæreditas	98	in toto & pars	26
hi qui in	16	in toto iure	26
hoc iure	147	in totum	112
		in contrahenda	39
		in condemnatione	171
		iura sanguinis	136
<b>I.</b>			
Id quod nostrum	85	iure naturæ	14
imperitia	147	ius nostrum	82
impossibilium	12	is damnum dat	248
in ambiguis	32. 35	in re dubia	34
in eo quod plus	26	impuberes	78
nemo alienæ	176	is natura	114
in eo quod vel	37	in stipulationibus	129
in pœnalibus	40		
in re obscura	40		
ideoque verborum	47	Locupletatio	63



libertas	63	non debet melioris	102
libertas omnibus	ibi.	nunquam ex post	129
		nec paciscendo	132
M.		nemo de domo	157
Mulieribus	161	nihil consensus	113
Marcellus	191	non videntur	112
melior	83	nihil peti potest	126
minusest	22	non omne	4
		non vult	102
N.		non solent	138
Nemo damnum	150	non solent	44
nemo dubitat	177	non est singulis	158
nemo ideo	115	non alienat	109
nemo alieno	173	non fraudantur	163
nemo potest	71	nemo ex suo	14
nemo prædo est	90	non debet cui	27
nemo plus	109	non debet auctori	37
nemo plus cōmodi.	ib.	non ut ex pluribus	81
nemo qui condemnare		non potest dolo	140
156		non potest videri	142
nemo ex his	181	non potest videri deli-	
nemo potest mutare	10	isse	29
neque in interdicto	15	non debet alteri	14
neque pignus, refer ad		non videntur dare	119
Axio. 95. lib. 2.		non videtur quisquam	
nec ex prætorio	159	107	
Neratius	32	non videtur defendere,	
nihil interest	184	refer ad Axio. 173. l. 2	
nihil tam naturale	47	non videtur rem	29
non est novum	46	non videtur cœpisse	181
non videtur	85	nullus videtur	138

nulla intelligitur	142	quæ ab initio	47
nullum crimen	150	quæ rerum natura	11
nunquam actiones	118	quæ dubitationis	44
nuptias	69	quæ legata	130
O.		quæ propter	54
Omnes actiones	181	quicquid calore	9
omnis definitio	1	qui actionem habet	22
omnis hæreditas	101	qui cum alio	43
omnis quæ ex testa	47	non solet	193
omnia ferè	101	qui potest invitis	28
omnia quæ iure	47	qui potest facere	21
omnia quæcunque	177	quod quis	29
		qui in alterius	56
P.		qui sine dolo	142
Parem esse	19	qui in ius	96
pœnalia	169	qui per successionem	99
plerumq; emptoris	97	qui in servitute	92
prætor	104	qui non facit	140
privilegia	57	qui dolo	19
privatorum conventio		qui rem alienam	176
139		qui tacet	130
pupillus nec velle	74	quod attinet	64
pupillus pati	16	quod evincitur	84
pupillum	75	quod à quoquam	124
plus cautionis	117	quod contra	53
		quod initio	47
Q.		quod iussu	21
		quod nullius	12
Quod factum	32	quod quis ex sua	20
quamdiu	100	quod quis cum servus	
quatenus	145	129	
		quod	

quod ipsis	97	servus	162
quo tutela	77	si librarius, ad Axioma.	
quæ in testamento	ad	46. li. i.	
ax.	50	sicut cum de	38
quod melior	87	socii mei	121
quod quis si	103	sed & si quis	123
quod pendet	128	sicuti poena	169
quod ferè	152	si in duabus, ad Axioma	
quoties dubia	35	64. lib. i.	
quoties idem sermo	33	si nemo subiit	100
quoties duplici	103	si neq; mos regionis	34
quoties concus.	187	si quis obligatione	134
quoties nihil	45	si quis prægnantem	22
quoties æquitatem	5	si filiusfam.	129
R. T.			
Regula	2	Toties in hæredem	170
res iudicata	189	Temporaria	60
refertur ad	41	V.	
S. Vnde si non			
Semper qui dolo	19	vani timoris	113
secundum naturam	4	velle non creditur	68
semper generalibus	25	verum est	13
semper in conventioni	vbi verba commuta		44
nibus	4	vbiunque	178
semper in stip.	30	vbi non voce	77
semper in obscuris	34	vbi lex	
semper in dubiis	34	vbi nulla	96
semper qui cum non	unicuique		15145
prohibet,	122	vt nulla possessio	92
servitutem	65	vi factum videtur	147

# INDEX AXIOMATVM

## PRIMO LIBRO CON-

### TENTORUM.

- |  |       |   |       |
|--|-------|---|-------|
| 1. De præcipuis locorum<br>communium capiti-<br>bus.                         | 1     | 20. de Dolo, possessionem<br>repræsentante.                             | 20    |
| 2. de Definitione & divisi-<br>one.  | ibi.  | 21. de Dolo rem repræsentan-<br>te.                                     | ib.   |
| 3. de Regula.  | 2.    | 22. de Dolo conditionem re-<br>præsentante.                             | 20    |
| 4. de Regulis generalibus.   | 3     | 23. de Dolo factum repræsen-<br>tante.                                  | ibid. |
| 5. de Iure stricto.  | ibi.  | 24. de Culpa rem repræsen-<br>tante.                                    | ibi.  |
| 6. de Æquo bonoque.  | 4     | 25. de Facto factum repræsen-<br>tante.                                 | 21    |
| 7. Circa quæ versetur æquum<br>bonumque.                                     | 7     | 26. de Re quæ rem repræsen-<br>tat.                                     | 21    |
| 8. de Iuris principiis & præ-<br>ceptis.                                     | ib.   | 27. de Præsumptionibus.   | ib.   |
| 9. de Honesto, seu primo Iu-<br>ris præcepto.                                | 8     | 28. de Coniectura, seu inter-<br>pretatione.                            | 23    |
| 10. de Natura.   | 10    | 29. de Coniectura seu vo-<br>luntatis interpretatione<br>captiosa.      | ibid. |
| 11. de His quæ contra natu-<br>ram sunt in genere                            | 11    | 30. de Coniectura & interpre-<br>tatione civili, ac minimè<br>captiosa. | ibid. |
| 12. de his quæ contra naturā<br>sunt in specie, sive de im-<br>possibilibus. | ibi.  | 31. de Coniectura & interpre-<br>tatione ex natura ipsarum<br>rerum.    | 24    |
| 13. de altera Naturæ inspecti-<br>one, secundum ius gen-<br>tium.            | 13    | 32. de Genere & specie.   | 23    |
| 14. de secundo iuris præce-<br>pto.  | 14    | 33. de Toto & partibus.   | 26    |
| 15. de Analogia commodi &<br>incommodi.                                      | ib.   | 34. de Maiori & Minori.   | ib.   |
| 16. de Utile seu tertio iuris<br>præcepto                                    | ib.   | 35. de Principali Accessorio.   | 28    |
| 17. de Usu tertii principiorum   | 17    | 36. de Privatione & Habitu.   | 28    |
| 18. de Fikione.  | ibid. |   |       |
| 19. de Repræsentatione.  | 18    |   |       |

17. de Coniectura seu interpretatione ex signis.	18	one in iudiciis.	39
18. de Coniectura ex verbis.		52. de Benigna interpretatio-	
ibi.		ne in Contractib.	38
19. de Coniectura ex mente,		53. de Benigna interpretatio-	
seu de Ambiguo & ob-		ne in formis.	39
scuro.	31	54. de Benigna interpretati-	
20. de Interpretatione am-		one in conflictu causæ	
bigui ab authore.	32	lucratiuæ cum onero-	
21. de Interpretatione ambi-		sa.	40
gui à verisimili.	ib.	55. de Benigna interpretatio-	
22. de Interpretatione am-		ne in conflictu totius	
bigui à rei præsentis op-		& partium.	42
portunitate.	33	56. de Benigna interpretatio-	
23. de interpretatione ambi-		ne in Tacito & Expresso.	
gui à consuetudine.	ib.	42.	
24. de Interpretatione am-		57. de Benigna interpretatio-	
bigui ex locis benigni-		ne utilis & inutilis.	43
tatis.	ib.	58. de Benigna interpretatio-	
25. de benigna interpretatio-		ne in Coniunctis & Dis-	
ne in genere.	34	iunctis.	44
26. de Benigna interpretatio-		59. de Benigna interpretatio-	
ne, quæ quod minimum		ne odii & favoris.	45
est, sequimur.	ib.	60. de Benigna interpretati-	
27. de Benigna interpretati-		one in conflictu duorum	
one, quæ quod favorabi-		malorum.	48
lius est, sequimur.	35	61. de eo genere interpretati-	
28. de Benigna interpretatio-		onis, quod stricto iuri est	
ne in causa libertatis.		convenientius.	ibi.
ibid.		62. de Initiis rerum utilibus.	
29. de Benigna interpretati-		46	
one in causa dotium.	ib.	63. de Initiis rerum inutili-	
30. de Benigna interpretatio-		bus.	ib.
ne in Testamentis.	36	64. de Conflictu juris cum	
31. de Benigna interpretati-		jure, & facti cum facto	
47			

# INDEX AXIOMATVM, LIBRO

## Secundo contentorum.

1. De Regulis particularibus. 44
2. de Iure ipso, & eius definitione. ib.
3. de speciebus iuris. 49
4. de Lege. ib.
5. de præceptis legum condendarum. 50
6. de Legum interpretatione. 51
7. Interpretationis quæ sint vitia. ib.
8. de his quæ ad consequentiam non producantur, seu de iure singulari. 52
9. de his quæ à iure communi exorbitant. 53
10. de his quæ contra rationem iuris sunt recepta. ib.
11. de his quæ propter necessitatem recepta sunt. 54
12. de his quæ in alicuius gratiam sunt constituta. ib.
13. de Legum natura. 55
14. de Facti ignorantia in hærede & fideiussore. 56
15. de Facti ignorantia inter contrahentes. ib.
16. de Principum placitis. 57
17. de Privilegiorum speciebus & natura. ib.
18. Quomodo privilegia acquirantur, & quomodo amittantur. 58
19. de Interpretatione privilegiorum. 59
20. de Iure non scripto, seu consuetudine. 60
21. de specierum Iuris incertam differentiam. ib.
22. de Iuris obiectis. 61
23. de Personis. 62
24. de prima personarum divisione. ib.
25. de Libertate. 63
26. de Servitute. 64
27. de Vi & potestate servitutis. 65
28. de secunda Personarum divisione. 66
29. de his qui sui Iuris sunt, seu de iure familiarum. ib.
30. de his qui alieno iuri sunt subiecti. 67
31. de modis alienæ potestatis constituendæ. 68
32. de Nuptiis. 69
33. de Tertia personarum divisione. 70
34. de Tutela, & eius speciebus. 71
35. de Testamentaria tutela. 72

# I N D E X.

6. de Legitima tutela.	72	nia constituentur.	86
7. de Tutela dativa.	ib.	58. Per quas personas nobis	
8. de authoritate tutorum.		acquiratur.	ib.
9. de pupillo contrahente.	73	59. Quam variè nobis acqui-	
		ratur.	87
10. de pupillo patientiam	74	60. de Canonica institutio-	
præstante.	ib.	ne.	ib.
11. de pupillo delinquente:		61. de Acquisitione per usu-	
	75	cipationem.	88
12. de his qui sunt in cura-		62. de bona fide.	89
tionem.	ib.	63. de vi & effectu bonæ fi-	
13. de Furiosis & prodigis.		dei.	90
	76	64. de Possessione.	92
14. de Furiosis & pupillis.		65. Quomodo acquiratur.	
	ibid.		ibid.
15. de Muto & surdo.	77	66. de Titulo.	93
16. de his qui neutro iure te-		67. de Donationibus.	94
nentur.	78	68. de Successione in genere.	ib.
17. de quarta & ultima per-		69. de Acquisitione per hæ-	
sonarum divisione.	ib.	reditatem.	97
18. de Impuberibus.	ib.	70. Quid sit hæreditas.	98
19. de Servis.	79	71. Quot modis deferatur.	99
20. de Fœminis.	ib.	72. Delata hæreditas quo-	
21. de Infamibus.	ib.	modo acquiratur.	100
22. de Rebus.	80	73. Quomodo fiat aditio.	102
23. Quid invicem commu-		74. de vi & effectu eius.	ib.
ne, & quid differēs ha-		75. de Repudiatione hære-	
beat substantia super-		ditatis.	102
ficies & accidens.	81	76. Quomodo fiat.	ib.
24. de substantia seu rei do-		77. Quis possit repudiare hæ-	
minio.	83	reditatem.	103
25. Quam varia sit domini-		78. de vi & effectu repudia-	
conditio.	ib.	tionis.	ib.
26. de vi & effectu domini.		79. de Bonorum possessione.	
	85		104.
27. Quomodo rerum domi-		80. de Acquisitione per ar-	
		rogationem.	105
		* *	81. de

# I N D E X.

- |                                 |                                |
|---------------------------------|--------------------------------|
| 81. de Successione in res fin-  | 103. de Obligat. & consensu.   |
| gulas. 106                      | 120                            |
| 82. de Legatis & fideicom-      | 104. de Emptione & vendi-      |
| missis. ib.                     | tione. ibid.                   |
| 83. de Retentione. 107          | 105. de Societate. 121         |
| 84. de Alienatione. 108         | 106. de Mandato. ibid.         |
| 85. Quæ res alienentur. 109     | 107. de Formulæ mandati.       |
| 86. de propriis alienationis.   | ibid.                          |
| ibid.                           | 108. de duplici mandato, ta-   |
| 87. de superficie possessionis. | cito & expresso. 122           |
| 110                             | 109. de Mandato quod per pa-   |
| 88. de Accidente rei. ib.       | tientiam inducitur. ib.        |
| 89. de Obligationibus & cō-     | 110. de Rati habitatione. 123  |
| tractibus. 111                  | 111. de vi & effectu mandati.  |
| 90. de Obligatione quid sit.    | ibid.                          |
| ibid.                           | 112. Quæ res & negotia mā-     |
| 91. de Errore. 112              | dari possint. 124              |
| 92. de Libera voluntate, vi &   | 113. Divisio obligat. ab acci- |
| metu. 113                       | dente. 125                     |
| 93. Obligatio quomodo di-       | 114. de Pura obligatione. 126  |
| vidatur. 114                    | 115. de Obligat. in diem. ib.  |
| 94. Divisio obligat. à causa    | 116. de Obligat. conditiona-   |
| efficiente. ibid.               | li. 127                        |
| 95. Divisio eius à propria rei  | 117. de Effectu conditionali-  |
| substantia. ibid.               | obligationis. 128              |
| 96. Divisio eius à materia.     | 118. Quod tempus spectetur     |
| 115                             | in conditionibus. 129          |
| 97. Obligationes quæ re cō      | 119. de Implemento condit-     |
| trahuntur. 116                  | onis, & quomodo                |
| 98. de Indebito. ib.            | committantur stipu-            |
| 99. de Pignore. 117             | latione. 130                   |
| 100. de Verborum obligatio-     | 120. de Vitiis contractarum    |
| nibus. 118                      | obligationum. 131              |
| 101. de Oblig. præcisa & non    | 121. de Obligat. vitiosis cō-  |
| præcisa. ibid.                  | rem ipsam. ibid.               |
| 102. de Obligat. dividuis &     | 122. de obligationibus v-      |
| individuis. 119                 | itiosis ob personas. i         |



# I N D E X.

- |   |   |
|---|---|
| <p>123. de Oblig. vitiosis ob in-<br/>utilem conceptionem. 132</p> <p>124. de Contracta obligatione quomodo finitur. ib.</p> <p>125. de Solutione. ibid.</p> <p>126. de Acceptilatione. 133</p> <p>127. de Novatione. 143</p> <p>128. Quomodo generaliter &amp; contrario jure tollatur obligatio. 134</p> <p>129. de his quæ in contractû incidunt. 136</p> <p>130. de Dolo. 137</p> <p>131. de Speciebus doli. 139</p> <p>132. de Dolo qui factò committitur. ibid.</p> <p>133. de Dolo qui omittendo seu per contumaciam fit. 140</p> <p>134. de Culpa. ibid.</p> <p>135. de Culpa quæ facti est. 141</p> <p>136. de Culpa contumaciæ ac ignaviæ. ibid.</p> <p>137. Quomodo mora contrahatur. ibid.</p> <p>138. Quid excuset à mora. 142</p> <p>139. de Vi seu effectumoræ. 143</p> <p>140. de Accessionibus Obligationum. 144</p> <p>141. de Eo quod inter sit. ib.</p> <p>142. de Maleficiis &amp; actionibus. 145</p> | <p>143. de Malefactorum positio-<br/>onibus. 146</p> <p>144. de Damno &amp; injuria. ibid.</p> <p>145. de Vi, &amp; eo quod clam fit. 147</p> <p>146. Quot modis delicta committantur. 148</p> <p>147. Quæ excusent à delictis. ibid.</p> <p>148. Obligat. ex delicto quo-<br/>modo solvatur. 150</p> <p>149. de Pœnis. 151</p> <p>150. de Pœnis Canonicis. 152</p> <p>151. de Pœnis civilibus &amp; deportatione. 153</p> <p>152. de Actionibus &amp; Judi-<br/>ciis. 154</p> <p>153. de præparatoriis iudici-<br/>orum. 154</p> <p>154. de Jurisdictione. ibid.</p> <p>155. de in Ius vocando. 157</p> <p>156. de Editione. 158</p> <p>157. de Præparatoriis inci-<br/>dentibus. ibid.</p> <p>158. de Pactis &amp; transactio-<br/>nibus. 159</p> <p>159. de In integrum restitu-<br/>tionibus. 160</p> <p>160. de Restitutione ob se-<br/>xum. 161</p> <p>161. de Restitutione ob ab-<br/>sentiam. ibid.</p> <p>162. de ipsis actionibus &amp;<br/>judiciis. 162</p> <p>163. Quid sit actio &amp; quoru-<br/>plex.</p> |
|---|---|

# I N D E X.

plex.	ibid.	174. Qui saliscent, & quis	
164. Species action. ab effe-		effectus eius.	176
ctu & fine.	163	175. de Iudice.	177
165. de his quæ in fraudem		176. de Partib. actionu.	178
creditorum.	146	177. de Litis contestatione	179
166. Actio de Peculio.	165	178. de Vi & potestate eius.	180
167. Divisio action. à for-			
ma.	166	179. de exceptionibus.	181
168. de Perpetuis & tempo-		180. Quotuplex sint Exce-	
ralibus actionib.	167	ptiones.	181
169. de Actionibus quibus		181. Earum vis & effectus.	184
modò solidum, mo-			
do minus persequi-	171	182. de Replicationibus.	182
mur.		183. de Cumulationibus.	183
170. de Personis ad iudicium		184. de Cumulationibus ex-	
pertinentibus.	172	ceptionum.	ibid.
171. de his qui alieno nomi-	173	185. de Cumulationibus a-	
nalitigantur.		ctionum.	189
172. Quot eorum species.	174	186. de Sententia & re iudi-	
		cata.	181
173. Quæ ad hæc necessaria.	175	187. de Officio iudicis.	189

AXIOMA


# AXIOMATON

## S I K E

# COMMENTARIO- RVM AD REGVLAS VTRIVS.

que Iuris, nova Oeconomia per locos  
communes, incedentium, En-  
chiridion.

## AXIOMA I.

 RIA sunt in omnibus disciplinis  
præcipua locorum communium  
capita: *Inventio*, quæ est ingenii: *Ju-  
diciu*, quod rationis: *Memoria*, quæ  
rerum ipsarum. Prius enim inve-  
niendæ res sunt, tunc de inventis iudicandum,  
*Agricol lib. 1. de inventione*, postremò fideliter o-  
mnia memoriæ committenda, *Quintil. lib. 10. in-  
stit. orat.* Nam Platoni tantum quisq; scit, quan-  
tum memoriâ tenet. Inventioni & iudicio ser-  
viunt, tum alia pleraq;, de quibus apud Diale-  
cticos, tum maximè definitiones & divisiones.  
Memoriæ servit Regula.

## AXIOMA II.

*De definitione & divisione.*

Iavolenus, Reg. 202. *Omnis definitio in iure ci-  
vili est periculosa, rarum est enim ut non subverti  
possit. Hoc responsum pro tituli conditione  
est accipiendum, argum. l. imperator. de in diem  
adlect.*

*adict.* vt sit regula, non verò jus constituat *l. regula axio. seq.* hoc est, vel ostendat quales ferè sũt definitiones, quibus pro tempore & loco ad Iuris & Injurix disceptationem finiendam vti sunt Prudentes, non verò quales secundum præcepta Dialecticorum (ad quos exactarum definitionum cura pertinet) esse debeant. Neque enim facultas Iureconsultis defuit, aptè singula, si voluissent, definiendi, vti ex Institiæ, Nuptiarum, Tutelæ, Obligationis, & aliis plerisque definitionibus apparet: sed quando id nõ fuit omnino necesse, cõtenti fuerunt, qualemcunq; rei propositæ notitiam descriptione, *l. i. de dol. l. i. de vulga. l. i. de precatio. ff. de test. ord. in prin. vel Etymologiam fecisse, l. i. de acq. poss.*

### A X I O M A I I I.

#### *De regula.*

Ait Paulus, *Reg. i. Regula est, quæ rem quæ est, breviter enarrat, non vt ex regula ius sumatur, sed ex iure quod est, fiat regula. Per regulam igitur brevis rerum narratio traditur, & (vt ait Sabinus) quasi causa coniectio est, quæ simul cùm in aliquo vitata est, perdit officium suum.* Tunc enim rem quæ est breviter enarrat, quando vel causam aliquam generalem proponit, quam in variis controversiis decidendis secuti sunt Prudentes (quales sunt omnes ferè regulæ generales) *l. in omnibus quidem, l. i. iura natura. l. in dubiis. in hoc tit.* vel quando ipsa quoque singularia diversis locis in iure occurrentia propter aliquam similitudinem, quam habent  
ad in.

ad invicem, in vnum corpus memoriæ gratia colligit, *l. femina. l. actus, l. contractus*. quam Sabinus, *hac l.* vocat causæ coniectionē, sumpta metaphorā ab oratoribus; *Asconius in Verrem Cicero- nis*. qui vel in principio obiter summam totius causæ conjiciunt, vt attentum faciant auditore: vel in fine, vt eum memorem dimittant. Atq; i- a regula tempore posterior est quàm Ius, sic vt meritò, non Ius ex Regula fiat, sed ex Iure quod est, ad memoriā sumatur regula. Quemadmo- dum apud Grāmaticos (apud quos omnia ma- jorum autoritate nituntur) *Horat. de arte poet. in- vinc.* præcepta seu regulæ nō faciunt vsum, sed Ius præcepta. Sunt autem regularum (vt ex his uæ dicta sunt haberi potest) aliæ *Generales*, aliæ *peciales*. Et quidem primò de Generalibus:

### A X I O M A I I I I.

#### *De regulis generalibus.*

Regulæ Generales sunt, quæ per totū Ius si- ce certo aliquo determinatoq; loco, aut argu- mento diffusæ sunt. Quarum aliæ circa Ius stri- ctum versantur: aliæ verò circa *aquum & bonum*:

### A X I O M A V.

#### *De jure stricto.*

Ius strictum, est Ius in genere latum, quodq; eodem tenore stringit & complectitur omnia, nihil cōnivens ad facti circūstantias, *l. pe. de con- t. pec.* unde fit vt illis secū alias rationes afferē- b. statim incipiat iniquū esse, vt eis Ius strictū

applicetur, l. bona fides Depositi. Et hoc est quod aiunt, Terent. in Andria, Cic. lib. 1. offi. & in l. si servum; §. sequitur de verbo, ob. Ius summum, summam sæpè injuriam esse. Vt ecce, reddere depositum in genere est æquum; at insano homini gladiū depositum reposcēti, iniquum erit restitui. Et huc pertinent illæ regulæ, quarum prior est Pauli. Reg. 187. *Non omne quod licet, honestum est.* Illud licere dico, quod secundum Ius in genere latum, non inspectis cæteris facti circumstantiis ab honesto, natura, vel utili recedentib. arg. d. l. bona fides, & §. si vxor in fide nup. §. sed & maior de his qui sunt sui, videtur esse permissum & fieri posse vt in deposito gladio, de quo prius. Altera est Modestini, Reg. 158. *Semper in conventionibus non solum quid liceat considerandum, sed & quid honestum.* Neq; enim potest quicquam esse justum, quocum honesto pugnet, §. Iuris præcepta. de Iustit. e. Iure. & d. §. si vxor. aut à natura recedat, vel deniq; non sit utile, vt ex Iuris præceptis posterius ostendemus.

## AXIOMA VI.

### De AEquo Bonoque.

Huius argumenti tractatio in duo capita dividitur: Quid sit illud quod æquum bonumq; vocatur: tum circa quæ versetur. Nihil autem est aliud æquū & bonum, quàm temperamentum quoddam ex media Philosophia sumptū, quod stricti Iuris rigori & injuriæ, collatis & appetitibus  
into

inter se facti circumstantiis, occurritur, *d. l. bona fides, l. plac. C. de iud.* Et hoc testatur hæ regulæ: primum Pauli, Reg. 91. *In omnibus quidem, maximè autem in Iure spectanda est æquitas.* Illud enim est æquitas in singulis casibus, & in specie, quod ius strictum in genere, *l. iur. 2. de legis & Se.* in quo etiam tacitè, tanquam species genere, cõtinetur. Nam cum Ius strictum vel in genere latum jubet reddi depositum, nihil nisi quod iustum & honestum est, intelligit. Neq; enim potest iustum esse quicquam, & idem turpe aut inhonestum, *s. axio. preced.* Omnes igitur illi casus, quibus sit iniquum reddi depositum, qui à legislatore propter rerum singulariũ multitudinem exprimi non potuerunt, *l. non possunt, de legi. tacitè* ab eo jure per Legislatore sunt excepti, quæ exceptione æquitas (quæ circa individua versatur) explicat, idq; per interpretationem vel Prætorũ, vel Principium, vel Prudẽtum. Quomodo autem à stricto Iure per æquitatem recedere liceat, duæ docent regulæ, duas æquittatis species diversas proponentes, aliam Iuris, aliam facti. Iuris quidem æquitatem notat Paulus, cum ait Reg. 86. *§. finali. Quoties æquitatem desiderij naturalis ratio, aut dubitatio Iuris moratur, iustis decretis res temperanda est.* Quoties, inquit, desiderij naturalis ratio, hoc est, naturalium causarum conflictus, qualia sunt honestum, natura, & utile, *l. de Iuris princ. axio. 8. cum sequent.* aut dubitatio Iuris, hoc est, controversia

ex contrariis aut dissimilib. prudentum sententiis emergēs, §. *cū ex aliena, de re. divis.* moratur æquitatē, hoc est, impedimento est, quo minus res decidi possit, tum *iustis decretis*, hoc est, aliqua perpetui juris parte, qualia sunt lex, plebiscitum, senatusconsultum, Constitutio Principis, aut deniq; prudentum interpretatio, §. *constat, de iure naturali gen.* res temperāda est, id est, finienda & explicanda controversia est: Quod Iustinianum fecisse legimus, qui cōtrovercias ante se prudentum sententias, & dissensiones sui nominis autoritate editis, Pandectis compescuit *l. 2. C. de vet. iure enucle.* Ideò verò Paulus ista vocat iusta decreta, quod ea præcipuè Ius agnoscat & probet, *d. §. constat.* quemadmodum Iustæ nuptiæ, Iusta pacta. Facti verò æquitatē Marcellus notat, cū ait, *Reg. 144. Et si nihil facile mutand. sit ex solen. tamē ubi æquitas evidens poscit, subven. est.* Hic not. iustis decretis subvenire, iur. esse; at verò simpli. subvenire facti: & sic Prætor ad æquitatē cōtendit, quando in integrū restituit, *l. 1. de minor. ex edictis suis actionem dat, ad bonorum possessiones admittit,* quæ omnia, eorum comparatione quæ merè juris sunt, in facto consistunt, ideòq; nec mutant quicquam in solennibus, hoc est, merum Ius non *l. cū sponsus, §. si. de publicia. l. 1. de feriis.* tollunt, sed tantū de facto moderantur & temperant Iuris illius perpetui rigorem, *l. placet, C. de indic.* qui sine injuria, facti circumstantiis præsentibus applicari nō poterat.



## AXIOMA VII.

*Circa quæ versetur æquum bonumq;.*

Duo maximè sunt, in quibus omnia ferè juris & æquitatis interpretatio revolvitur: Principia juris, & Positiones. In omni enim disciplina sunt principia quædam, quibus sponte sua etiam homines imperiti, sine vlla probatione & doctrina assentiuntur: ex quo genere, exempli gratia, sunt hæc: Neminem lædere, Suum cuiq; tribuere, Fidem alteri datam servare, Benemerentibus gratiam habere, *Cicero lib. 2. officio.* quæ qui negat, ineptior est, quàm ut cum eo disputetur, *Aristot. in Topicis.* Ita verò circa hæc æquum bonumq; versatur, quòd ex horum invicem conflictu & contentione totum jus sit compositum, ut quando honestas cum utilitate vel natura, vel jure in genere lato, item publicum privato *l. filiusfa. de his qui sui l. census de pollici.* pugnat, tum temperamento æquitatis est opus, ut quod justiore ratione constat, id in cōtentione superet, *Hopperus de arte iur. lib. 2.*

## AXIOMA VIII.

*De juris principiis, & præceptis.*

Tria sunt juris & injuriæ principia: Honestum, Natura, Utile, *Cic. lib. 3. offic.* Quicquid enim huiusmodi est, ut cum horum aliquo peccet, id continuò desinit esse justum,

adeò hæc cum iusto naturaliter sunt coniuncta, ut non possit quicquam esse iustum, quod non idem sit etiam honestum, *l. non omne, sup. axio. 5.* aut honestum, quod sit contra naturam: aut deniq; naturæ congruum, quod dissonans & alienū sit ab utilitate, *d. l. iure natur. 1.* & ideò ista etiā principia vocamus, quæ ex triplici iure, nempe naturali, Gentium, & Civili puto descendisse. Nam honestas naturæ respondet, secundū naturam enim dicuntur esse quæ sunt honesta, *d. l. iure natura, & Cic. lib. 2. offi.* Natura verò, Iuri gentium: Utile autem, utriusq; juris est, gentium & civilis. Multa enim gentium iure ob utilitatem sunt constituta, multa etiā iure civili, ut in sequentibus apparebit.

### AXIOMA. IX.

#### *De honesto, seu primo Iuris præcepto.*

Honesto (cui conforme est illud juris præceptum honestè vivere) contrarium est turpe: unde si quid est turpe, id vel eo solo, quòd ab honestate recedit, fit iniustum, *d. l. non omne.* Huius generis sunt in iure multa. Turpia promissa: Iuramentum contra bonos mores. Item & ea, quæ præcipitanter & inconsideratè vel dicta sunt, vel facta: ac deniq; fidei violatio, quæ quia honestè non fiunt, nec justè fiunt. De turpibus promissis est, *Can. 69. In malis promissis expedit fidem non servari.* Et de iuramento contra bonos mores itidem in Canonibus, *Can. 58. Non est ob-*

est obligatorium contra bonos mores praestitū iuramentū, nō magis quā turpis promissio. De his vero quæ aliquo animi calore, hoc est, sine consilio, magisque impetu quā consilio fiunt, tale est Pauli responsum, Reg. 29. *Quicquid calore iracundiae vel sit, vel dicitur, non prius ratum est, quam si perseverantia apparuerit iudicium animi fuisse. Ideoque brevi reversa vxor, nec divertisse videtur.* Ira, inquit Horatius, in epist. furor brevis est, meritò ergo perinde nullum est, vt à furioso factum. Dat exemplum cū ait, ideoque, &c. Quam rem intellige de vxore, quæ summa animi perturbatione excitata, divertit à marito. Et quia tempus solet adimere ægritudinem hominibus, Terent. in Heaut. idè brevi reversa, videtur nec divertisse. Sed & fidei violatio turpis est atque inhonesta, & penitùs ab omni humanitate aliena, l. 1. de Pact. ex qua omnes regulæ manaverunt. In Canonibus, Can. 21. *Quod semel placuit, amplius displicere non potest.* Incivile est enim temerè distrahi & variare consilij, maxime in his quæ redundatura sunt in alicuius iniuriam, vnde Papinianus, Can. 76. *Nemo potest mutare consilium suum in alterius detrimentum.* Et iterum in Canonibus, Reg. 33. *Mutare consilium quis non potest in alterius detrimentum.* Tunc autem aliud detrimentum sentire dicitur, quando ex cōsiliorum commutatione aliquid iuris est ei decessurum. Vt ecce, ex iudicis sententia, victori contra alterum ius est acquisitum,

*l. auctori. C. de reb. cred. ex contractu hinc & illinc nata est obligatio : ex aditione hereditatis impletæ sunt vires testamenti, & heres iam dudum legatariis creditoribusq; factus est obnoxius, §. heres, de ob. ex quasi con. nō poterit ergo vel Iudex sententiam revocare, l. Iudex. l. Paulus de rei iud. vel is qui ex contractu debitor est, ab eo discedere, l. sicut. C. de actio. vel deniq; qui hereditatē adiit, eam repudiare, l. sicut. C. de repud. hered. Sin verò quis ita improbus sit, vt fidem datā servare recuset, cum ius ita punit, vt ei contra eundem quem ipse fefellit, ob fidem non servatam, denegat actionem. Vnde illa regula, Can. 75 Frustra sibi fidem quis postulat servari ab eo, cui fidem à se præstitam servare recusat. Quemadmodum & aliàs quod quisque iuris in alium statuit, ipse eodem iure vti debet, vt in tit. π. quod quisque iuri &c. Et hætenus quidem de honesto, deque hiis quæ cum eo pugnant.*

### AXIOMA X.

#### *De natura.*

Secundum principiorum est natura : Cuius duplex est consideratio : altera naturalis & propria : altera iuris gentium, *tit. de iure naturali, gent. & civili in princ.* Et quemadmodum quod cum honesto pugnat, fieri non potest vt sit iustum : ita quod à naturæ legibus dissentit, impossibile est vt iure valeat, ita vt meritò eos execrari solitus sit Socrates, qui hæc naturæ

vni

unita & coniuncta, opinione distraxissent, Cic. lib. 3. offic. Et quidem ex priore illa naturæ consideratione omnia manaverunt, quæ ius ideo non probat, quòd vel in genere sint contra naturam, vel in specie.

### AXIOMA XI.

*De his quæ contra naturam sunt, in genere.*

Ait Celsus, Reg. 149. §. final. Quæ rerû natura prohibentur, nulla lege confirmata sunt. Ars enim naturam imitatur quàm potest proximè, §. minorem, de adoptio. vnde nec adoptionis ratio patitur ut maior à minore adoptetur, aut ut is tutelam gerat, qui rebus suis ipse nequeat superesse, §. item ma. de exe. tuto. nusquam probatum est: aut, ut quod in rerum natura non est: aut impossibile est, ex promissione, aut testamento debeatur: talia sunt in iure sexcêta quæ nulla lege, hoc est nec Prætoris imperio, nec iudicis officio, nec legis potestate confirmata, l. actiones, de actio. & obligat. id est, recepta aut agnita sunt.

### AXIOMA XII.

*De his quæ contra naturam sunt, in specie seu de impossibilibus.*

Impossibilium non vna species est, nam alia factio impossibilia sunt, alia iure. Factio quidem, ut est

ut est digito cœlum attingere, *§. si impossibilis. de inutil. stip.* Chimeram præstare, *d. lit. in pro. & similia* : quæ quia (ut dixi) à natura dissentiunt, iusta quoque esse desinunt. Hinc illæ regulæ, *Reg. 145. Impossibilium nulla est obligatio.* Et in Canonibus, *Can. 6. Nemo potest ad impossibilia obligari.* Et iterum in *π. Vlpianus, Reg. 178. Ea quæ dari impossibilia sunt, vel quæ in rerum natura non sunt, pro non adiectis habentur.* Quod in vltimis voluntatibus, legatis, fideicommissis & libertatibus sub impossibili conditione relictis, plerunque accidit, *§. impossibilis. de hered. inst.* idque ob singularem harum causarum favorem, *l. in testamentis, inf. hoc tit.* qui postulabat ut valerent potius quàm corruerent. Alioqui verò in cæteris rebus (ut in contractibus) ludere potius quàm aliquid agere contrahentes voluisse præsumuntur, qui sub impossibili conditione quicquam egerint, *l. non solum, de actio. & obligat.* Simile est illud Vlpiani, *Reg. 143. Quod nullius esse potest, id ut alicuius fieret, nulla obligatio valet efficere.* Huius generis sunt res sacræ, religiøsæ & sanctæ, *§. nullius, de rerum divi.* quæ propter symbolum divinitatis quo affectæ sunt, habentur inæstimabiles (divinorum enim cum humanis nulla est proportio, *l. sunt personæ, in fin. de religiof.*) meritòque omnem ferè commercii causam effugiunt. Nam quòd emptio rei sacræ valeat, *l. & liberi, de contrab. empt. §. fin. de empt. ic.* idè est, quòd illi contractui sola traditione (qua

(quæ facti est) satisfiat, *l. ex empt. de act. empt.* non verò necesse sit ut cum venditor faciat accipientis. Sed & facta impossibile est esse infecta, *lin bello, §. factæ. de capt.* Vnde Ulpianus, Reg. 32. *Verum est neque pacta, neque stipulationes factum mutare posse. Quod enim impossibile est, neque pacto, neque stipulatione potest comprehendi, ut utilem actionem aut factum efficere possit. Utilem, hoc est, efficacem stricto iure: nam ex æquitate, & per interpretationem, secus est, l. si ita quis stipulanti, de evictio.* Et hæc de his quæ facta sunt impossibilia, quorum exemplo leges vocant & illud impossibile quod contra ius fieri quis velit, aut quod turpe est, aut cum honestate pugnat, *l. filius, de condit. insti.* De turpibus, dictum est prius. De altero verò talis prodita est Regula, *Can. 64. Quæ contra ius fiunt, debent utique pro infectis haberi.* Nam non obligant, nec effectum ullum sortiuntur, *l. non dubium, C. de leg. non magis quàm quæ ipsa per se natura sunt impossibilia.*

### AXIOMA XIII.

*De altera natura inspectione, secundum ius gentium.*

Sunt alia quædam (non quidem ex natura ipsa) sed ex naturali ratione ad confirmandam hominū inter ipsos societatem manantia, quæ partim secundo iuris præcepto continentur, partim

partim in analogia commodi & incommōd consistunt. Ergo de secundo iuris præcepto dicamus.

### AXIOMA XIV.

#### *De secundo iuris præcepto.*

Secundum iuris præceptum est, alterum non lædere, quod ad plurima iuris capita refertur, quemadmodum apparebit ex regulis subsequētib; ait. *Reg. 206. Iure naturæ æquum est neminem cum alterius iactura & detrimento fieri locupletiores.* Iure naturæ, id est gentium, ut Cicero, *lib. 3. offic. cap. 3.* interpretatur, nam si sic erimus affecti ( inquit ) ut propter suum quisque emolumentum spoliet aut violet alterum, disrumpi necesse erit eam, quæ maximè secundum naturam est humani generis, societatem. Cui consonat ille Canon, *Can. 48. Locupletari non debet aliquis cum alterius iactura vel iniuria.* unde statim in specie consequitur illa Vlpiani regula, *Reg. 77. §. final. Nemo ex suo delicto meliorem suam conditionem facere potest.* Sed & illud ad conservationem societatis pertinet, quod ait Papinianus, *Reg. 158. Non debet alteri per alterum iniqua conditio inferri.* Quod ita intelligo, ut scilicet nec alteri quisquam recta via noceat, nec cum alio quisquam talia tractet, unde tertius aliquis sentiat incommōdum, *l. saepe constitutum, de re iud.* nec deniq; quod quisq; deliquerit, in alium quàm authorem ipsum recipere.



reciprocet: *Lacrimen de pæn.* & hinc omnes illæ re-  
 gulæ tanquam ex fonte manaverunt. *Reg. 198.*  
*factum cuique suum, non adversario suo nocere debet,*  
 quod vsuvenire poterat in mora, & in deli-  
 ctis. Nam & in mora illud æquum visum est,  
 quod in Canonibus est, *Can. 25.* *Mora sua cuique*  
*est nociva.* Et in *π. Reg. 134. §. penult.* *Vnicuique sua*  
*mora nocet, quod & in duobus reis promittendi observa-*  
*ur: quod postea latius interpretabimur.* In de-  
 ctis quoque idem visum est æquum ut in au-  
 ctorem suum redundant. Vnde ille Canon,  
*Can. 66.* *Delictum personæ non debet in damnum Eccle-*  
*siæ redundare.* & in *π. Reg. 159.* *Neg. in interdicto, ne-*  
*que in ceteris causis, pupillo nocere oportet dolum tuto-*  
*ris, sive solvendo est, sive non est.* Ut ecce, obstrinxit se  
 adimonio pupilli nomine tutor, cessavit obi-  
 e: nonne hîc iniquum esset ex dolo aut negli-  
 gentia tutoris pupillû in pænâ deserti vadi-  
 monij incidere? *arg. l. 1. §. si rē, per quē fact. erit.* Sed  
 & illud turpe est & contra naturam, ut ex odio  
 quod quis adversus alium concepit, alius ini-  
 uiore conditione prematur: vnde Canon, *Can.*  
*2.* *Non habet aliquis alterius odio pragravari.* Quid  
 nim si mater odio matri filium exheredet, *l. si*  
*uis in suo. §. legis C. de inoff. test.* aut in filium inno-  
 centem pars paterni supplicij statuatur? *d. l. cri-*  
*men.* Durum sanè sit illud & inhumanum, *Cicero*  
*in epist. ad Brutum.* eoque nomine etiam iniu-  
 um.

## AXIOMA XV.

*De analogia commodi & incommodi.*

Ait Paulus, Reg. 10. *Secundum naturam est comoda cuiusque rei eum sequi; quem sequuntur incommoda: quod iustitiæ distributivæ est, Aristot. in moral.* per quam omnia ad analogiam hoc est, iustam proportionem rediguntur. Nihil enim æquè ad conservationem rerum pertinet quàm æqualitas, qua sublata, Cic. lib. 2. & 3. offic. necesse erit omnia velut vna ruina interire. Et hanc regulam convertunt Canones, Can. 55. *Qui sentit onus, sentire debet & commodum, & contrà.* Hinc est, quòd qui successionem expectat, non possit onus tutelæ, nisi cum iniuria detrectare, l. 1. §. interdum. de leg. tut. l. quo. tutela. 1. eo. & contrà. Nam alioqui frequentissimum est iniure, eum qui in vno gravatur, in alio rursus sublevari, l. eum qui, de iureiuran. Non est hi absimile illud Pauli, Reg. 192. *Ex qua persona quis lucrum sentit, eius & factum prestare debet, cum mater. C. de rei vend.* Sic heres omnia quæ defunctus fecit, seu vtilia sint, seu onerosa sustinere debet. Sic dominus ex contractu & facto institutoris perinde tenetur, vt ex suo.

## AXIOMA XVI:

*De utili seu tertio iuris præcepto.*

Tertium principiorum est utile, quod latissimè per omne ius diffusum est; nam & in 12. talis propositio

propositum est illud, Salus populi suprema lex esto, Cic. lib. 2. de leg. & in tertio iuris præcepto, Ius suum cuique tribuere, in quo & ipso totius Reipub. utilitas & conservatio continetur, ut ne quid fiat, quod non sit tum singulis, tum omnibus utile. Multa enim in speciem possunt esse iusta, quæ tamen non sunt Reipub. privatim, aut in genere utilia, atque ob id etiam minus iusta, §. cum in suo. de re. divis. l. in re mandata. C. mand. iunct. §. sed & mai. de his qui sui. Nam qui utilitatem à iure separant, perinde affecti sunt, ut ij qui nullum scelus lucri cupiditate non audent aggredi. Paucis igitur de usu huius principij dicamus.

### AXIOMA XVII.

#### De usu tertii principiorum.

Quando in aliquam difficultatē incidimus, in qua ius cum utilitate pugnat, d. §. sed & maior, tum ea res interpretatione adjuvanda est, & ius cum utilitate unendum, §. constituitur, de usu fr. §. rectè de mandat. quo casu non tam utilitas vincere ius dicetur, quàm quod in ipso iure est, sua sponte sequi utilitatem: quod fit quatuor prætipuè modis, per fictionem, representationem, præsumptionem, & coniecturam.

### AXIOMA XVIII.

#### De fictione.

Summa & utilitas est fictionum, & necessi-

tas, Bart. ad l. si is qui pro emptore, de usufructu. eaque vltimum leges vtuntur ad perpetuum illius, & meri iuris conseruationem, l. p. de iustitia & iure. ne in vllam absurditatem (dum conciliare vtilitatem cum iure conantur) incidant. Talis est illa fictio legis Cornelie & Postliminii. Si ab hostibus. quibus. mo. ius pup. sol. l. Cornelia. in fi. de testa. quæ sunt Civiles. Sunt alie Prætorie, vltimum fingitur usufructu qui non usufructu, §. nam quacumque, §. seq. de action. & similes: quarum propriam indolem & naturam in arte sua eleganter expressit Hopperus, de arte iuris. lib. 2.

## AXIOMA XIX.

### De representatione.

Quemadmodum in successione ob vtilitatem nepos in avi successione representat patrem in medio defunctum, §. cum filius, de her. quæ ab intestato defer. vt cum patris supersticibus ad successionem veniat, fingiturque eiusdem gradus esse cum eis, qui reuera tamē vno gradu est remotior: Ita interdum ob vtilitatem, dolus representat vel possessionem, vel rem, vel conditionem, vel factum: Item & culpa, nonnunquam rem. Summa enim factorum invicem cognatio est & similitudo, & vt ius facile iuri loco per representationem fungitur, ita factum representat factum, vel res rem.

AXIO

## AXIOMA XX.

*De dolo, possessionem representante.*

Ait Paulus, Reg. 174. *Qui dolo desierit possidere, pro possidente damnatur, quia pro possessore dolus est.* Ingreditur enim adhuc possidere, ut salvo iure reg. d. l. penult. civili maneat pristinis actionibus innoxius, quæ dirigi in eum tanquam possessorem, stricto iure non poterant: & in Canonibus, Can. 36. *Pro possessore habetur, qui dolo desierit possidere, l. fin autem, §. sed et si, de rei vend.*

## AXIOMA XXI.

*De dolo rem representante.*

Ait Ulpianus, Reg. 199 §. 1. *Semper qui dolo fecit domino minus haberet, pro eo est, ac si haberet: & iterum, reg. 193. Parem esse conditionem eius qui possideat vel habeat, atque eius cuius dolo malo factum sit, quo minus possideret vel haberet, l. si bonæ fidei, de noxa. actio.* Non incommode hæc præter alia, etiam ad fructus negligentia malæ fidei possessoris non perceptos, l. si navis, de rei vend. l. domum, C. illo. tit. referantur, quemadmodum & illa Papiniana regula, Reg. 79. *Generaliter cum de fraude agitur, non quid habeat actor, sed quid per adversarium habere non potuit, considerandum.* Omnis enim utilitas in actionem deducitur, fraude ac dolo, rem etiam quæ nunquam percepta est, representante: qui sanè maximus est re-

B a

presens

præsentationis effectus. Nam quemadmodum res facilius cōtinuatur, in suis de tit. & posth. quàm de integro fiunt, ita facilior est repræsentatio eorum, quæ aliquando possessa sunt, quàm quæ nunquam.

### AXIOMA XXII.

*De dolo conditionem repræsentante.*

Ait Canon, Can. 66. Cum fiat per eum, ad quem pertinet, quo minus conditio impleatur, haberi debet pro impleta, l. Maria. an lega. l. si ita heres de cond. insti. & in π. Papinianus Iureconsultus, Reg. 122. In iure civili receptū est, quoties per eum, cuius interest conditionem non impleri, fiat quo minus impleatur, perinde haberi debet, ac si impleta conditio fuisset. l. cum quidam. §. ex quacumq. C. de cond. insert.

### AXIOMA XXIII.

*De dolo factum repræsentante.*

Ait Pomponius, Reg. 40. In omnibus causis pro facto accipitur id, in quo quis alium perhorrescit, quo minus fiat, l. is. quo tempore. §. qui verò. C. de his qui per me, iud. Improbitate scilicet adversarij, repræsentante id quod facere alius debebat.

### AXIOMA XXIV.

*De culpam repræsentante.*

Ait Pomponius, Reg. 203. Quod quis ex sua culpa damnum sentit, non intelligitur damnum sentire. §. quan

*§. quantitas. de leg. Falc. §. pe. quib. mo. re.* Nec quicquam ei abesse damni nomine intelligitur: vt qui spreto inventarij beneficio damnosam hereditatem adivit, perinde solida legata præstat, atque si plena esset hereditas, poterat enim ab initio non adire, vel inventarij beneficio indemnis esse. *l. si. C. de iur. delib.*

### AXIOMA XXV.

*De facto factum representante.*

Facta quoque inter se mutua vice funguntur, quemadmodum & aliàs dolus cum dolo facilimè compensatur, *l. si ambo. de compensat.* & fingimus quod factum ab alio est, perinde atque si ab eo factum esset, qui non fecit, vnde in Canonibus, *Can. 82. Qui fecit per alium, perinde est, ac si faciat per seipsum.* Et in  $\pi$ . Vlpian. *Reg. 141. Quod iussu alterius solvitur, pro eo est, quasi ipse solvisset, vel ipsi solutum esset.* Eiusdem argumenti sunt aliæ multæ regulæ tum in Canonibus, tum in  $\pi$ . Sed malui eas ad tractatum mandati & rati habitionis reservare. Illud tamen adjiciemus, quòd interdum factum pro nò facto fungatur, *l. qui non facit. i. eo.* nam & sub facti nomine generaliter intelligimus etiam non factum, seu culpam omittendo còmissum, & ideò huc pertinere videbatur illa regula, *Reg. 135. Qui potest facere vt possit conditioni parere, iam posse videtur.* Sicq; potètia faciendi quodāmodo repræsentat factū.

## AXIOMA XXVI.

*De re quæ rem repræsentat.*

Ait Paulus, Reg. 15. Qui actionem habet ad rem recuperandam, ipsam rem habere videtur. Habetur enim quod peti potest, l. id apud se, de verb. sig. ad-  
eò ut etiam in bonis esse dicatur, l. rem in bonis, de acqui. re. do. non quidem revera, sed tantum per interpretationem & repræsentationem, nam alias naturaliter Pomponio teste, Reg. 205. Minus est actionem habere, quam rem. Propterea videlicet, quod multa accidere possint, ut licet actionem habeas, rem tamen non consequaris, arg. 5. illuc quasitum, de re divis. fortè ob inopiam debitoris, l. nam is, de dolo. aut dubium litis eventum, l. quod debetur de pe. Simile est quod interdum vterus partum ipsum repræsentat, unde illud Celsi, Reg. 138. Si quis pregnantem uxorem reliquerit, non videtur sine liberis decessisse. Revera tamen adhuc non habet liberos, quia qui nati non sunt, adhuc non sunt, l. si. de collat. bo. & hoc illud est, quod frequenter qui in utero sunt, pro natis habeantur, l. qui in utero, de sta. bo. Nec mirum est rerum invicem functionem esse, cum & persona personæ vice fungatur: sic heres defunctum repræsentat, de stip. servo. in princ. in Institut. verum de his iam satis.

## AXIOMA XXVII.

*De præsumptionibus.*

Præsumptio nihil aliud est, quam probabili-  
lia



lis quædam coniectura in rebus dubijs, sumpta ex causis vel naturalibus ( vt cùm præsumitur quisque plus facere liberis suis & coniunctis ac necessarijs quàm extraneis, *l. cùm alienam. C. de le-  
p. l. si totas, C. de inoffic. donatio.* sua magis quàm a-  
liena curare, *l. præses, C. de ser. & aqua.* & mille ta-  
lia ) vel ex causis verisimilibus, cuius generis sunt ea ferè omnia quæ posterius de coniectu-  
ra dicemus. Et hi Canones, *Can. 8. Semel malus  
semper præsumitur esse malus* : donec videlicet  
contrà probatum fit : quemadmodum & aliàs  
in Canonibus, *Can. 48. Præsumitur ignorantia, v-  
bi scientia non probatur.* Quod de facti ignorantia,  
*arg. d. l. verius.* non iuris intelligo. Iura enim sua  
natura sunt publica, quasi videlicet à toto po-  
pulo profecta, quorum nihil potest esse clam  
aut privatum.

### AXIOMA XXVIII.

#### *De coniectura seu interpretatione.*

Coniectura & interpretatione utimur in  
quæstione scripti & voluntatis. *Quin. lib. 7. & Cic.  
ad Heren. lib. 1.* hoc est, quando non eodem verba  
tendūt, quo voluntas & sententia. Estq; omni-  
nò duplex, Captiosa & Civilis.

### AXIOMA XXIX.

#### *De coniectura seu voluntatis interpreta- tione captiosa.*

Ait Iulianus, *Reg. 66. Ea est natura cavillationis,*  
B 4 *quam*

(quam Græci σόφισμα appellant) vt ab evidentè veris, per brevissimas mutationes, disputatio, ad ea quæ evidentè falsa sunt, perducatur. Brevissimas mutationes voco captiones illas, seu elenchos, quando vel mutatis literis corrumpitur vocis significatio, vel transpositis dictionibus aut commatis, aliorum derivatur orationis sententia. Cuius generis referti sunt apud Aristotelem elenchorum loci, & apud Iureconsultos, tractatio de rebus dubijs, tit. de reb. dub. vt si quis Amphibologia, Aequivocatione, Coniunctione, Divisione adversarium circumvenire conetur, & in iure omnia illa quæ Aphricanus, l. qui quadringenta. ad leg. Falcid. dixit τῶν ἀνυχῶν τῶ ψευδομένῳ esse, hoc est, ex apicibus frustratorii cavillatoriique syllogismi.

### AXIOMA XXX.

*De coniectura & interpretatione Civili  
ac minimè captiosa.*

Civiliter & probabili modo voluntatis coniecturam facimus, vel ex natura ipsarum rerum: vel ex signis: vel ex verbis ipsis: vel denique ex mente.

### AXIOMA XXXI.

*De coniectura & interpretatione ex natura ipsarum rerum.*

Hoc coniecturæ seu interpretandi genus rationa-

tionativum d. lib. 7. in princip. à Quintiliano vocatur, summasq; continet in jure contentiones, & facit vt alter scripto nitatur, alter non satis cautum esse dicat. Vt cautum est de toto, an idem sit de parte: Aratrum accipere pignori nō licet, quid igitur, si vomerem quis acceperit? Contrā, si de parte cautum sit, an eadem habeatur in toto ratio? Lanas vehere Tarento non licet, quid si quis oves vexerit? Tales sunt in Genere & Specie: Toto & partibus: Pluri & minore: Principali & accessorio: Antecedente & consequente: Priore & posteriore: privatione & habitu, contentiones: Inter quæ tam naturalis invicem est habitudo, vt vel naturaliter cohæreant, & sint quodammodo, vel saltem ex invicem sequantur, vt in singulis ostendemus.

## AXIOMA XXXII.

### *De genere & specie.*

Ait Caius, *Semper generalibus insunt specialia.* Qui ergo de genere loquitur, species tacitè nominavit, quemadmodum & aliàs, hominis legatum (quod generis legatum est) orationis compendio singulos homines complectitur, l. cum incertus, de leg. 1. Qui verò de vna aliqua specie loquitur, is cæteras sub eodem genere contentas species non dissimulanter excludit, l. uxorem, §. felicissimo, de leg. 3. & vt in Canonibus est, Can. 34. *Generi per speciem derogatur*, & Papinianus.

*Reg. 80. In toto iure generi per speciem derogatur, & illud potissimum habetur quod ad speciem directum est.*

### AXIOMA XXXIII.

#### *De toto & partibus.*

Ait Caius, *Reg. 114. In toto pars continetur: & in Canonibus, Can. 80. In toto partem non dubium est contineri.* Totum enim ex partium aggregatione coit & componitur, quod in artificialibus quidem (vt domus) partibus suis est natura posterius: In naturalibus verò (vt homo) sunt pars & totum natura simul, *l. rerum mixtura, de vsucap.* Et rursus harum quædam diuisæ à toto, sunt inutiles, vt pars fundi, quædā inutiles, vt pars Stichil. *2. de ver. oblig.* quod addidi, vt paucis animadvertas nec partes semper eodem modo inesse toto, nec eandem quoq; partium esse naturam.

### AXIOMA XXXIIII.

#### *De pluri & minore.*

Ait Paulus, *Reg. 111. In eo quod plus sit, semper inest minus.* Et in Canonibus, *Can. 31. Plus semper in se continet, quod est minus.* Plus earum propriè rectè est quæ quantitate, tempore, loco vel causa variant, *§. plus de actio.* inter quæ ad minus quod attinet, magna est diversitas. Nam fideiussor qui in plus quâtitate fideiussert quam principalis obligatur in concurrentem summam, *l. 1. §. si principalis*

*pulanti de verb. oblig.* at qui reliquis modis, omni-  
 modò nō obligatur, *l. Gracè. §. illud, de fideius.* Idē  
 in stipulatione est, in qua si promissor quanti-  
 tate mutet interrogationē, obligatur, *d. §. si sti-  
 pulanti.* Sin verò qualitate, hoc est, tempore, lo-  
 co, vel caussa, nihil *§. praterea de inu. stip.* agit: for-  
 tē propterea quod numerus sit quātitas discre-  
 ta, *Arist. in Categor.* & ideò facilē fieri, vt is qui mi-  
 norem summam nominaverit, videatur singu-  
 las minores quoq; nominasse. Cætera verò cō-  
 tinua, vnoq; spiritu (vt ait Pomponius) *l. rerum.*  
*de vsucap.* contenta, & ideò si dividantur, iam nō  
 eadem, sed alia videri & formam mutasse. Illud  
 autem ad interpretationem voluntatis in hoc  
 argumento pertinet, quod ait Vlpianus, *Reg.*  
*22. Non debet cui quod plus est licet, non licere*  
*quod est minus: & in Canonibus, Can. 53. Cui*  
*licet quod plus est, licet utique quod est minus.*  
 Vnde manant istæ speciales Regulæ Vlpia-  
 ni, *Reg. 124. Cui ius est donandi, eidem & ven-*  
*dendi & concedendi ius est.* Plus est enim do-  
 nare, quod profusionem quandam patrimo-  
 nii continet, *l. filiusfam. de donat.* quàm vendere,  
 (quod administrationis & utilitatis est, pro-  
 pter pretium) *l. actionum genera, de actione & obli-*  
*gat.* aut cedere, quod amicitiz est, vt in com-  
 modato & precario, *lege prima, de precar.* Et  
 illa, *Cum quis possit alienare, poterit & consentire alie-*  
*nationi.* Quod fit per ratihabitionem, *Reg. 126. Cui*  
*autem donare non conceditur probandum, vt nec*  
*fin*

*si in donationis causam consenserit, ratam eius voluntatem habendam. Exemplum sit in prodigo & pupillo, quibus curatores non ad profundendum patrimonium, sed ad conservandum sunt l. i. d. Lusurio, & tit. de aut. tuto. in princ. in Insti. adhibiti unde ad utilitatem prodigi aut pupilli maxime pertinet, ut ne quidem donare volenti, consensum præstare possint. His adde illud Vlpiani, Reg. 100. Cui damus actionem, eidem exceptionem competere multo magis quis dixerit, & in Canone Can. 71. Qui ad agendum admittitur, est ad excipiendum multo magis admittendus. Vno sanè casu omnes hæ regulæ officium suum amittunt, nimirum quoties facultatem eius quod plus est non ex se quisq; sed aliunde, & ex aliena auctoritate accepit, qua verecundius est utendum non verò ut propria, l. more, de iuris. Sed & illud Vlpiani responsum, huius est argumenti: Quod potest invitis aliquibus alienare, multo magis & ignorantibus & absentibus potest. Exemplum est in creditore pignus alienante.*

### AXIOMA XXXV.

#### *De principali & accessorio.*

Ait Canon, Can. 42. Accessorium naturam sequi congruit principalis. Nam quemadmodum una eademq; res diverso jure censeretur non l. cum qui de usucap. potest, non magis quam hominem possibile est pro parte hominem esse, & parte piscem, sic necesse est, ut duabus rebus invicem unitis,

nitis, altera in alterius indolem commigret :  
 im verò quia principale venit maximè in con-  
 siderationem, *arg. l. queritur, de sta. hom.* fit vt ei  
 anquam digniori concedat accessorium, & in  
 ius naturam commutetur, *§. si tamen alienam, de  
 e. divis.* quod diligenter nota, nam eò spectant  
 erè omnia quæ in Institutionibus de rerum  
 iuisione traduntur. His cōsequens est, vt prin-  
 cipali corruente, corruat & accessorium. Vnde  
 Vlpianus, *Reg. 139. Cùm principalis causa non consti-*  
*tit, plerumq; nec ea quidem quæ sequuntur, locum ha-*  
*ent.* Idq; propter naturalem rerum inter se cō-  
 nexionem, nec magis possibile est accessorium  
 ine principali esse, quàm accidens sine subiec-  
 to in quo est, *l. i. Com. pred.*

## AXIOMA XXXVI.

### *De privatione & habitu.*

Fertile & plurimi vsus est illud in iure axio-  
 ma, quod Privatio præsupponat habitum *l. de-  
 tem, de verb. obli.* Vnde intestatum propriè dici-  
 mus, qui cùm posset, testamentum tamen non  
 condidit: in quam rem incidunt pleræq; Re-  
 gulæ, & primùm illa Vlpiani, *Reg. 84. Non videtur*  
*rem amittere, cuius propria non fuit.* & illa Pauli, *Reg.*  
*108. Non potest videri desisse habere, qui nunquam ha-*  
*buit.* Et illud Vlpiani responsum, *Reg. 3. Quod quis*  
*si velit habere non potest, repudiare non potest.* Nam vt  
 idem ait, *Reg. 3. Eius est non velle, qui potest &*  
*velle.*

## AXIOMA

## AXIOMA XXXVII.

*De coniectura seu interpretatione ex signis.*

Ex iudiciis & signis pulchrè Quintilianus, *lib. 5. cap. 9.* docet argumenta & coniecturas duci, utpote cùm ex coloris mutatione, facinoris conscientiam colligimus (hinc illud Terentii, *Erubuit, salva res est*) vel ex taciturnitate, consensum. Vnde Canon, *Can. 43. Qui tacet, consentire videtur.* Quod signum non est necessarium, nec per se efficax ad probationem consensus, *l. Caius de pig. act. l. Tit. 5. Lucia de leg. 2.* ita cæteris adiunctum facit fidem. Nam qui in ea causa est ut contradicendo rem propositam impedire possit, is utiq; si tacet, consentire videtur, *l. fideiuss. §. pater de pigno. l. quoties. ad Municip.* Si nequit impedire, tum quia per se taciturnitas non sufficit, nec debet res inter alios acta nocere aliis, *l. sapè de re iud.* fit ut videatur non consentire. Quod pulchrè explicat Paulus, *Reg. 183. Qui tacet, non utiq; fatetur, & tamen verum est eum non negare: & in Canonib. Can. 44. Is qui tacet, non fatetur, sed nec utiq; negare videtur.* Sicq; fit ut tacere sit quodammodo medium inter fateri & negare, *l. 1. scien. de trib.*

## AXIOMA XXXVIII.

*De coniectura ex verbis.*

Ait Ulpianus, *Reg. 45. Semper in stipulationibus & cæteris contractibus id sequimur, quod est actum.* Neq; enim coniecturis aut interpretatione est opus.



opus, vbi de voluntate constat, l. Labeo. de sup. leg.  
 Consentit autem cum hac Regula ille Canon,  
*Contractus ex conventionē legem accipere dinoscun-*  
*tur.*

## AXIOMA XXXIX.

### *De conjectura ex mente: seu de Obscuro & Ambiguo.*

Ex mente coniectura nihil est aliud, quàm  
 illa cuius tam celebris & multa est apud Rheto-  
 res mentio, quæstio scripti & voluntatis, Quint.  
 ib. 7. quando videlicet aliò voluntas, aliò ver-  
 ba trahunt. Quæ quidem res facit, vt incidamus  
 in ambiguum, aut obscurum ambiguo simile  
 velon ad l. omnes populi. de iusti. & iure. quæ quàm re-  
 cipiant interpretationem, palàm facient regu-  
 læ subiectæ, secundum hæc capita incedentes.  
 Nam in primis hoc genus interpretationis ex  
 eo pendet, vt consulamus authorem ipsum,  
 qui sententiam protulit ambiguitate sua vacil-  
 lantem. 2. Si eius copia non habeatur, tum ex  
 verisimili eius affectione iudicemus. 3. Si nec  
 illa satis appareat, tum videndum est quid res  
 præsens postulet. 4. Si & de illo dubitetur, con-  
 sultum est ad loci consuetudinem recurrere. 5.

Hac quoq; destituti, ad Regulas beni-  
 gnitatis, tanquam ad Cynosuram  
 nautæ respiciemus. Nunc ad  
 singula.

## AXIOMA XL.

*De interpretatione ambigui ab authorē.*

Ait Martianus, Reg. 97. In ambiguis orationibus maxime sententia spectanda est eius, qui eas protulit. Exempli loco sit illud Celsi responsum, Reg. 152. Neratius consultus, an quod beneficium dare se quasi viventi Caesar rescripserat, iam defuncto dedisse existimaretur, Respondit: Non videri sibi Principem, quod quem vivere existimabat, concessisset, defuncto concessisse: Quem tamen modum beneficii sui esse vellet, ipsius estimationem esse.

## AXIOMA XLI.

*De interpretatione ambigui à verisimili.*

Ait Paulus, Reg. 115. In obscuris inspicitur solet, quod est verisimilius, aut quod plerumque fieri solet. Et in Canonibus, Can. 46. Inspicimus in obscuris, quod est verisimilius, vel quod plerumque fieri consuevit. Id enim verisimilius hic est, quod plerumque; & vulgò fieri solet, arg. l. pretia, ad leg. Falcid. Sed & ad ipsam authoris affectionem verisimilitudo nonnulla quam refertur, hoc est ad ea ut plerumque in huiusmodi rebus solet esse affectus, & ad rationem quam ipse in talibus rebus sequi solitus est. Videtur de Ulpianus, Reg. 129. §. final. Quod factum est, cum obscuro sit, ex affectione cuiusque capit interpretationem. Exempla sunt in jure passim obvia, tum prioribus l. cum alimenta, de ali. legat. l. se cui, de an. leg. l. si quis inten-

*intent. de iudi. tum posterioris, l. cum rem alienam; C. de le. l. si mater, C. de inoffi. test. l. si pater dotem, C. de promissis, generis.*

### AXIOMA XLII.

*De interpretatione ambigui à rei presentis  
oportunitate.*

Ait Iulianus, Reg. 68. Quoties idē sermo duas sententias exprimit, & potissimum accipitur, quæ rei gerendæ est aptior. Et hoc est quod vulgo dicitur; verba esse secundum materiam subiectam accipiēda, l. Imperator. de in diem adiect. & illud quod verba hīc interpretanda sūt, vt valeat potius negocium quàm vt pereat, l. quoties de reb. dub. Regulæ in primis vtilis, & multi vsus.

### AXIOMA XLIII.

*De interpretatione ambigui à Consuetudine.*

Ait Ulpianus, D. Reg. 35. Vnde si non appareat quid actum est, consequens erit, vt id sequamur, quod in qua id actum est, frequentatur. Nam vt consuetudo est optima legum interpres, l. si de interp. de leg. ita & contractuum & negociorum.

### AXIOMA XLIIII.

*De interp. ambigui ex locis benignitatis.*

Loci Benignitatis sunt multi & varii: nam modò Benignitatē in genere: modò quod minimū est sequimur: modò quod favorabilius; modò deniq; quod stricto iuri convenientius;

*De benigna interpretatione in genere.*

Ait Caius, Reg. 75. *Semper in dubiis benigniora sequimur.*

Et Vlpianus Iureconsultus, Reg. 129. *Capiendi occlusi est, quæ benignius præbet responsum.* Benigniora voco in contractibus quidem quæ debitori, l. veteribus de pact. in ultimis voluntatibus quæ heredi, l. cum tempus i. eo. in iudiciis, pœnis & delictis, quæ reo l. favorabiles, i. eo. l. Arrianus c. act. & oblig. patrocinantur, ut quā minimum oneretur. Sed & in summa omnes loci qui de interpretatione sequuntur, hinc tanquam ex fonte manaverunt: nam quando quod minimum est sequimur, quando item quod favorabilius utiq; benigniora secuti dicimur, quod genus interpretationis Marcellus ait, & iustius esse tutius, Reg. 153. § final. *In re dubia benignior em interpretationem sequi, non minus iustius est, quam tutius.* Perinde ut tolerabilior est, qui lenitate peccat quā qui crudelis est, Seneca de beneficiis, hic culpa est, ibi tantum negligentia.

#### AXIOMA XLVI.

*De benigna interpretatione qua quod minimum est sequimur.*

Ait Canon, Can. 30. *In obscuris quod minimum est sequendum est.* Et Vlpianus, Reg. 11. *Semper in obscuris quod minimum est, sequimur.* Et rursus idem D. Reg. 35. in fi. *Si neq; mos regionis appareat, quia varius est, id quod minimum redigenda summa est.* Exempla nunc qua

quam non sunt obvia, in omnibus ferè juris articulis, præterquam in legatis, ubi jubet Paulus *l. legatò generaliter, de leg. 1.* mediocritatem teneri; hoc est, nec optimum dari nec pessimum, sed quod sit mediocre.

### AXIOMA XLVII.

*De benigna interp. qua quod favorabilius est sequimur.*

Quod favorabilius est, sequimur in omnibus ferè juris articulis, nimirum in causa libertatis, in causa dotium, in testamentis, in judiciis, in contractibus, in pœnis, in cōflictu causæ ucrativæ cum onerosa, in cōflictu partis & totius, taciti & expressi, utilis & inutilis, in odiis & favoribus, in cōflictu duorum malorū.

### AXIOMA XLVIII.

*De benigna interp. in causa libertatis.*

Ait Ulpianus, Reg. 21. *Quoties dubia est libertatis interpretatio, secundum libertatem respondendum est.* Et iterum, Reg. 140. *In obscura voluntate mandantis favendum est libertati.* Id enim summus favor libertatis & odium contra servitudinis meretur, ut accedente ad alteram partem favore, cedant in cōflictu & vincantur odia, *l. cum inter, C. de lib. ca.*

### AXIOMA XLIX.

*De benigna interp. in causa dotium.*

Ait Paulus, Reg. 86. *In ambiguis pro dotibus respon-*

*dere melius est.* Quia videlicet expediat Reipub. dotatas esse mulieres, *l. i. sol. matrimo.* tum ut marito insustinendis oneribus matrimonii illinc succurratur, tum etiam ut ne soluto matrimonio, & bonis mariti ad agnatos jure Civili euntibus, vxor inops & egena marito sit dedecori, *l. aut praterea, C. unde vir & vxor.*

### AXIOMA L.

#### *De benigna interp. in testamentis.*

Ait Paulus, Reg. 12. *In testamentis, plenius voluntates testantium interpretamur.* Interest enim Reipublicæ exitum habere defunctorum voluntates, *l. vel negare. quemad. test. ape.* Exemplum huius rei est apud Paulum, Reg. 17. *Cum tempus in testamento adicitur, credendum est pro herede adiectum, nisi alia mens fuerit testatoris, l. si ita relictum, §. Pegasus. de leg. 2. l. in fideicommiss. de usu. sicut in stipulationibus promissoris gratia tempus adicitur.* Bona comparatio: nam & heres ad legata & fideicommissa quod attinet, debitor est, cui plerumq; favorabiliores sunt leges, quàm creditori, *d. l. Arrianus.*

### AXIOMA LI.

#### *De benigna interp. in iudiciis.*

Ait Caius, Reg. 168. *Favorabiliores rei potius quàm actores habentur,* Et in Canonib. *Can. ii. Cum sumptuum iura obscura, reo favendum est potius, quàm actori.* Proniores enim sunt leges ad absolutionem quàm ad cōdemnationem *d. l. Arrianus.* & huiusmodi quidem

quidem regulæ multi & magni sunt effectus. Nam ex eodem favore pēdet & Vlpiani respōsum, Reg. 42. *Non debet auctori licere quod reo non permittitur.* Et in Canonibus, Can. 33. *Non licet auctori, quod reo licitum non est.* Sed & ad onus probationis hic favor pertinet, quod favore rei semper in actorem rejicitur, l. verius de proba. quod eleganter, sed obscurè expressit Pomponius, *In eo quod vel is qui petit, vel is à quo petitur, lucri petiturus est, durior est causa petitoris.* Petitorem voco eum qui asserit, & ex sua assertionem ad lucrum & victoriā causæ contendit. Notum est enim quod reus in excipiendo partes auctoris sustineat, l. in exceptionibus de probat. & ideò nisi & ipse suam intentionem exceptione probet, nihil ei proderit exceptio, eritq; eo nomine eius conditio durior. Is quoq; possidet, quia rei partes sustinet, in causa favorabiliore est. Vnde Paulus, Reg. 171. *In pari causa possessor potior haberi debet.* Et Vlpianus, Reg. 169. *Cum de lucro duorum quaritur, melior est causa possidentis.* Neq; id in Civilibus tantum judiciis, l. quoties, C. de re. ven. l. si ea res, §. vtriq; de actio empt. verum etiam in delictis: Hinc ille Canon, *In pari delicto vel causa, potior est conditio possidentis.* Qua quidem in re non eum tantum possidere dico, qui re aliquam possidet, sed & illū, qui ex quacunq; causa se defendit, qui est juris & libertatis suæ quodammodo possessor, vt eleganter Vlpianus, Reg. 191. *Cum par delictum est duorum, semper generatur petitor, & melior habetur causa possessoris.*

Hoc est, caussa eius qui cōvenitur, semper alio-  
 qui taciturus tanquā suæ libertatis possessor, si  
 prius nō fuisset impetratus, *l. si duo, de dolo, l. domū,*  
*in fi. de cont. empt.* Subijcit exemplū Vlpianus: Si-  
 cut cū de dolo excipitur petitoris, neq<sub>3</sub> enim datur ta-  
 lis replicatio petitori, ( si non rei quoq<sub>3</sub> dolo in ea re actū  
 sit: ) subijcit rationē, quia videlicet, illi debet per-  
 mitteri poenam petere, qui in ipsam non incidit. Nā alio-  
 qui periculum erit, ne dolus cum dolo com-  
 pensetur, *l. si ambo, de compensatio.*

### AXIOMA LII.

*De benigna interp. in contractibus.*

Ait Canon, *Can. 57. Contra eum qui legem dicere  
 potuit apertius, est interpretatio facienda.* Is legē con-  
 tractui dixisse videtur, qui id proponit, in quod  
 est communi contrahentium voluntate cōsen-  
 sum, seu petat, seu petitioni priori non acquies-  
 cens, aliud offerat, quemadmodum in judiciis  
 is qui excipit, eatenus etiam actoris partes su-  
 stinere dicitur, *l. in exceptionib. de probat.* Vt ecce,  
 Commodato dari sibi Stichum servum petit  
 Sempronius. Quid si is, à quo petitur, habeat e-  
 ius nominis duos? aut si petitioni non acquies-  
 cens, offerat equum sibi Tarento allatum, ac-  
 ceptetq; alter: sint autem allati Tarento equi  
 duo? certè hoc casu fiet interpretatio contra  
 eum, à quo petitur, & erit electio commodata-  
 rii: illo verò casu erit eius à quo petitur, *arg. hu-  
 ius.* Planè in stipulatione, emptione, locatione,  
 & in judiciis secus est. In stipulatione quidemq<sub>3</sub>  
 non



non possit à promissore lex dici, vt qui promittere tantum debeat, alter verò stipulari, *l. quicquid astringenda, de ver. obli.* adeò, vt diversitas responsionis totam vitiet stipulationem, *S. praterea, de invt. stip.* Ideo verò in locatione & emptione diversum est, *l. vet. de pact.* quòd locator & emptor solū pretium & mercedē sibi quærant, rē videlicet nullis captionibus aut deceptioni obnoxiam, *arg. l. incendiū, C. si cert. pet. in v.* no ergo gravatus emptor, sublevatur in altero, eū qui, *de iureiur.* Et hoc illud est quod ait Iulianus, *Reg. 133. In contrahenda venditione ambiguum pactum contra venditorem interpretandum est: ambigua utem intentio sic accipiēda est, vt salva sit auctori.* Quæ postrema responsi verba, testantur illud quod antè diximus in iudiciis quoq; diversum placuisse: nam intentionem hīc accipio pro quavis petitione auctoris in iudicio, vt in *l. si quis intēti. de iud.* quæ idē sic accipiēda est, vt salva sit auctori, ne videlicet iudicia reddātur illusoria, *l. solemus, d. tit. l. inter stipulantem, S. si Stichum, de ver. obl.* Nec tanē pugnat cum his, quod prius dictum, *s. axio. pro. prae.* favorabiles esse reos quàm auctores, & cum partiū iura sunt obscura, reo favendum esse potius quàm auctori. Nam illę regulę de ambiguo quod circa ius oritur, sunt accipiendæ: hæc verò de eo quod nascitur ex facto.

### AXIOMA LIII.

*De benigna interpretatione in pœnis.*

Ait Canon, *Can. 49. In pœnis benignior interpreta-*

C 4 tio faci-

210 facienda est. Et Paulus, Reg. 107. In pœnalibus causis benignius interpretandū est. Quod non est sic accipiendum, vt cū de delicto cōstat, benignius habeātur malefactores (interest enim Reipub. vt suppliciorum acerbitate & exemplo minuantur facinorum frequentia,) *l. aut facta, de pœn.* sed ita, vt si vel de delicto vel delicti specie non satis aperta sit probatio, tum ita potius, vt vel nullum, vel inter plura, quod minus infame delictum sit *l. hæc enim, de susce. tur. l. i. ad le. l. de pri. va.* verborū ambiguitatē interpretabimur, idq; ex regula generali, quæ iubet bonum præsumi quēq; donec probetur malus, *duā de præsumpt.*

### AXIOMA LIIII.

*De benigna interpretatione in conflictu cause lucrativæ cum onerosæ.*

Ait Ulpianus, Reg. 42. §. fin. In re obscura, melius est favere repetitioni, quàm adventitio lucro. Hic ante omnia est figura observāda, favere repetitioni, pro eo quod est favere illi qui repetit suum: favere adventitio lucro, hoc est favere ei qui adventitium lucrum actione persequitur. Vt ecce contentio est inter tot diversi generis creditores, vt bonis ad omniū obligationes dissolvendas nō suffecturis, meritò dubites, q. quibus in solutione sint anteponendi. & ait Ulpianus, repetitioni: hoc est illis, qui vel suum, vel quod ex oneroso aliquo contractu eis debetur, *l. in honorariis, de actio. & obli.* repetunt, favēdum esse, potius quàm adventitio lucro, id est illis, qui adventitium

itium lucrum persequuntur, *l. sub signatum, §. 1. & ver. sig. arg. §. sed quia. & §. si quis vna, de fide. con. ha.* quique ex mera debitoris liberalitate actionem consequuti, nimirum ex testamento, donatione, alijsq; id genus modis.

### AXIOMA LV.

*De benigna interpret. in conflictu totius & partium.*

Ait Ulpianus, *Refertur ad universos, quod publicè fit per maiorem partem.* Ait, (*refertur ad universos*) hoc est, censetur omnium sententijs approbatum) quod publicè fit per maiorem partem, *l. quod maior pars, ad Municipi. l. nemo. §. hoc edictum, de testa. tutel.* Maiorem autem partem voco, quæ vel numero vincit, vel dignitate, *arg. l. queritur de sta. hom. unde à toto populo leges fiunt, §. lex, de iure nat. & civili.* idque in Aristocratia, & hæc penatus consulta vocantur. Sed & ea quæ à solo principe sunt constituta (qui Monarchiâ exercet) tenent & ipsa totum populum, ut qui universam suam potestatem in solum principem contulerit, sicque solus totum populum princeps repræsentet. *l. 1. de cons. princ.* At verò Plebiscita licet & ipsa legis auctoritatem nonnunquam habuerint, quia tamen Ochlocratia, vitium Reip. *Aristo. in Polit.* est, rarum est ut id ad universos referatur. Iam verò quod vel à maiore, vel saltem meliore populi parte factum est, fa-

cilè accidit vt à toto populo factum videatur, nam alioqui, vt in Canonibus est, *Can. 29. Quod omnes tangit, debet ab omnibus approbari.* Hoc est, omnes in id consentire debent, vel expressè, vel tacitè: huc pertinet & illa Pauli regula, *Reg. 19. Cuius effectus omnib. prodest, l. quæ de tota, de rei vend. eius partes ad vniuersos pertinent.* Eadem enim est partis ratio, quæ totius.

### AXIOMA LVI.

*De benigna interpretatione in Tacito & Expresso.*

Ait Modestinus, *Reg. 156. Expressa nocent, non expressa non nocent.* Exemplum ex alio Modestini responso proponamus, *Reg. 78. Actus legitimi, qui non recipiunt diem vel conditionem, veluti emancipatio, acceptilatio, hereditatis aditio, servi optio datio tutoris, in totum vitatur per temporis, vel conditionis adiectionem.* Expressa enim nocent. Nonnumquam tamen actus supra scripti tacitè recipiunt, quæ aperte comprehensa vitium afferunt. Dat exemplum. Nam si acceptum feratur ei, qui sub conditione promissum ita demum egisse aliquid acceptilatio intelligitur, si obligationis cōditio extiterit: quæ si nominatim verbis acceptilationis comprehendatur, nullius momenti faciet actum. Ideò autem inter actus legitimos hi ferri solent conditionem non recipiunt, quòd scilicet præsens factum contineant, & statim characteri imprimant, arg. *l. eum qui solvendo, de acq. here. c. l. q. 1. de opt. lega. quod factum si suspenditur cōditione*

litione, iam impossibile crit, vt effectum con-  
 equatur, non quidem impræsentiarum, pro-  
 pter conditionem quæ suspendit actum, §. ex  
 conditionali, de ver. oblig. non etiam tunc cum ex-  
 iterit conditio, quia tunc id non agitur, nec  
 fit, factumq; præterit, ex quo ille character im-  
 primi debebat. Secus est in obligatione, quæ de  
 futurum dando, faciendoque semper concii-  
 titur, l. 3. de acti & oblig. quemadmodum & here-  
 dis institutio, quæ non idcò fit, vt statim heres sit  
 qui instituitur, sed demum post mortem, l. 1. de  
 test. atque ita tractu temporis ista constant, vn-  
 de tam obligationes, quàm heredis institutio  
 sub conditione fieri possunt, §. omnis autem, de ob-  
 & §. heres, de here. instit. Est huius argumenti alia  
 quoque regula in Canonibus, generalius de ac-  
 tibus legitimis definiens, quàm possit esse ve-  
 ra, ait enim, Can. 50. Actus legitimi conditionem non  
 recipiunt, neq; diem. Notum est Dialecticis inde-  
 initam significatione vniversale esse, l. si servi-  
 us, de servi. vrb. pred. at quis nescit actus legitimos  
 esse qui diei vel conditionis adiectione non vi-  
 dentur, d. §. heres. & l. si tibi, de adoptio. sed memi-  
 nisse oportet regulam esse, non verò legem, nec  
 ius facere, & simul atque in aliquo vitiata est,  
 perdere officium suum. l. regula, hoc tit.

### AXIOMA LVII.

*De benigna interp. utilis & inutilis.*

Ait Cano. Can. 37. Utile non debet per inutile vi-  
 tiari.

tiari. Rationem huius ex illa regula, quæ & ipsa est eiusdem argumenti, non intemptivè sumas. Nimirum, quia, *Can. 52. Non præstat impedimentum, quod de iure non sortitur effectum.* Illa voca inutilia, quæ nullum effectum ad ius quod attinet sortiuntur, qualiacunque tandem ea sint, sive in legato optionis, *l. 1. & 2. de opt. le. 1. hæc conditio, de cond. & de. seu testamento imperfecto, ex eo, quib. m. testam. infir.* seu denique in scripturis, in quibus illa recepta est Regula Vipiani *Reg. 95. Non solent, quæ superabundant, vitare scripturas.* Abundans enim cautela *l. testamentum, C. de test. non nocet.* Vnde Papinianus, *Reg. 82. Quæ dubitationis tollendæ causa contractibus inferuntur, in commune non ledunt.* Nam si ne inutile quidem vitiat utile, quantò minus quod dubitationis tollendæ causa est adiectum? *d. l. qui mutuan mand.*

### AXIOMA LVIII.

*De benigna interpretatione in coniunctis & disiunctis.*

Ait Paulus, *Reg. 111. Vbi verba coniuncta non sunt, sufficit alterutrum esse factum.* Et in Canonibus *Can. 70. In alternativis, debitoris est electio, & sufficit alterum adimpleri.* Cùm enim utrumque sit in obligatione, *l. obligationum ferè, §. modus, de actio. e. obl. l. si duo, de ver. oblig.* benignitatis est, ut alter eorum soluto & præstito, liberetur debitor a utroque.

AXIOMA

## AXIOMA LIX.

*De benigna interpret. odij & favoris.*

Ait Canon, Can. 15. *Odia restringi, favores con-*  
*venit ampliari.* Latissimè patet hoc argumentum,  
 & per totum ius est diffusum, vide Dyn. hîc.

## AXIOMA LX.

*De benigna interpret. in conflictu duo-*  
*rum malorum.*

Ait Ulpianus, Reg. 200. *Quoties nihil sine captio-*  
*ne investigari potest, eligendum est, quod minimum ha-*  
*bet iniquitatis.* Hoc est, si aliquid occurrat, quod  
 in quamcunque partem acceptum, semper ra-  
 tiones habeat, quas si non sequaris, meritò con-  
 scientiam quandam iniuriæ & captionis inji-  
 ciant, tum proximum est, ut illud eligas quod  
 cum alijs collatum, minimum habeat iniquita-  
 tis. Cuius frequens est usus in iure, ut cum vel  
 in mediam viam in perplexis rebus eligit Impera-  
 tor, §. *vl. qui. ex ca. ma. non. lic. §. cum ex aliena. de re-*  
*livi.* vel fortè contentionem dirimendam, *L. ult.*  
*de. con. de leg. §. optionis. de lega. vel quod minus ma-*  
*ius est, sequendum, hîc, esse demonstrat.*

## AXIOMA LXI.

*De eo genere interpret. quod stricto iuri*  
*est convenientius.*

In hoc argumento fit iuris cum facto com-  
 paratio, idque dupliciter: nam vel factum cum  
 iure

iure confli git, *l. pater furioso, de his qui sui. vel ius ci iure, & factum cum facto.* In confli ctu autem iuris cum facto plurimum refert initia rerum sint ne vtiliter & iure constituta, an verò inuti liter & non iure.

### AXIOMA LXII.

#### *De initiis rerum vtilibus.*

Ait Paulus, Reg. 186. Non est novum ut ea quæ vti liter constituta sunt, durent, licet ille casus extiterit, qui impedire non potuit. Est enim casus superveniens facti, *d. l. pater*, quo ius tolli non potest, *l. obligatorum. de act. & oblig.* Simile est illud in Canonibus, Can. 73. Factum legitimè non debet retractari licet postea casus eveniat, à quo non poterat inchoari, *d. l. pater, l. furor. de spons. §. idem quæ, de inut. stip.* Et quidem ut casus superveniens non noceat negotiis prius contractis, debent ea esse facta & constituta, hoc est, sic impleta & perfecta, ut eis ac ius quod attinet nihil desit: alioqui verò perinde est atque si ne inchoata quidem essent. Nam quod perfectum non est, id, quia formam non habet (quæ quamdiu perfecta non est, nihil adhuc est, *l. cum Syllanianum, C. de his quib. ut ind. g.* non potest etiam dici esse aliquid.

### AXIOMA LXIII.

#### *De initiis rerum inutilibus.*

Ait Canon, Can. 18. Non firmatur tractu temporis quod de iure ab initio non substitit. Et Paulus in  $\pi$ . Reg.



30. *Quod initio vitiosum est, non potest tractu temporis convalescere.* Nam ut tempus non est modus tollendæ aut inducendæ obligationis, d. l. *obligationis*, § *placet*. ita nec ius cōstitui solo tempore aut induci potest, sed persona quoq; est opus, quæ factis, consensu & voluntate, *in omnibus*, d. tit. animam vitamque instillet, unde ius exusciatur. Duo enim sunt iuris obiecta, res & personæ. Sola verò res aut factum ad iuris constitutionem non sufficit: sit illud Licinii Iurisconsulti responsum, exempli loco, Reg. 21. *Quæ ab initio inutilis fuit institutio, tractu temporis convalescere non potest.* Et illud Vlpiani, Reg. 201. *Omnia quæ ex testamento proficiuntur, ita statim eventus capiunt, si initium quidem sine vitio cœperint.*

#### A X I O M A XLIV.

*De conflictu iuris cum iure, & facti cum facto.*

Illam demum idoneam & tempestivam comparationem est, si vel ius cum iure compares, & factum cum facto. Inter similia enim apta est proportio; non verò inter disparata, & toto genere diversa. Et hinc est, quod & factum, facto tolli possit, & ius, iure. Hinc illud Vlpiani, Reg. 36. *Nihil tam naturale est, quam unumquodque eo genere dissolvi, quo colligatum est:* subjicit exemplum, Reg. 101. *Ideoque verborum obligatio verbis tollitur: quæ consensus obligatio, contrario consensu dissolvitur.* In eandem sententiam ita Caius Iureconsultus: *Omnia quæ iure contra-*

*contrahuntur, contrario iure pereunt. Eadem enim  
ut ait Aristoteles, in Topicis, in vnaquaq; re sunt  
destructionis principia, quæ sunt & construc-  
tionis.*

## ENCHIRIDIUM REGU- LARUM SEU AXIOMATUM, Liber secundus.

### AXIOMA I.

*De Regulis particularibus.*



**L**IBER secundus regularum particu-  
larium est totus circa locos singu-  
les, tum personarum, tum denique  
actionum versatur: quæ sunt tria i-  
uris obiecta, *scilicet de iure nat. gentium & Civili*, in quibus  
omnia quæ de iure traduntur, specialiter inci-  
dunt. Unde non abs re nobis futurum videb-  
tur, si hunc librum per hos locos incedentes,  
studiosorum gratia ad eum ordinem, quem  
Institutionibus tenuit Imperator, disponen-  
mus. Haftenus igitur de Regulis generalibus  
libro primo dictum est: nunc de particula-  
ribus, quarum aliæ circa ius ipsum versantur,  
aliæ circa iuris obiecta.

### AXIOMA II.

*De iure ipso, & eius definitione.*

Ius ipsum tribus maximè membris continetur.

jur. Quid sit, quæ sint eius species, & quot partes habeat. Est autem ius, ars boni & æqui, *l. 1. de iust. & iure*. brevis definitio per genus & formā. Est enim æquum & bonum; forma Iuris, *d. l. 1. & l. in omnib. hoc tit.* Causa efficiens, ratio tum naturalis, tum civilis, *l. omnes populi, de iust. & iur.* Materia, factum, (ex facto enim ius oritur, *l. si ex, plagis, §. in clivo, ad leg. Aqu.*) Finis, iustitia, quæ est constans, & perpetua voluntas ius suum cuiq; tribuendi, *Cic. lib. 1. off. & IC. in l. iustitia, de iust. & iur.*

### AXIOMA III.

#### *De speciebus iuris.*

De speciebus iuris illud dicemus in primis, quot earum sint, tum de earum invicem differentia. Sunt autem Iuris species (vt ex institutionibus imperialibus notum est, *d. tit. de iur. na. gen. & ci.*) numero tres; nam vel Naturale est, vel Gentium, vel Civile. Et rursus Civile in duas partes sit, Scriptum, & non scriptum. Scripti iuris partes sunt Lex, Plebiscitum, S. Consultum, Principis placitum, Prætorum edicta, Responsa prudentum. *§. constat, d. tit.*

### AXIOMA II II.

#### *De Lege.*

Lex etsi alioqui iuris scripti sit species, tamē  
atissimè frequenter accipitur, vt omne ius tam  
D scriptum

scriptum quàm non scriptum comprehendat  
*ut in l. si de int. de le.* Cuius totam indolem articu-  
 lis aliquot includemus: nimirum de præcepti  
 legum condendarum, de legum interpretatio-  
 ne, deniq; de legum natura & indole.

### AXIOMA V.

#### *De præceptis legum condendarum.*

Vetustissimum atque adeò princeps in con-  
 dendis legibus præceptum, ut cōstituantur iur  
 in ijs, quæ plerunque accidunt, non in ijs quæ  
 rarò, *l. iura. 1. cum §. seq. d. tit.* Quò pertinet illud  
 Iuliani, *Reg. 65. Ea quæ rarò accidunt, non temerè in a-*  
*gendis negotiis computantur.* Vnde literæ, licet au-  
 rez (quod rarò accidit) cedunt chartæ, *§. literæ*  
*de re. divis. & hereditatem, quamvis lucrosam, si-*  
*ne tutoris tamen autoritate non acquireret pu-*  
*illus, de aut. tut. in pri. in Inst.* rarum est enim ut n-  
 sint suspectæ hereditates, *l. si here. man.* Nec alio  
 qui cōtingens rarum morari legislatorem, au-  
 iuris interpretem debuit, quò minus legislatore  
 rem in genere proponeret, *d. l. iura. 1. quem ac-*  
*modum iura nec in singulas personas, sed gen-*  
*raliter sunt constituenda, l. iura. 2. d. tit. de le-*  
 quod est alterum præceptum condendarum  
 legum, eo ferè solo differens à priore,  
 quod illud ad res, hoc verò ad per-  
 sonas referatur.

## AXIOMA VI.

*De legum interpretat.*

De legum interpretatione illa nobis tetigisse capita satis erit, quòd videlicet ea sit duplex, verborum vna, & mentis altera. Quantum illa quæ verborum est, minus momenti habet ad iuris & iniuriæ disceptationem, quàm illa quæ mentis est: hinc illud Celsi Iureconsulti: Scire leges non est verba earum tenere, sed vim ac potestatem, *l. scire. de legib.*

## AXIOMA VII.

*Interpretationis quæ sint vitia.*

In legum interpretatione bis peccatur. Semel: si quis contra voluntatem verbis legis inhæreat, *l. contra legem, d. titu.* iterum, si ad consequentiam ea quæ singularia sunt, producantur *l. ius singulare, d. titu.* Prioris generis interpretis, calumniator est, non interpret. Vnde talis est regula in Canonibus, *Can. final. Certum est, quòd non committit in legem, qui verba amplexus contra legis nititur voluntatem.* Sunt enim verba tantùm instrumenta voluntatis, *L. labeo. in fin. de suppl. lega.* si ergo aliunde manifesta legis mens est & voluntas, *d. l. scire*, cur eam non sequamur? & hoc genus interpretationis plerunq; incidit, vbi alter scripto nititur, alter minus cautū esse dicit, (qua de re lectorem ad Quintilianum instit. *prato. lib. 7. remitto*) vt accidit in hac cōtentione:

An quod vna via prohibitum est, alia tentare liceat, vt frumentum exportari lex vetat, alius evexit, quod sanè est verba captare: satis est enim apertam esse legis voluntatem, quæ quod vna via prohibuit, prohibuit & altera, cum sit eadem ratio. Hinc Canon, *Can. 84. Cum quid vna via prohibetur alicui, ad id alia non debet admitti* quasi videlicet minus scriptum quàm cautum sit. Sic quem ius civile fecit intestabilem, voluit Prætorio iure ad successionem venire, sed frustra, *l. 3. §. liberi. l. si post mortem. §. exhered. de bon. poss. cont. tab.* Neque enim Prætor qui iuris minister est, *l. nam & ipsum de iust. & iu.* eum adiuvabit ex edicto, quem apertis verbis ius ipsum successibus exclusit. Satis est enim legislator prohibuisset tantum, quod fieri non voluit, *l. i. dubium, C. de legib.* vt cætera quasi expressa, liceat ex ipsa legis voluntate & ratione colligere.

### AXIOMA VIII.

*De his, quæ ad consequentiam non produ-  
cuntur, seu de iure singulari.*

Ad consequentiã non trahuntur ea quæ sunt iuris singularis, hoc est, quæ talia sunt, vt cõtr tenorem rationis propter aliquam vtilitatẽ auctoritate constituentium sunt introducta, *l. i. singulare, de le.* & hæc modo à iure communi exorbitare dicuntur, modò contra rationem iuris recepta, modò ob necessitatem introducta, potremò in alicuius gratiam constituta.

## AXIOMA IX.

*De his quæ à iure communi exorbitant.*

Ait Canon, Can. 28. *Quæ à iure communi exorbitant, nequaquam ad consequentiam sunt trahenda.* Nam cum ea per se suum locum ægrè tueantur, quomodo ad similia trahentur. Vt ecce, odio furû, quo pluribus actionib. teneantur, permissum est, vt ab eis rem suam quisq; condicat, *S. sic itaque, de acti.* an horum exemplo licebit ne & à raptore rem suam à domino conditione revocare? & iterum, Velleiano S. Consulto succurritur mulieri, *l. 1. ad S. cons. Vellei.* cur non etiam minori? Sed exorbitant hæc à iure communi, vixque suis locis perpetua sunt. Nam & mulier quæ fideiussionem iteravit, beneficium amittit, *l. si mulier, 2. C. ad S. consul. Velleia.* & dominus qui vendicationem inchoavit, non potest ea ommissa ad conditionem venire.

## AXIOMA X.

*De his quæ contra rationem iuris sunt recepta.*

Ait Paulus, Reg. 184. *Quod contra rationem iuris receptum est, non est procedendum ad consequentiam.* Eadem est huius regulæ ratio, quæ præcedentis, & tam hæc quæ contra rationem iuris recepta sunt, quàm illa quæ à iure communi exorbitant, puto nomine iuris singularis contineri, *d. l. ius singulare.*

## AXIOMA XI.

*De his quæ propter necessitatem recepta sunt.*

Ait Paulus, Reg. 123. *Quæ propter necessitatem recepta sunt, non debent in argumentum trahi.* Neque enim vel tutela, per quam expressis verbis per necessitatem succursum est pupillis: vel alienatio rerum sacrarum in redemptionem captivorum permissa, *l. sancimus i. in fi. C. de sacr. eccles.* aut denique exhereditatio liberorum ob aliquam causam quæ à iure sit expressa, *§. aliud, in auth. v. cum de ap. ad consequentiam trahetur, ut scilicet vel alius in tutela sit quàm pupillus, licet alio qui iustiore tuitionis necessitate laborans.* Vel sacrorum alienatio, aut liberorum exhereditatio ob causas etiam multò maiores, quàm quæ expressis verbis legis propositæ sunt, erit toleranda, *doctri. ad aut. ex causa, C. de li. prat.*

## AXIOMA XII.

*De his quæ in alicuius gratiam sunt constituta.*

Ait Canon, Can. 61. *Quod ad gratiam alicui conceditur, non est in eius dispendium retorquendum.* Nihil videlicet nomini suo non respondeat, & nihil minus sit quàm esse dicitur, *l. nulla, de legib. tut.* etiã quia cessante causa, cesset effectus, *l. adiger. de iur. pat. potestq; securè dici, legem quæ prodesse voluit, non pertinere ad illū calum, quo sit eadem constitutio obfutura.* Vt ecce, ob gratiam i

tribui



tributum est pupillo, ut nihil eorum quæ sine tutore auctore egerit, valeat, *de aut. tut. in pri. in inst. l. si. de iur. & fact. ign. idq;* ne in damno sit: potest tamen nihilominus etiam sine tutore meliorem facere conditionem suam, & ex donatione aut stipulatione acquirere, *l. i. C. de aut. præs. l. leg. C. de contrah. & comit. stip. ne in dispendium eductet, quod in favorem & gratiam erat constitutum, d. l. nulla.*

### AXIOMA XIII.

#### *De legum natura.*

Omniū legum vna communis proprietas est & natura, quod sint publicæ, *l. i. in verb. communis Reip. sponso. de legib. l. leges, C. illo titu. quam indolem habent ex eo, quod olim nulla lex vigore consecuta esset, quæ non prostris trinundino proclamata esset, Macro. in Satur. & Cic. in Oratio. P. Quintio. esset, cui si interim nemo contradixisset, tū quasi totius populi consensu recepta, erat firma & perpetua. Facta verò natura sua sunt privata, l. in omni, de iur. & facti ignor. Iam verò ut privatim nemini excusabilis est sui facti ignorantia, l. plurimū, d. tit. ita nec iuris, l. error, d. titu. quod propter indolē illam publicam quæ habet, perinde est, atq; si ad illud condendum singuli per se de populo accessissent, arg. d. l. i. de leg. & d. l. i. de cōst. prim. & inde est quod ait Canon, Can. 13. Ignorantia facti non iuris excusat. Cuius rei varia exempla ex regulis afferamus, in herede, fideiussore, & contrahentibus.*

*De facti ignorantia in herede & fideiussore.*

Ait Canon, Can. 24. *Cum quis succedit in alterius ius, præsimitur habere iustam ignorantie causam. Iustus enim est error alieni facti, l. fin. pro empt. Clarius de hac eadem re Celsus IC. Reg. 43. Qui in alterius locum succedunt, iustam habent causam ignorantie, an id quod petitur, deberetur. Fideiussores quoque, non minus quam heredes, iustam ignorantiam possunt allegare. Iam ad heredes revertitur. Hac ita de herede dicta sunt. Nam planè qui agit, certus esse debet, cum sit in potestate eius, quando velit experiri, & antè debet rem diligenter explorare, & tunc ad agendum procedere.*

AXIOMA XV.

*De facti ignorantia inter contrahentes.*

Ait Ulpianus, Reg. 20. *Qui cum alio contrahit, vel est, vel esse debet nō ignarus conditionis eius. Qui enim spontè ad contrahendum accedit, antè secum explorare debet an expediat. Heredi autem hoc imputari non potest, cum non spontè cum legatariis contrahat. Nam totum negotium testamentarium, inter testatorem & heredem censetur, §. sed neque, de test. ord. 3gi (non etiam cum legatariis) idque ob vetustam illam familiæ emptionem, in cuius locum exolefcentibus veteribus illis supersti-*

erstitutionibus, d. 5. *sed neq.*, succedit causa hæ-  
reditatis.

### A X I O M A X V I.

*De principum placitis.*

Hactenus utcumq; de legibus in genere, & in specie dictum est: de Plebiscitis & S. consul-  
is, quia non incidunt regulæ, supersedebimus  
dicere. Nunc instant igitur principum placita,  
quæ vel tenent omnes, & vocantur Cōstitutio-  
es, *5. sed & quod, de iure nat. gent. & ci.* vel ad certas  
tantum personas aut res accommodantur, &  
videntur Privilegia, quæ pars pulchram habet &  
requentem tractationem in iure. Et quidem  
primò: quot sint species privilegiorum, tum  
quomodo acquirantur, posthæc quomodo a-  
mittantur, deniq; quomodo interpretari de-  
beant, ordine Regularum ad hæc argumenta  
pertinentium dicemus.

### A X I O M A X V I I.

*De privilegiorum speciebus & natura.*

Ait Modestinus, Reg. 157. Privilegia quedam cau-  
se sunt, quedam personæ, & idèò quedam ad heredem  
transmittuntur, quæ causæ sunt: Quæ personæ sunt, ad  
heredem non transeunt. Verùm accuratius est vi-  
dendum, quæ personæ sint privilegia, quæ cau-  
sæ, ex quo alterum illud evadet manifestius,  
quæ transeant ad heredes, quæ non transeant.  
Quam ad rem oportunum erit illud Pauli re-

Sponsum, Reg. 69 In omnibus causis id observatur, vbi persona conditio locum facit beneficio, ibi deficient ea, beneficium quoq; deficiat. Vbi verò genus actionis, ibi ad quemvis persecutio eius devenit, non deficit ratio auxilij. Semper enim transit res cum sua causa, l. traditio, de ac. re. do. quæ verò personæ inhærent, cum persona quoq; intereunt, arg. l. 1. §. finitur, de usufr. quo pertinet ille Canon, Can. 7. Privilegium personale, & cum persona extinguitur. Sol enim jura transeunt ad heredem, l. hereditas, de iu. non verò facta, l. cum heredes, de acq. poss.

### AXIOMA XVIII.

*Quomodo privilegia acquirantur, & quomodo amittantur.*

Acquiruntur Privilegia rescripto, idq; precibus Imperatori oblatis, l. quoties, l. rescripta. C. de preci. imp. offe. aut lege, quando scilicet juris favore aliquod beneficium defertur, qualia sunt quàm plurima, vt beneficium epistolæ D. Adriani, §. si plures, de fideiuss. beneficium inventarii, §. de C. de iure delibe. exceptio non numeratæ pecuniæ, l. in contractibus, C. de non nu. pec. Velleianus tototit. ad S. Con. Vell. Macedoniani, & similia, pe. qui cum eo. Amittuntur verò vel per renunciationem, vel per revocationem. Per renunciationem quidem, quando favori pro se introducto quisq; renunciat, l. pe. C. de pact. quod non est absurdum, ne scilicet in invitum conferatur beneficium. Vnde Paulus, Reg. 70. Invito benef

*ium non præstatur.* Et Vlpianus, Reg. 198. §. fin. *Quod cuiq; præstatur, invito non tribuitur.* Perdit enim beneficium & liberalitatis nomen, si in invitum conferatur, desinitq; esse beneficium. Per revocationem verò amittitur privilegium, quando id revocat is qui dedit, nempe Princeps, vel Lex. Nihil enim tam est naturale, quàm vnumquodq; sic tolli, vt est constitutum, *l. nihil tam naturale, hoc tit.* alioqui verò nisi legitimo aliquo modo adimantur, erunt privilegia secundum suum modum perpetua. Hinc illud in Canonibus, *Can. 17. Indultum à iure beneficium, non est cuiquam auferendum: & iterum, Can. 16. Decet concessum à principe beneficiū esse mansurū: hoc est perpetuū, donec legitimis modis auferatur, arg. tit. de perp. & temp. in prin. iuncta l. sicut, C. de action. & obli.*

### AXIOMA XIX.

#### *De interpretatione privilegiorum.*

Ait Canon, *Can. 81. In generali concessione non veniunt ea, quæ quis non esset verisimiliter in specie concessurus.* Sunt enim beneficia strictè interpretanda, leges, *C. de leg. c. sanè, de privil.* non verò vt leges, trahi similitudine rationis ad consequentiam: quod scitè & eleganter exprimit ille Can. *Quod alicui gratiosè conceditur, trahi non debet ab aliis in exemplum.* Nam beneficia seu privilegia personæ non egrediuntur, *d. l. 1. de consti. prin. & d. l. leges.* Et hæc sunt illæ regulæ, quæ de privilegiis sunt propositæ. Ad Prætorū edicta & responsa prudentum, quia nullæ incidunt regulæ, transibimus ad ius non scriptum.

## AXIOMA XX.

*De jure non scripto, seu consuetudine.*

Ex scripto jus venit, quod usus approbavit nam diuturni mores consuetudine vrentium comprobati, legem imitantur, §. *ex non scripto, d. in. nat. gent.* eoq; differt à lege, quæ constituto momento dicitur, *d. l. leges.* Consuetudo veri temporis diuturnitate venit, *l. de quibus, de legi* latentibus quodam modò incrementis, addò ut eam per gradus induci dicat Albericus, & homini similem esse, *arg. l. peculium, 4. de pecu* primumq; concipi ratione, *l. quod non rationes d* legib. & *c. si. de consuetu.* Nasci experientia & a vñico: Adolescere plurium similium imitatione, *l. cum de consuetudine. d. tit.* consummari de temporis diuturnitate, *d. l. de quibus.*

## AXIOMA XXI.

*De specierum juris invicem differentia.*

Naturalia jura (inquit §. *pen. de in. nat. gent. c. civili. Imp.*) quæ apud omnes gentes pleraq; observantur, divina quadam providentia constituta, semper firma atq; immutabilia permanent: Ea verò quæ sibi quæq; civitas constituit, sæpè mutari solent, vel tacito consensu populi (hoc est, cōsuetudine, euntibus scilicet populi moribus in usum contrarium) vel alia potestea lege lata: nam & ipsa per se consuetudo le

tem imitatur, d. l. de quibus. vnde rectè Paulus.  
*leg. 166. §. final. Temporaria permutatio* (inquit) *iur*  
*provincia non innovat.* Neq; enim ea quæ facti sunt  
 & momentanea, (qualis est temporaria permu-  
 tatio) imperium habent in ea quæ sunt juris, l.  
*atre furioso, de his, qui sui, &c.* vt est consuetudo,  
 uæ legem imitatur. Et hæc quidem hætenus  
 e ipso per se jure in genere: nunc proximum  
 est vt ad juris obiecta, res videlicet, personas &  
 actiones porrò descendamus.

## AXIOMA XXII.

### *De juris obiectis.*

Omne jus quo vtimur, vel ad personas, vel  
 ad res, vel deniq; ad actiones pertinet, §. *si de iur*  
*enat. gent. & civi.* quæ quidem actiones sunt  
 quasi vincula quædam & catenæ, quæ res per-  
 sonis vniunt & connectunt: nam inter perso-  
 nas, rerum gratia, *inhibile est aliud, de act. obli.* mo-  
 ventur actiones. Non admodum his absimile  
 est, quod de partibus orationis quidam, *Quint.*  
*lib. 1. cap. 4.* senserunt, earum videlicet tantum  
 esse tres, nomina, verba, & coniunctiones: & in  
 nominibus materiam sermonis inesse, in ver-  
 bis vim. Nam alterum est quod loquimur, al-  
 terum de quo loquimur: In coniunctionibus  
 utem, structuram, connexionisq; præcepta.  
 sic personæ sunt quæ contrahunt: Res, propter  
 quas contrahitur: Actiones, media quædam  
 quæ res personis vniunt & connectunt. Et prius  
 de per-

de personis videamus, nam parum est ius nosse  
si personarum, quarum causa constitutum est, igitur  
non rentur, l. 2. de sta. hom.

### AXIOMA XXIII.

#### *De personis.*

Inter ceteras personarum divisiones ( quarum tres numero sunt ) summa ac princeps est illa, quod omnes homines, aut liberi sunt aut servi, de iure person. in prin. in Inst. l. 3. de sta. hom. quod quidem divisio ex jure gentium descendit. Secunda, partim ex jure gentium, partim ex civili. Tertia verò tota civilis est. Quarta, ab accidentibus personarum desumpta est, ut ex sequentibus axiomatis satis apparebit.

### AXIOMA XXIIII.

#### *De prima personarum divisione.*

Diximus illam esse principem personarum divisionem, d. l. 3. quod omnes homines, aut sunt liberi, aut servi. Ideò verò ea divisio ex iure gentium est, quod cum jure naturali omnes vno communi nomine homines vocarentur, introducta servitus est, cui cum statim beneficium manumissionis subsecutum est, accidit, ut iam inde tria hominum genera inciperent agnoscere, nimirum liberi, & his contrarium servi, & tertium genus libertini, §. manumissio. de libert. Sed primum de libertate dicamus, tum de servitute.



## AXIOMA XXV.

*De libertate.*

Libertas est naturalis facultas eius, quod cuique facere libet, nisi si quid vi aut jure prohibeatur, *l. 4. de sta. bo. §. 1. de in. perso.* qua non est homini quicquam maius datum aut præclarius: unde Senex iste Terentianus, in *Andria act. 1.* commemorans, quantis beneficiis servum qui liberaliter servierat, affecisset: Summum (inquit) pretiū quod habui, persolvi tibi. Et hinc itæ regulæ, *Reg. 165. Libertas omnibus rebus est favorabilior.* Et illa Pauli, *Reg. 101. Libertas inestimabilior est.* Et Vlpianus, *Reg. 137. §. fin. Infinita est libertatis æstimatio & necessitudinis.* Et hinc est quod liber homo non sit in commercio, *l. liber homo, de acq. re. do.* nulla enim pretii cū libertate est proportio, adeo ut rectè dixerit ille, *Reg. 169. §. fin. Locupletior non est, qui liberum acquisierit.* Neq; enim liber homo in bonis esse potest, alii libertū levent. Sed id in idem redit, quamvis paulò longius ea res respiciat, propterea quòd dubitari poterat, an ob spem successionis, quam patronus libertò intestato decedente habet, *tit. de suc. §. libert. in Instit.* videri debeat esse factus locupletior: & certum est, non videri, quemadmodum nec hereditas delata, etiamsi deinde acquiri possit, non facit tamen eum, cui delata est, interim locupletiozem, *l. qui super. tit. de acq. her. l. spem. C. qua res pig. ob.*

## AXIOMA XXVI.

*De servitute.*

Primùm, quid ea sit, tum de vi eius & effectibus ad ius quod attinet, differamus. Est autem Servitus constitutio juris gentium, qua quis dominio alieno cōtra naturam subicitur, §. 1. de i. pers. & d. l. 3. Qui ergo in servitutem reductus est personæ conditionem exuit, iamq; ab Ulpiano in frag. Instit. sub tit. de acquisit. rerum inter res mancipi commemoratur, ut sic in causam domini perinde ut pecus incidat: qui quidem servitutis effectus est multò maximus, cuius generis sunt alii plures, de quibus seorsim.

## AXIOMA XXVII.

*De vi & potestate servitutis.*

Ait Ulpianus, Reg. 33. Quod attinet ad ius Civium servi pro nullis habentur. Non tamen iure naturali, quod ad ius naturæ pertinet; omnes homines sunt æquales. Et inde est quod obligari quidem naturaliter tam ex contractibus, quàm ex delictis possunt fieri servi, l. servi de actio. & obl. l. naturaliter, l. si quod, de condi. indeb. Iure gentium verò aut Civium non possint. Quia in re nota, juris civilis appellatione, contineri etiam jus gentium, Accursius d. l. si id quod, quod est in jure frequens. Non quidem Iure gentium obligari potest servus: quia eo jure servitus est introducta, nec liber est. Non

eni

enim jure Civili, quia non est civis Romanus.  
 At si dicas obligationes jure gentium demum  
 introductas *l. manumissiones de iust. & iure.* esse, ut  
 sic nulla videatur esse naturalis obligatio, id  
 nega vero: nam et si contractus sint jure gentiū  
 introducti, obligatio tamen, seu animorū ne-  
 tus, cum natura, §. 2. *vers. quod verò naturalis ratio,*  
*de iur. na. gent. & civi.* venit. Quemadmodum ser-  
 vitus quidem iure gentium est in veta, libertas  
 tamen etiam cum natura venit. Vnde cum ser-  
 vum dicimus natura obligari, factum (inquit  
 Triphonius *l. nec servus de pecul.*) demonstramus  
 potius quàm jus. Nam vera obligatio, quæ est  
 iuris vinculum & necessitate solvendi stringit,  
 est iuris gentium, *l. naturales, de acti. & obli.* cuius  
 servus non est capax. Et sic Vlpianum intelligo  
*Reg. 22. In personam servilem nulla cadit obligatio.* Ex  
 quo & alterum illud necessariò sequitur, quòd,  
*Reg. 108. Cum servis nulla fit actio.* Tum quia obliga-  
 tio sit mater actionis, *l. licet, §. 1. de procurat.* tum  
 quia servus non sit civis Rom. ut sic legis actio-  
 num possit esse particeps: neq; enim fieri potest  
 ut civilia, seu ea quæ sunt iuris civitatis, consi-  
 stant sine fundamento naturali, quæ est liber-  
 tas. Et ut servitutis quæ vis sit, ad iusq; attinet, v-  
 ro verbo cōcludamus, opportunū erit huic loco  
 illud Vlpiani responsum, cum ait, *Reg. 209. Servi-*  
*tutē mortalitati ferè cōparamus.* Dixit, ferè, propter  
 ius naturale, quo jure servus æqualis est cæteris  
 omnibus hominibus. *l. quod attinet, in fi. hoc actio.*

## AXIOMA XXVIII.

*De secunda personarum divisione.*

Secunda (inquit Imper. tit. de his qui sui vel a iur. sunt.) personarum divisio est, quod quædam persone sui juris sunt, quædam alieno juri subiectæ: quam divisionem idcirco diximus utriusque juris symbolum præ se ferre, quod scilicet de minorum in servos potestas sit ex jure gentium §. 1. d. tit. parentum verò in liberos, ex iure Civilis §. in potestate, de pa. potest. Primum ergo de his dicamus, qui sui juris sunt, tum de aliis.

## AXIOMA XXIX.

*De his, qui sui juris sunt, seu de jure familiae.*

Sui juris esse dicitur, qui est suæ familiæ princeps & caput. Est enim familia juris nomen, pronuntiatio. §. 1. de verb. sig. quemadmodum deus & hereditas, quæ ut res plures, pluraque jura significationis amplitudine in unum coniunguntur sic ut res una tantum esse videatur, d. l. here. c. reg. iu. Ita familia, plures personas ab invicem ratione potestatis pendentes, sic unit & connectit, ut tantum videatur esse una d. l. pronuncia. 2. Et quia naturaliter uniuscuiusque rei unicus tantum est caput, ita non potest in una eademque familia, nisi unicus esse princeps & unus caput, quem patrem familiæ appellamus, d. l. pronu-

pronu

*pronun. §. pater.* qui ut ætate & dignitate reliquos omnes antecedit, ita facilius erat ut ab eo familia nomen acciperet, & ipse princeps esse diceretur, potius quam cæterorum descendentium quisquam: adeo ut hac personarum vnione inspecta, ne quidem pater in potestate filium habeat, si alius sit qui eum in familia antecedit, nimirum avus, *d. §. in potestate.* ne scilicet duo capita vnus rei esse videantur, & familia quæ iuris consideratione pro vna persona est, scindatur in plures.

### AXIOMA XXX.

*De his, qui alieno juri sunt subiecti.*

Eorum qui alieno juri sunt subiecti, alii in potestate parentum sunt, alii in potestate dominorum, *tit. de his, qui sui vel al. iur. sunt, in Insti.* quam hæc quidem potestas dominii est & possessionis, nec aliter servus in potestate domini est, dicitur, quam iumentum. Nam & servus inter res Mancipi ab Vlpiano loco prius allega. refertur: illa verò principatus & relationis, non autem dominii. Neque enim filius in dominio patris est, sed tantum pars familiæ paternæ, *d. §. 2. l. in suis, de lib. & posth.* cuius cum pater sit princeps & caput, rectè filius ratione potestatis & familiæ absorptus à patre dicitur, ut sic extare per se non videatur, sed solus pater, sub quo aliqua familia tanquam membra quædam &

eadem cum patre persona continetur, §. *ei verò de inut. stip.* sicut purpura intexta, est cū reliquò vestimento idem vestimentum, §. *si tamen, de re. divi.* Ex quo sequitur, liberam voluntatem ac ius quod attinet, nec filio esse, nec servo *l. velle nō creditur, hoc tit. inf.* Nō quidem filio, vt qui totus ab imperio paterno dependeat, in cuius est potestate, ratione cuius, ne quidem persona in Rep. Romana esse videtur: Non etiam servo, vt qui eò amplius sit etiā in dominio eius, §. *1. de his qui sui.*, cuius est, & nec libertatem habeat: vnde Paul. *Velle non creditur, qui obsequetur imperio patri vel domini.* Quicquid ergo voluntate sua & consensu acquisierit, id voluisse dominus & acquisisse videtur, *d. §. 1. de his qui &c. adeò vt ne momentō quidem in servi persona consistat, arg. l. placet, de acq. here.* quicquid etiam acquisierit filius id statim ratione vnionis eat ad totam familiā & ratione principatus ac praelationis ad patrem, ita vt pater ipse acquisisse id videatur, §. *igitur, per quas pers. nob. acq.* Atq; ita nec filius expeditam habet personam, vt qui pars tantū sit alterius, & ab alio absorptus, *d. §. 2. nec servus vt qui sit ab alio possessus, l. qui in servitute, hoc tit.* His proximum est videre quiddam de modis alienæ potestatis constituendæ.

## AXIOMA XXXI.

*De modis alienæ potestatis constituenda.*

Servi (inquit §. penult. de iu. perso. Imp.) aut nascuntur, aut fiunt. Nascuntur ex ancillis nostris, partus enim sequitur ventrem, l. partum, C. de rei ven. Fiunt aut jure gentium per captivitatem: aut jure civili, cum liber homo ad pretiū participandum se vānundari passus est. At verò patria potestas constituitur per justas nuptias, aut per adoptionem, & primò de nuptiis.

## AXIOMA XXXII.

*De nuptiis.*

In potestate nostra sunt liberi nostri, qui ex iustis nuptiis procreantur, tit. de pa. po. in Insti. Iustas autem nuptias inter se cives R. contrahunt, qui secundum præcepta legum coeunt, masculi quidem puberes, scæminæ autem viripotentes, siue patres familias sint, siue filii. Dum tamen si filii, sint, consensum habeant parentū, quorum in potestate sunt, in prin. tit. de nupt. in Instit. de quo quidem consensu intelligo Vlpianum, cum ait, *Nuptias non concubitus, sed consensus facit.* Non quidem solus consensus, quod is facti & naturalis sit, in prin. tit. de pact. in π. nuptiæ verò solennis juris, d. tit. de nup. in prin. in quibus, quia potentior est causa solennium quàm naturalis, fit ut principaliter illud quæramus, an solennia sint observata: quemadmodum in stipulatione, non consensum, sed solennia intue-

E 3

mur,

mur, l. 1. §. si quis ita, de ver. oblig. quamvis interim consensum, hoc est, causa naturalis, ad fulciendam causam civilem abesse nō possit. Nam nuptiæ, quamdiu cōcubitus non intervenit ( quod dicunt hodie solennisari matrimonium ) in totum non sunt consummatæ, sed etiamnum aliquid adhuc eis ad summam perfectionem deest, quemadmodum empto vino, quamdiu nō est subsecuta degustatio, contractui adhuc aliquid inest imperfectionis, l. necessaria, l. si vina, de pe. & commodorei. vend. De adoptione nihil, eò quod non sit ea tractatio nos ad aliquam regularum dispositionem deductura. Transeamus igitur ad tertiam personarum divisionem.

### AXIOMA XXXIII.

#### *De tertia personarum divisione.*

Ex iis personis, quæ in potestate non sunt, quædam vel in tutela sunt, vel in curatione: quædam neutro jure tenentur, tit. de tut. in prin. in Instit. Et prius de iis personis quæ in tutela sunt, videamus. quod argumentum discedet in tria capita: Quid sit tutela, Quæ sint eius species, ac tandem de autoritate tutorum.

### AXIOMA XXXIIII.

#### *De tutela & eius speciebus.*

Tutela ( ut inquit §. 1. d. tit. Servius ) est vis ac potestas in capite libero, ad tuendum eum, qui per ætatem se defendere nequit, jure civili data atq; permessa: quæ postrema definitionis verba



verba testantur, non omnium tutelarum eandem originem esse. Nam datæ, hoc est juris civilis auctoritate introductæ, propriè sunt legitima tutela & dativa, quarum altera specialiter à lege Attilia Romæ, & in provinciis à lege Iulia & Titia, *tit. de Attilia, tutor, in prin. in Inst.* altera in genere, à lege 12. tab. ipso jure defertur, *tit. de leg. tute. in prin.* Permissa verò tantum, est tutela testamentaria, §. *permissum, de tute.* Ideò permissa, quòd prius etiam ante editas leges 12. tab. necessitate quadam conservandæ societatis humane apud Ro. esset vsurpata: postea verò ob singularem utilitatem etiam à jure civili recepta & approbata, eoq; solo nomine juris est, quæadmodum & omnes contractus Iuris gentium, *l. iuris gentium, de pact. l. manumissiones, de insti. & iur.* Primum ergo de testamentaria, ut quæ in ordine rei gerendæ sit prima: semper enim inspicimus quid sit actum, *l. semper, in stip. hoc tit. si nihil, tunc demum ad ius commune transimus.*

## AXIOMA XXXV.

### *De testamentaria tutela.*

Ait Vlpianus, *Reg. 74. §. 1. Nemo potest tutorem cuiquam dare, nisi ei quem in suis heredibus, cum moritur, habuerit, habiturusve esset, si vixisset.* Scitè Vlpianus ostendit: quì, quibus testamento tutores dare possint. Nempe parentes liberis, non natis modò, sed & posthumis, qui juris

prærogativa quadam pro iam natis habentur,  
*S. pe. de tut.* quoties de eorum agitur emolu-  
 mento.

### AXIOMA XXXVI.

#### *De legitimâ tutela.*

Quibus testamento tutor datus non est, iis  
 ex legib. 12. tab. agnati tutores fiunt, *d. tit. de legit.*  
*ag. tu.* ad quos ipso jure tutela defertur, si cætera  
 satis per omnia congruant. Nam cum tutela sit  
 munus publicum *de excus. tut. in prin. in Insti.* & vi-  
 rile, *l. tutela, de tutel.* meritò ad fœminas non est  
 itura. vnde Vlpianus, *D. Reg. 74. in prin.* Quò tutela,  
 eò & hereditas pervenit, nisi cum fœmina heredes in-  
 tercedunt. Quas ad tutelam vocari nec civile fu-  
 turum videbatur, fortè ob verecundiam sexus  
 muliebris: nec vtile, idq; ob rerum ignoratio-  
 nem, *l. quamvis, C. de iur. & fact. ignor.*

### AXIOMA XXXVII.

#### *De tutela dativa.*

Hoc tutelæ genus, est penitus subsidarium,  
 quo tunc vtimur, quando nullus omninò tu-  
 tor est, vel testamentarius, vel legitimus, *de At-*  
*til. tut. in prin. in Inst.* alioqui verò, quia tutorem  
 habenti, tutor dari non potest, *S. interdum, de cu-*  
*rato.* si prospectum sit pupillo, non erit huic  
 speciei locus. Cessante enim caussa, cessat effe-  
 ctus, *l. adigere, S. quamvis, de iu. patro.*

## AXIOMA XXXVIII.

*De autoritate tutorum.*

Autoritas nihil est aliud, quàm consensus,  
*Utiat. lib. 6. parer. c. 6.* nisi quod significationem  
 quandam dignitatis & imperii secum afferat, &  
 quod in principe est maiestas, id in Senatu &  
 magistratibus est autoritas, unde Livius *li. 1. deca.*  
 Summa, inquit, potestas plebi concessa est, au-  
 toritas tamē mansit penes patres. Huius exem-  
 plo, cū tutor sit quidam quasi parvus magi-  
 stratus, & quodammodò dominus pupilli, *l. qui*  
*indum, §. si tut. pro emp. l. tutor qui tutelam, de ad. tut.*  
 dictum est ut ille consensus, quem pupillo con-  
 trahenti ipse accommodat, vocetur autoritas.  
 Cuius ea vis est atque potestas, ut contractus à  
 pupillo initi, aliàs propter iudicii imperfectio-  
 nem nihil valituri, *l. fin. de iur. & fa. ign. l. ult. de iur.*  
*ind.* sint firmi perinde, atque si à maiore essent  
 initi, tutoris autoritate, imperfectiōem ætatis  
 pupillaris repræsentante, *l. quamvis, §. infans, de*  
*q. poss.* idque ne pupillus sit in damno, adeò ut  
 pupillus sine tutoris autoritate, nec ex contra-  
 ctu obligetur, *de auto. tut. in prin. in Inst.* nec ex pa-  
 tentia. Secus est in delictis. Sed de singulis vi-  
 deamus seorsim: de pupillo contrahente, pa-  
 tentiam præstante, & delinquente.

## AXIOMA XXXIX.

*De pupillo contrahente.*

Ait Celsus, Reg. 150. *Pupillus nec velle, nec nolle in ea aetate, nisi interposita tutoris auctoritate potest. Nam quod animi iudicio fit, in eo tutoris auctoritas est necessaria.* Animi iudicio fieri ea dicuntur, in quibus opus est providentia & intellectu, ne lœdamur ut in contractibus vltro citroque obligationem facientibus. Qui verò non possunt non utiles esse pupillo, & ei qui cum eo contraxerit onerosi, in his, quia non est periculum ne lœdatur, fit ut non sit tutoris auctoritate opus, dicitur. *de auto. tut. in princ.* cessante enim causa, cessat & effectus. Huius generis est stipulatio: Nam si quis promittat pupillo, potest ipse recipere & acceptare, ne scilicet quod in favorem est introductum, redundet in odium, l. nulla, de legibus.

## AXIOMA XL.

*De pupillo patientiam prestante.*

Ait Paulus, Reg. 111. §. 51. *Pupillus pati non possit intelligitur.* Neque enim pati aliud est, quàm esse patientia tacito quodam consensu obligari, qui ad certum, locat. l. sed & servus, §. sed et si, de tributo. act. iam verò, qui ne expressè quidem sine tutore obligatur, quomodo obligabitur tacite?

## AXIOMA XLI.

*De pupillo delinquente.*

Ait Caius, Reg. 112. *Pupillum, & qui proximus  
pubertati sit, capacem esse & furandi, & iniuria facien-  
ta.* Vt scilicet ex eis obligetur, *l. impuberem, de  
fur. quod facit.* Hinc summus Reip. favor. cu-  
ius interest delicta non esse impunita, *l. si lon-  
gus, de iud.* illinc, quod non possit videri non in-  
telligere quid agat, qui eiusmodi faciat, in qui-  
bus vel malitia peccatur, vt est iniuria: vel con-  
silio, & arte, vt est furtum. Nam nec furtum si-  
ne dolo fit, *l. 1. de fur.* nec dolus est aliud quàm  
machinatio, *l. 1. de dol.*

## AXIOMA XLII.

*De his qui sunt in curatione.*

In curatione sunt, masculi quidem puberes,  
æminæ autem viripotentes vsq; ad vicesimum  
quintum annum completum. Quia licet pube-  
res sint, adhuc tamen eius ætatis sunt, vt nego-  
cia sua tueri non possint, *de curat. in prin. in Institu-  
tem furiosi & prodigii: tum muti & surdi, quo-  
rum illi quidem ( de furiosis & prodigis lo-  
quor ) sunt in curatione agnatorum, ( vt in-  
quit Imper. d. tit. 5. 1. ) hoc est, ipso iure in eam  
incidunt: cæteris verò curatores dandi sunt,  
nec in curam incidunt ipso iure. Nam cùm te-  
stamentum condere, §. item surdus, qui test. fa-  
c. l. discretis, C. qui testa. facere poss. & frustrari  
agnatos*

agnatos successionem possint, nonne iniquum esset eos inevitabili onere tutelæ, vel curæ administrandæ, ipso iure gravari? Sed nunc de singulis seorsim, & primum de furiosis, quorum conditio deterior est quam prodigorum, arg. *is cui bonis, de ver. oblig.* deterior etiam quam pupillorum.

### AXIOMA XLIII.

#### *De furiosis & prodigis.*

Ait Pomponius, Reg. 41. *Furiosi, vel eius cui bonis interdicitur, nulla voluntas est.* Dissimiliter tamen. Nam furiosi voluntas, quæ omnino nulla est, nusquam valet, nec si acquirat, nec si alienet, *in negotiis, inf. hoc tit.* Nam ut ait Ulpianus, Reg. 167. §. final. *Furiosus absens loco est.* Hoc est, non magis consentire in re quæ agitur potest, quam qui abest, dormit aut quiescit, Prodigum verò hætenus furiosis sunt similes, si obligentur: hætenus dissimiles, si acquirant & locupletentur. *d. l. is cui bonis, de verb. oblig.*

### AXIOMA XLIV.

#### *De furiosis & pupillis.*

Ait Paulus, Reg. 5. *In negotiis contrahendis alia causa est furiosorum, alia eorum, qui fari possunt, quam verum actum rei non intelligant.* In eo enim sunt similes: tamen alibi rursus dissimiles. Nam, furiosus nullum negotium contrahere potest: Pupillus omnia negotia tutore autore agere potest. In pupillo enim verum aliqui

liquid est intellectus, vel saltem semina cre-  
centis iudicii: In furioso verò nihil, *S. praterea*  
*uib. nō est perm. fa. test.* Iam verò, quod est aliquid,  
acile adiuvari potest, vt p pleno replentur,  
*l. quamvis, S. infans de acq. poss.* quod verò penitus  
nullum est, non recipit adiumentum, *l. obligatio-*  
*es, de acti. & obligat.* non magis quàm mortuus  
medicinam.

### AXIOMA XLV.

#### *De muto & surdo.*

Ait Ulpianus, Reg. 164. *Vbi non voce, sed presentia*  
*opus est, mutus si intellectum habet. potest videri respon-*  
*dere. Idem & in surdo, hic quidem respondere potest. Sed*  
*et his, quia rebus suis superesse non possunt,*  
*uratores dandi sunt, inquit Imper. d. i. i. de iu-*  
*ri. S. furiosi.* Ait, *Vbi presentia opus est: hoc est, præ-*  
*sentis & intelligentis consensu, figuratum est,*  
*quemadmodum & prius absentia pro defectu*  
*consensus acceptum est, sic furiosus loco absen-*  
*sis est.* Voce verò opus est in stipulatione, quæ  
verbis fit, *l. i. de verborum oblig.* quæ idcirco in mutū  
non cadit, quia respondere non potest. Idcirco nō  
in surdum, quia interrogantis verba exaudire  
nequit. Vtrunq; enim ad solennium consum-  
mationem, *Ulpian. in frag. Instit. tit. de testa.* erat ne-  
cessarium.

AXIO-

## AXIOMA XLVI.

*De his, qui neutro iure tenentur.*

Neutro iure tenentur, qui suæ potestati sunt, *l. obligari, de act. & oblig.* hoc est, nec in tutela, nec in curatione. Nunc ad postremam personarum divisionem veniamus.

## AXIOMA XLVII.

*De quartâ & ultimâ personarum divisione.*

Ultima personarum divisio, non tam divisio est, quàm variorum accidētium quæ in personas cadunt discrimina, §. *de quib. in tit. de statu hom.* quæ in facto magis quàm in iure versantur. Nam hominum alii mares sunt, alii fœminæ: sunt editi & concepti: sunt perfecti & monstrosi: sunt honorum civilium capaces, sunt incapaces, de quibus & alibi plura in *τ.* & nos hîc exigentibus id regulis in idem argumētum incidentibus, paulò plura dicere necesse habemus. Et quidem in primis ad honores quod attinet, quosdam à publicis & civilibus functionibus arcet ætas, ut sunt impuberes, alios conditio, ut servi, alios sexus, ut fœminæ, alios denique mores, ut infames.

## AXIOMA XLVIII.

*De impuberibus.*

Ait Vlpianus, Reg. 11. §. si. Impuberes ab omnibus civilibus



*civilibus debent abstinere.* Incivile est enim eos, qui alieno auxilio egere noscuntur, & intellectum non habent, ad res vel publicè, vel etiam privatim gerendas adhiberi, §. *item maior, de excusat.*

### AXIOMA XLIX.

#### *De servis.*

Ait Ulpian. In omnibus officiis, quæ fieri per liberas personas leges desiderant, servus intervenire non potest. Non quia iudicium nō habeat, sed quia hoc iure, ne quidem inter homines numeretur. arg. *it. de leg. Aquil. in prin. in Inst. & Ulpian. in frag. Inst. it. de acq. rer.*

### AXIOMA L.

#### *De fœminis.*

Ait Ulpianus, Fœmina ab omnibus officiis civilibus vel publicis remota sunt. Tum quia sit illaudatum exus muliebris pudorem ita perfricari, ut viri- a faciat: tum quòd infirmum semper & fragile sit mulieris consilium, & expers rerum. Sub- cit Ulpianus exempla: Et ideo nec iudices esse pos- unt, nec postulare, nec pro alio intervenire, nec procura- res existere.

### AXIOMA LI.

#### *De infamibus.*

Ait Canon, Infamibus porta non pateant digni- tum. Tum quòd videantur Reipublicæ de- decori

decori futuri, *l. infamia C. de decuri. tum quo*  
*metuendum sit, ne qui honoris & nominis fi*  
*rationem non habuerunt, ius & æquum quod*  
*in rebus gerendis venale habituri sint. arg. l. 2. c.*  
*de dignita. lib. 12.*

### AXIOMA LVI.

#### *De rebus.*

Tria sunt, quæ in omni re veniunt in consi-  
 derationem, substantia, superficies, & acciden-  
*arg. l. 3. §. Pomponius ad exhiben. & argu. §. 1. de oblig.*  
*male. in definitione furti, in fi. De quibus hîc tracta-*  
 re constituimus, primùm communiter, de eo-  
 rum videlicet invicem communibus & diff-  
 rentiis: tum seorsum & separatim de singulis.

### AXIOMA LVII.

*Quid invicem commune, & quid diffe-*  
*rens habeant substantia, superfi-*  
*cies, & accidens.*

Illud hîc est considerandum, quòd etsi hæc  
 substantia, superficies & accidens, in nulla  
 rem naturalem communiter & simul non inveni-  
 unt, ita ut ex his una veluti res naturalis fiat,  
 non est tamen eorum, ut per se sumuntur, ut  
 eademque indoles & natura. Nam ex eo quòd  
 substantia & superficies magis & minus necesse  
 recipiunt: & contra sit in accidente, quod  
 qualitatibus mirè variat, *Arist. in Categoriis*: n-  
 scitur ille iuris effectus, quòd nec dominus  
 eiusdem

eiusdem rei sepius esse nostrum, nec superficies  
 æpius teneri aut occupari possit. At verò debe-  
 ri, & in obligatione esse, sæpius possit, *l. non est  
 novum, de act. empt.* Nimirum, quia dominium  
 circa substantiam versetur, ut in definitione usus-  
 fructus in si. possessio circa superficiem, *l. i. de acq.  
 off.* obligatio verò circa accidens, *l. obligationum  
 substantia, de act. & oblig.* Et hoc est, quod illo Pau-  
 lino responso significari puto, cum ait, *Reg. 120.*  
*Non, ut ex pluribus causis deberi nobis idem potest, ita ex  
 pluribus causis idem potest & esse nostrum.* Nam (ut  
 dixi) illud, nostrum seu in dominio nostro esse,  
 attingit rei substantiam. Nobis verò ex obliga-  
 tione aliqua rem deberi, attingit tantum acci-  
 dens; iam verò ut unius rei unicum tantum est  
 esse, ita non potest eadem res nisi semel, & ex v-  
 na causa fieri nostra, *d. l. non est novum.* Contrà ve-  
 rò, ut unius rei plura possunt esse diversarum  
 causarum accidentia (potest enim eadem res &  
 moveri & quiescere, antrorsum & retrorsum  
 ferri, ut in eo qui in navi vehitur) ita & sæpius  
 potest eadem res in obligatione esse, & ex plu-  
 ribus causis deberi, *arg. l. vlt. C. de novatio. & l. cum  
 aliis. §. variis, de lega. 2.* Superficiem, diximus sub-  
 stantiæ quàm accidenti similiorem esse, ut quæ  
 nec ipsa secundum magis minusque variet ac-  
 commutetur, nec magis una eademque res na-  
 turalis à duobus in solidum possideri potest;  
 quàm in solidum esse in duorum dominio, *l. si ve-  
 rto. §. si. commoda, l. hereditate. §. pater. de cast. pecu.*

ne scilicet (quod absurdissimum sit) necesse fieri penetrationum dimensionem, in quam incidemus, si eandem rem à pluribus in solidum possidere posse fateamur. Quod ad ius translatum facit, ut unus quoque hereditatis unus tantum pro solidum sit heres: arse enim sequitur naturam, §. *minorem de adoptio*. Vnde quæ de rebus naturalibus dicuntur, eadē & rebus in iure consistentibus convenient. Hereditas igitur quæ res est, *tit. de reb. corp. & incorp. in fi. in Instit.* & instantiam habet, deferri quidem ex aliis causis poterit: at nostra esse, nisi ex una causa non potest. Et rursus ab uno in solidum possessa & occupata, ab alio in solidum occupari & teneri eadem non poterit. Sed & in eo ars naturam imitatur, quod quemadmodum natura à monstris abhorret, ita & ius: Neque enim una aliqua res naturalis diverso iure censeretur, *l. e. qui ades. de vsucapio*. Et inde est quod ait Iureconsultus, *Reg. 7. ius nostrum non patitur eundem in patris, & testato & intestato decessisse: earumque rerum inter se pugna est, ut testatus & intestatus quis sit*. Et præsentat enim hereditas personam defuncti, *tit. de stip. servo. in pri. in Instit.* Iam verò, ut defuncta persona nullo diverso iure censetur, sic & hereditas debet eundem repræsentare, non quidem diverso genere successionis, sed uno. Imò amplius, cum in uno genere sunt plures, debent omnes ex eodē gradu venire, §. *si plures, de legit. suces.* ne rursus in eandē absurditatē incidamus.

& pluriū heredū ( qui omnes vnius loco sunt )  
 conditio, diverso iure censeatur. Et idē est in-  
 entum ius repræsentationis, quod fingit eos q-  
 radus sunt remotioris, esse eiūsdē gradus cum  
 iuperioribus; §. cum filius, de her. qua ab intesta defe-  
 deo autem in militum testamentis diversum  
 lacuit, quod in iis, non tam heredes ipsos aut  
 enera successionum vel gradus, ( quæ omnia  
 iivilia sunt ) quàm nudam militum volūtatē  
 eectemus, de milita. test. in princ. in Instit. quæ est  
 ierē naturalis, ita vt in illis regula illa civilis;  
 uod hereditas defuncti personam repræsen-  
 et, nō perinde accipiat. Sed de his modō sa-  
 s. Nunc separatim de substantia, superficie, &  
 cidente differendum est.

### AXIOMA LIV.

#### *De substantia rei seu dominio.*

Paulō antē dictum est, dominium circa rei  
 substantiam versari, in quam trimembris inci-  
 dit inspectio. i. Quotuplex sit domini cōditio.  
 Quæ eius vis & potestas. 3. Quomodo rerū  
 ominia constituentur.

### AXIOMA LV.

#### *Quàm varia sit domini cōditio.*

Quintuplex omninō est domini cōditio, §.  
 rer. divis. Nam rerū aliæ sunt cōmunes, hoc  
 , omniū hominū; aliæ publicæ, hoc est, vnius  
 cuius Reipu. aliæ vniuersitatis, hoc est, non

quidem totius Reipub. sed alicuius corporis minoris, ut est Collegium argentariorum, alia singulorum, alia denique omnino nullius quæ omnia suis locis relinquemus, præter quod quod de his, quæ nullius in bonis sunt, tales hinc incidant regulæ. Et primum illa ex Canonibus *Can. 51 Semel Deo dicatum, non est ad usus humanos ulterius transferendum.* Hoc est non solum in dominio esse non potest (de quo nemo dubitat, propterea quod nullo pretio æstimabilis sit res sacra, *l. sacra, in fi. de re. divi.*) sed ne quidem ad usus humanos, hoc est, eiusmodi qui non sunt sacri sed negotiationis gratia fiunt, transferri potest, ut est oppignoratio, *l. sancimus, C. de sacros. eccles.* quæ etsi non transferat dominium in accipientem, est tamen loco cuiusdam solutionis *arg. §. vendita, de re. divi. iuncto §. si. quib. mo. re.* & si per consequens, eam necesse est ad pretium reduci, & conferri cum eo quod debebatur. At verò quia sacræ rei nulla proportio est cum prophana, *l. sunt persone, de religios.* fit ut sit absurdum rem sacrâ solutionis vice fungi, & ad certam æstimationem reduci, sicque per consequens in singulorum patrimonium incidere possit unde Ulpianus, *Reg. 143. Quod nullius esse potest, id alicui fieret, nulla obligatio valet efficere.* Ut stipulatio rei sacræ, religiosæ aut sanctæ, quæ protinus est inutilis, *§. idemq., de inut. stip.* quemadmodum & eius quæ in rerum natura non est: non enim

enim

enim nullum potest esse accidens, *l. verum, §. soluitur, pro facio.*

## AXIOMA LVI.

### *De vi & effectu domini.*

Vis & effectus domini in eo est, ut quod iure tener quisque, id ab eo invito auferri non possit. Vnde Pomponius, Reg. 12. *Id quod nostrum est, sine facto nostro ad alium transferri non potest. Utrote traditione, §. per traditionem, de rer. div. quæ facti est.* Nam ut dominium cum substantia rei naturaliter esse coniunctum, paulò antè diximus, ita non potest quoque nisi substantia & res sola interveniente ad alium transferri, nempe per traditionem, quæ ut facti est, ita & factum, hoc est, consensum ac voluntatem facientis requirit: nam facere dicitur propriè, qui etiam ult, arg. tit. si quadr. pau. f. dica. in si. prin. quæ ergo ulmodi sunt ut à nobis invitis auferri possint, non sunt propriè nostra, vel nostri domini: unde Caius, Reg. 182 §. final. *Non videtur perfectè id esse cuiusquam, quod ex causa auferri potest.* Ut sunt, quæ vel sub conditione sunt data, vel sub cōditione tradita: quo posteriore modo transit eundem dominium in accipientem, sed non incommutabiliter, *l. si is cui, de do. ca. mor.* ut aiunt, nec sine periculo revocationis. Simile est quod de evictionis periculo tradit Celsus, Reg. 151. *quod evincitur, in bonis non est.* Hoc est, quod in ea causa est, ut evinci possit, quamvis civiliter in

bonis fit, propter vsucapiendi conditionē, *l. bonorum, §. in bonis, de ver. sign.* revera tamen & naturaliter seu pleno iure non est, aliud est enim in dominio esse, aliud in bonis: nam hoc civile est illud naturale, *arg. d. §. in bonis. & l. rem in bonis, acq. re. do.*

### AXIOMA LVII.

*Quomodo rerum dominia constituentur.*

Rerum dominia, vel per acquisitionem, vel retentionem, vel denique per alienationem constituentur, *arg. l. fin. de legib.* quæ sunt tres quodammodo proprietates dominii, secundum generis, ut loquitur Porphyrius: conveniunt enim omni, nec tamē soli dominio. Nam & utilitates ex rebus, & rerum possessiones ad alios transferri possunt & alienari, manente interim apud verum dominum rei ipsius substantia in dominio, ut in *tit. de usufruct. in Instit.* De acquisitione primo loco dicemus: Per quas personas nobis acquiratur, tum quā variē res nobis acquirantur.

### AXIOMA LVIII.

*Per quas personas nobis acquiratur.*

Acquiratur nobis (inquit Imper. *tit. per quas perso. in Instit.*) non solum per nosmetipsos, sed etiam per eos quos in potestate habemus, ut patet per liberos nostros, & per servos, de quibus antea diximus non pauca. Scribi enim in acquiratur



quirendo pro dominis habentur, *l. servus vetan-*  
*e, de ver. oblig. & inde est, Reg. 175. Quod melior con-*  
*ditio nostra per servos fieri potest, deterior fieri non po-*  
*est.* Neque enim quod in favorem domino-  
 rum est introductum, id in eorum odium de-  
 bet redundare, *l. nulla, de legib.*

### AXIOMA LIX.

*Quàm variè res nobis acquirantur.*

Acquiruntur nobis res, tum naturaliter, tum  
 civiliter. Naturaliter quidem, per traditionem,  
*d. §. per traditionem, de re. divi. vel quasi, l. quoties, 2.*  
*de servitutib.* Nam incorporalia ( vt servitutes )  
 cum per se res non sint in rerum natura existen-  
 tes, fit, vt nec possideri propriè, vel tradi posse  
 videantur, nisi per patientiam, *d. l. quoties, 2.* quæ  
 est quædam quasi traditio. Civiliter verò, duo-  
 bus modis, nempe per Canonicam institutio-  
 nem, & per usucapionem, latè scilicet accepto  
 iuris civilis vocabulo, vt & Canonicum conti-  
 neat, quomodo ius distinguimus à facto, *l. nec*  
*servus, de pec. & ius civile soli nature opponimus,*  
*l. quod. attinet, supra tit. non verò iuri gentium.*

### AXIOMA LX.

*De Canonica institutione.*

Ait Canon, *Can. 1. Beneficium ecclesiasticum non*  
*potest sine institutione Canonica obtineri.* Quæ qui-  
 dem institutio, nuda instituentis voce & vo-  
 luntate transfert ius beneficii in institutum, *c.*  
*si tibi, de preb. & dignitate,* non secus quàm here-

dis institutione ius defuncti in heredem derivatur: adeò vt Canonica institutio faciat eum qui instituitur, quodammodo eius qui in eodem iure antecessit, heredem, ad beneficium quod attinet. Et quemadmodum heredis institutio solum ius defuncti ad heredem transfert, non verò possessionem, *l. cum heredes, de acq. poss.* quæ facti est: ita & is qui in beneficium Ecclesiasticum est institutus, debet eò amplius & possessionis consequendæ nomine investiri, *ad hac vt nostrum, de off. archidi.* (vt Canones loquuntur) seu in possessionem introduci, alioqui fructuum & emolumentorum beneficii nunquam capax futurus.

### AXIOMA LXI.

#### *De acquisitione per vsucapionem.*

Traditionib. & vsucapionibus (inquit Imp.) *l. traditionibus, C. de pact.* rerum dominia transferuntur: traditionibus quidem naturaliter, vt suprà dictum est. Nihil enim tam naturale est, quàm voluntatem domini rem suam in alium transferre volentis, ratam haberi, *d. 5. per traditionem.* Vsucapionibus verò civiliter: nam cum alioqui naturaliter sit impossibile, quod meum est, sine meo facto à me discedere, & ad alium transferri, *l. id quod nostrum, hoc tit.* quia tamen & hinc non expedit Reipub. rerum dominia incerto esse, *tit. de vsucap. in princ. in Instit.* & illinc alienare velle videatur dominus, *l. alienarum, de ver.*

ver.

*ver. sign.* qui tam diu rem suam negligit, eamq;  
ab alio possideri patitur, donec vsucapiatur, fit  
vt juris potestate trāseat hīc dominium in pos-  
sessorem, *l. 3. de vsucap.* Requiritur autem ad vsu-  
cationē bona fides, possessio, iustus titulus, *d.*  
*tit. de vsucap.* De singulis seorsim videamus.

## AXIOMA LXII.

### *De bona fide.*

Hoc quoq; argumentum in duo capita dis-  
trahemus, nempe qui sint bonæ fidei: tum de  
vi & effectu eiusdem. Ad prius quod attinet,  
eum dicimus in bona fide esse, qui iustum & le-  
gitimum habet suæ possessionis initium, *l. bonæ*  
*fidei, de ver. sign.* vt cui donatum, legatum, testa-  
mento relictum est, qui emit ab eo quem cre-  
dit esse dominum. Sed etsi emptor sciat alienā,  
emptioni tamen Prætor suam auctoritatem in-  
terposuit, bonæ fidei emptor est. Vnde Vlpian.  
*Reg. 180. Qui autore iudice comparavit, bonæ fidei est.* Iu-  
stè enim possidet qui autore Prætoris possidet,  
*l. iustè, de acq. poss.* & purgat alienæ rei conscien-  
tiam Prætoris auctoritas: aliàs verò qui sciens e-  
mit aut accipit à non domino, vel contra leges,  
etiamsi ab ipso domino consequatur, malæ fi-  
dei est: hinc illud in Canone, *Can. 82. Qui contra*  
*iura mercatur, bonam fidem habere non præsumitur.*  
Obstat enim juris ignorantia, quæ nemini pro-  
dest, *l. nāquam, de vsuca.* quamvis interim fieri

possit, ut in aliquo sit eius conditio, qui sciens non domino emit, aut contra iura mercatus sit melior quam prædonis, ut quia secundum Vlpia. Reg. 169. *Nemo prædo est, qui pretium numeravit.* Nam prædonis propriè est, non posse ullam causam suæ possessionis reddere, quiq; interrogatus cur possideat, respondurus sit, quia possideo. *l. pro herede. §. si. cum l. seq. de petit. here.* atq; ita plurimum inter malæ fidei possessorem & prædonem interest, cum hic nullum titulum habeat, ille verò aliquem, & ideò contra hunc petitio hereditatis, contra illum minimè competit.

### AXIOMA LXIII.

*De vi & effectu bonæ fidei.*

Ait Paulus, Reg. 179. *Bona fides tantum possident præstat, quantum veritas, quoties lex impedimento non est.* Inhibent enim lex 12. tab. & lex Attilia, usucapionem rerum furtivarum, vi possessorum verò lex Iulia & Plautia, §. *furtivæ, de usucap.* Quia in re nota leges speciales derogare generalibus. Ideoq; vitia ex his delictis contracta, dicuntur vitia rerum, quòd res ipsas comitentur & afficiant ad quoscunq; tandem migrent possessores, *l. vitia, C. de acq. vel reti. poss.* Cætera verò personalia sunt vitia, coniuncta cum conscientia rei alienæ, *l. si fraude, C. de præf. long. temp.* quam ego quidem habere possum qui alienavi, is verò non habere qui eandem rem acceperit, atq; ita id

ita id personale est. Is ergo solus qui alienæ rei conscientiam habet, non præscribet, *c. fi. de præscr.* ut *Can. 2. Possessor male fidei vlllo temp. non præscribit.* Alii verò qui bona fide ab eo quicquam accipiunt, utiq; possunt vsucapere. Quatenus autem bona fide opus sit, in initio ne inchoata possessionis? an verò quamdiu quis possidet? distinguendum est ius Pontificium à Civili. Nam hic initium satis est rectè inchoatum esse *S. diutina, de vsuca.* ibi etiam medio tempore, *d. c. fi. idq;* tam diversimodè, quòd possessio jure civili semel inchoata, sit juris, *l. possessio, de acq. poss.* quæ factò superveniente, tolli aut mutari non potest: quod ius Pontificium non inspicit, sed de factò & naturaliter singula rerum momèta pòderat, æquitati magis insistens, quàm stricto juri.

### A X I O M A L X I I I I.

#### *De possessione.*

Possessionis duplex est inspectio: nam vel de ea in genere tractatur, quatenus servit vsucapioni: vel in specie, quomodo scilicet acquiratur. Et quidè ad vsucapionem quod attinet: talis in Canonibus est regula, *Can. 3. Sine possessione vsucapio non procedit.* Neque enim dominium quod cum substantia rei est conjunctum, *arg. d. S. per traditio.* transferri potest, nisi etiam substantia naturaliter interveniat, quod sit vel

fit vel per traditionem, vel per possessionem, quæ et si circa superficiem versetur, substantiam rei tamen perpetuò sequitur: adeò, vt voluntate domini tamdiu silentis & rem suam vsucapi sientis, videatur res alienata esse, *l. alienatum de verb. sig.* & hoc est quod ait, *d. l. traditionib.* Imp. Traditionibus & vsucapionibus rerum dominia trāsferri. Planè cūm hæc possessio de qua in vsucapione agitur, sit juris, *d. l. possessio.* necesse est vt et si facti quoq; plurimum habeat, sit tamen liber & Civis Rom. in quem ea incidet, & ideò Paulus ait, *Reg. 161.* quod *Qui in servitute est, vsuapere non potest: nam cūm possideatur, possidere nō videtur.* Quæ res ex his evadet clarissima, quæ prius de vi & effectu alienæ potestatis sunt tradita. Nunc quomodo acquiratur possessio, & de duplici eius specie.

### AXIOMA LXV.

*Quomodo acquiratur Possessio, & de duplici eius specie.*

Ait Paulus, *Reg. 196. vers. final.* Vt nulla possessio acquiri, nisi animo & corpore potest: ita nulla possessio amitti potest, nisi in qua utriusq; in contrarium actum est. Ratio est in principio eiusdem huius responsi, nempe quia nihil tam fit naturale, quàm vnumquodq; ita dissolui, vt est colligatum. Et cūm factum sit materia juris *l. si explagis, §. in cliro. ad leg. Aquil.* voluntas verò & consensus sit forma, *l. 1. §. pe. de pact.* fit vt nec solo animo acquiri

quiri possessio, (quæ juris sit, & subordinata v-  
 ucapioni, de qua sola hîc loquitur Paulus) pos-  
 sit, quòd videlicet de sit materia, perinde vt nec  
 transfertur sine traditione dominium: nec et-  
 iam solo corpore, quòd ibi de sit forma, quæ ius  
 conditionem perinde factis instillet, vt ani-  
 ma corporis:

## AXIOMA LXVI.

*De titulo.*

Sed & iustus titulus requiritur in vsucapio-  
 nibus, *l. si. C. de vsucap. pro hered.* Iustum voco, qui  
 ex causa aliqua idonea ad translationem domi-  
 nii faciendam, si traditio sit insecuta, veniat:  
 quales sunt donatio, successio, sub qua legatum  
 & fideicommissum continetur. Et hac occasio-  
 ne, titulo de vsucapionibus subiecit Imper. sta-  
 tim hos tractatus, quòd scilicet, neq; ad cau-  
 sam naturalem penitus pertinerent, neq; ad ci-  
 viles, sed mixti ex vtrisque, essent. Nam si dona-  
 tor aut defunctus, olim dominus rei donatæ  
 vel à se relictæ fuit, iam nullam habet ea res  
 dubitationem, quin per traditionē ex ea causa  
 factam, statim iturum sit ad accipiētem domi-  
 nium, *d. §. per traditionem, & d. l. traditionibus.* Si nō  
 fuit, tum propter iustum titulum erit saltem  
 vsucapiendi conditio accipienti acquisita. Nō  
 dissimile huic est, quod Tribonianus in *lib. 4. l. 1.*  
*pan.* statim titulo de vsucapionibus, subiecit o-  
 miter summa capita illorum titulorum, ex qui-  
 bus

bus vſucapiendi conditio poſſeſſori procedit. In Inſtitutionibus verò illa occaſione, de iſſe-  
riculis tractat etiam ſeriò: De donationibus,  
ſucceſſionibus, legatis, fideicommiſſis & ſimili-  
bus. Quem ordinem rerum tractandarum (v  
& priùs admonuimus) nos in iſtis regulis diſ-  
ponendis ſumus ſecuturi. Proximum ergo eſt,  
vt de donationibus dicamus.

### AXIOMA LXVII.

#### *De donationibus:*

Pulchrum in hoc argumento Papiniani re-  
ſponſum extat in tractatu regularum, quid ea  
ſit, cùm ait, *Reg. 83. Donari videtur, quod nullo iure  
cogente conceditur.* Conſtat enim ſola liberalita-  
te donatio, *l. 1. de donatio.* ad eò vt donator non  
poſſit ad eiùſdem rei ſolutionem ex alia cauſa  
faciendam, actione compelli, aut poſt ſolutio-  
nem ſpontaneam, indebitum repetens, pati ex-  
ceptionem retentionis, quod eſt apertiffimum  
indiciũ, nulla eum neceſſitate dediſſe, *l. natu-  
rales, de actio. & obli.* Nunc ordinariũ eſt, vt ad  
ſucceſſionem deſcendamus.

### AXIOMA LXVIII.

#### *De ſucceſſione in genere, & eiùſ effectũ.*

Duplex acquirendarum rerum per ſucceſ-  
ſionẽ eſt ratio. Nã vel ſuccedimus in vniverſi-  
tatem bonorũ, vel in res ſingulas, In vniverſi-  
tatem



tatem quidem modis quatuor, *S. si. per quas per-*  
*so. nob. acq.* nempe per hereditatem, per bonorū  
 possessionem, per arrogationem, per addi-  
 ctionem. In res singulas verò per legatum, fidei-  
 commissum & contractum, quam tamen traditio  
 sit subsecuta. Qui mod' posterior vel eo maxi-  
 mè differt à reliquis duobus, quòd per legatum  
 transeat dominium rei in legatarium etiam ci-  
 tra traditionem, *l. à Titio de furt.* ex contractu  
 verò minimè. Nam obligationum substantia  
 non in eo consistit, ut aliquid fiat nostrum, sed  
 ut nobis debeat, *l. obligationum substantia, de a-*  
*ctio. & obli.* Quomocunq; tamen sit nobis res  
 acquisita, vel per universitatem, ius, vel ex ali-  
 qua particulari causa, res singulæ: æquè tamen  
 semper in ius alterius successisse quodam mo-  
 do videmur; diversimodè tamen. Nam qui ex  
 aliqua causa universali in ius succedit, is in  
 dem numero ius venit, *arg. l. hereditas infr. eo.*  
 quod penes eum fuit, à quo causam habet; &  
 idè etiam juris successores appellantur. In  
 quo successionis genere tanta vis est juris, ut  
 ferum nulla consideratio habeatur. Nam  
 ius hereditatis per se subsistit, & conservari  
 incolume esse potest, etiamsi nullæ peni-  
 tus in hereditate sint res, *leg. hereditas de petit.*  
*heredit.* Cæteri verò qui in res singulas suc-  
 cedunt, veniunt quidem in ius alterius,  
 nam fiunt domini eius rei, quæ fuit alterius,  
 ut non est illud ius numero, sed tantum  
 specie

specie idem cum eo jure, quod penes autorem  
 fait: unde fit, vt non juris successores appellé-  
 tur, *§. legatariis, de test. ordi.* eo nimirum inspecto  
 quòd etsi eadem res transeat ad novum domi-  
 num, non est tamen mutato domino, in eodem  
 dominio in quo fuit antè, sed in alio. Quemad-  
 modum qui in potestate est servus, si vaneat vt  
 alienetur, manet quidem, ( vt & antè fuit  
 servus, & fit alienæ potestatis: at non est illi  
 numero eadem potestas, cum hac unde est e-  
 gressus. Illud autem in omni successionis gene-  
 re est vsitatum, vt seu vniversalis juris quisque  
 fit successor, seu rerum singularium, semper  
 transeat in eum ius, cum sua causa, *arg. l. traditum*  
*de acqu. rer. do.* hoc est, sic affectum, vt erat penes  
 eum à quo causam habet. Et huc illæ regulæ  
 spectant. *Reg. 138. Qui in ius damnumre alterius succe-*  
*dit, iure eius vti debet.* Ecce vtramq; successio-  
 nis speciem. Nam qui in ius alterius succedit  
 est successor vniversalis. Cum quo consentit illa  
 regula in Canon. *Can. 46. Is qui in ius succedit al-*  
*terius, eo iure quo ille, vti debet.* Qui verò in domi-  
 nium succedit alicui, est particularis, seu rerum  
 singularium successor, *d. l. legatarius.* quemadmo-  
 dum & paulò antè diximus, dominium circ  
 res singulas & individui substantiam versari  
*arg. §. per traditionem, de rer. divis.* (nisi fortè do-  
 minii vocem latius pro quocunq; jure accip  
 quis existimet) vt in *l. in omnibus negotiis, de actio-*  
*obli.*) Vtrumq; simul vna voce complexus est  
 Vlpianus

Vlpianus: Reg. 198. §. ii. *Cum quis in alicuius locum successerit, non est æquum ei nocere hoc, quod adversus eum non nocuit, in eius locum successit.* Vtrumq; enim significat in locum succedere, & universalem successionem in jus; & particularem in rem dominiumve. Sed & aliæ duæ particularium successionum sunt regulæ, nimirum de his qui ex aliquo contractu causam habent ab aliquo, & specialiter de emptore. Prioris generis est illa Vlpiani regula; Reg. 188. *Quod ipsis qui contraxerunt, obstat, & successoribus eorum obstat.* Posterioris generis est illa, & ipsa Vlpiani, Reg. 198. §. penult. *Plerumq; emptoris eadem causa esse debet circa petendum ac defendendum, quæ fuit auctoris.* Sit exemplum in emptore hereditatis, qui etsi non sit ipse per se hæres, perinde tamen eodem jure uti debet, quo is cuius persona fungitur: præterquam quod utiles tantum actiones habeat contra creditores hereditarios ex cessione *l. emptor hereditatis, C. de her. vel act. vend. directis* manentibus apud ipsum heredem, *l. per diversas, C. mand.*

### AXIOMA LXIX.

#### *De acquisitione per hereditatem.*

Hereditatis tractatio in aliquot infra se articulos & capita minora discedit. Primum quid ea sit: tum, quot modis, & quomodo deferatur: deinde, quomodo acquiratur: postremò, de eius reputatione.

*Quid sit hereditas.*

Ait Iulianus, Reg. 63. *Hereditas nihil aliud est, quàm successio in universum ius quod defunctus habuit, tempore mortis.* Gaudent enim Iureconsulti abstracta definire per abstracta, ducto argumento à coniugatis. Nam quemadmodum nuptias contrahere, est coniungi, ita nuptiæ sunt coniunctio: & ut servi sunt constituti iure gentium, ita servitus est constitutio: deniq; ut heredem fieri est succedere, ita hereditas est successio. Quæ omnia in concretum (ut Dialectici loquuntur) dissoluenda sunt, ut nuptia est coniunctio, l. 1. de ri. nupt. hoc est, ius coniungens. Servitus est constitutio, l. 4. de sta. ho. hoc est, ius constitutum. Usucapio, est adiectio domini, l. 3. de usucapio. hoc est, ius adjiciens dominium. Hereditas est successio, hoc est, ius succedens in locum defuncti. Quod tantisper nomen suum retinet, donec adeatur: post additionem verò, cōfusum cum bonis adeuntis, amittit nomen hereditatis, arg. l. sed si plures, § si filio. de vulg. & pup. & iam non amplius nudum ius, sed persona heredis, incipit locum personæ defunctæ tenere. Vnde Ulpianus, Reg. 60. *Heredes eiusdem iuris esse, cuius fuit defunctus, constat.* Et iterum Ulpia: Reg. 171. § final. *Hi qui in universum ius succedunt, heredum loco habentur.* Habet autem heres nomen ab hærendo, quod in eum

cont.

continuentur jura defuncti, eique sic cohaereat, vt eadem persona cum eo videatur. Vnde etsi propriè is dicatur heres, qui ipse alicui proximè successit, nihilominus tamen & vteriores quodammodo remotioris heredes esse intelliguntur, *l. heredis appellatio, de verborum sig.* Vt, exempli gratia: Mævius successit Titius, & rursus, post annos aliquot Titio Sempromnius, vt qui cum hereditate Titii, acceperit etiam (sed tacitè) hereditatem Mævii, idque per interpositam personam, & (vt aiunt) per quandam veluti longam manum. Et sic illud Modestini responsum intelligo, cum ait, *Reg. 155. Qui per successionem quamvis longissimam, defuncto heredes extiterint, non minus heredes intelliguntur, quam qui principaliter heredes extiterint.* Quod non tam ex vi verborum, quam ex utilitate receptum esse, *l. si. C. de hered. insti.* docet alio loco Alciatus, ad *d. l. heredis.*

## AXIOMA LXXI

*Quot modis & quomodo deferatur hereditas.*

Defertur hereditas vel ex testamento, vel ab intestato. Verùm vt in cōtractibus primum, & ante omnia inspicimus quid sit actum *l. semper in stipulationib⁹, de. reg. iur.* ita & in successionib⁹.

prima causa eorum est, qui testamento sunt instituti. Vnde Paulus, Reg. 90. *Quamdiu possit valere testamentum, tamdiu legitimus heres non admittitur.* Si nihil sit actum, tunc juris dispositioni locus est. Tunc autem nihil actum intelligitur, quando is qui decessit, manet intestatus: quod accidit quando aut omninò nullum conditum est testamentum, aut id quod est conditum, ruptum irritumve factum est; aut deniq; si nemo heres ex còdito semel testamento extiterit; *tit. de her. quæ ab intesta. dese. in prin.* Vnde Vlpianus, Reg. 124. *Si nemo subiit hereditatem, omnis vis testamenti soluitur.* Pendent enim cætera, quæ in testamento scripta sunt, ex heredis institutione, *l. inter cætera, de libe. & posth.* quæ totius testamenti caput est ac fundamentum, *§. ante heredis de legat.*

### AXIOMA LXXII.

*Delata hereditas quomodo acquiratur.*

Hic separanda est suorum heredum conditio (quibus simul cum ipsa delatione, statim & ipso jure acquisita est hereditas, *§. sui, d. tit. de her. quæ ab intesta.*) ab extraneis, qui delatam vel testamento, vel ab intestato debent adire, *§. extraneis, de hered. qual. & diff.* Cuius quidem aditionis duo sunt capita, nimirum:  
 Quomodo fiat: tum de eius vi  
 & effectu.

## AXIOMA LXXIII.

*Quomodo fiat aditio.*

Duobus modis fit aditio. Semel, cùm is, cui delata est hereditas, gerit se pro herede. Iterum, Nuda voluntate, §. *ult. d. tit.* Pro herede gerendo fit heres, qui non deliberat, & simpliciter immiscet se hereditati, facto declarans se velle heredem esse. Is verò nuda voluntate adit, qui deliberat, & interim etiam pro herede se gerit, quod ei deliberanti & intra cretionis tempora versanti non obest, quamdiu non accessit voluntas, hoc est quamdiu non declaravit se velle quoq; heredem esse: & ob id tunc dicitur nuda voluntate fieri heres, quod ei non obsit interim se pro herede gessisse, *Vlp. in fragmento Instit. tit. 22.*

## AXIOMA LXXIIII.

*De vi & effectu aditionis.*

Præterquàm quòd aditio heredem faciat eū, cui delata erat hereditas, coniungit etiam momenta mortis testatoris, cum extremis aditionis, qua de re ita Celsus, *Reg. 154.* Omnia ferè iura heredum perinde habentur, ac si continuò sub tempore mortis heredes extitissent. Et Paulus, *Reg. 181.* Omnis hereditas quamvis postea adeatur, tamen cum tempore mortis continuatur. Idq; propter juris conditionem, quòd nisi connexionem illa extremorum utriusq; temporis unitum conservetur, non

tam poterit videri heres in idem numero ius, quod penes defunctū fuit, quàm in aliud quoddam ei simile, & à priore diversum, successisse, *arg. §. si ab hostib. quib. mo. ius pa. po. sol.* Nam ius semel extinctum, idem numero nunquam reviviscit, *l. qui res, §. aream, de solutio.*

### AXIOMA LXXV.

#### *De repudiatione hereditatis.*

Sed & repudiatio propriè est extraneorum, ut aditio. Nam sui cùm ipso jure fiant heredes, non tam repudiare dicuntur quàm abstinere, *d. §. extraneis, de her. qual.* hoc est, tantum non immiscere se hereditati: quod beneficium est eis à Prætore concessum, & ea ratione relaxata necessitas. At verò repudiationem hîc generaliter etiam pro abstentione accipimus, de qua primum illud dicemus: Quomodo fiat: Tum qui repudiare possint: ac tertio de vi & effectu repudiationis.

### AXIOMA LXXVI.

#### *Quomodo fiat repudiatio.*

Repudiatio hereditatis iisdem fit modis quibus aditio: nimirum vel solo animo nudaque voluntate, vel re ipsa & facto, *l. recusari, de acq. hered.* Vnde Ulpia. Reg. 6. Non vult heres esse, qui ad alium transferri voluit hereditatem, *l. filium emancipatum d. tit.* Scio quosdam, Dec. Acc. & Barth hîc, esse qui transferre legant, & conformiter illa ver-



ba (nō vult heres esse) cum effectu intelligant. Quorum sententiam in re tam obscura, non video cur admodum improbem.

### AXIOMA LXXVII.

*Quis possit repudiare hereditatem.*

Is repudiare potest, cuius quæsitum est ad acquirendum, si velit. Ius enim non quæsitum, repudiari non potest. l. si ita scriptum, §. 1. de leg. 2. Hinc illud Ulpiani, Reg. 35. §. final. Quod quis, si velit, habere non potest, repudiare non potest. Privatio enim præsupponit habitum, l. decem, de ver. obl. vt prius dictum est.

### AXIOMA LXXVIII.

*De vi & effectu repudiationis.*

Ait Paulus, Reg. 92. Quoties duplici iure deferatur alicui successio, repudiato novo iure quod antè deferatur, supererit vetus. Novum ius vocat Paulus (quod antè deferatur) vt est successio testamentaria, cuius semper prima causa est, l. quamdiu supra eo. semperq; novam habet ex quolibet testamento à voluntate testatoris originem. At verò ius vetus appellat Iureconf. quod antiquam & vetustam habet ex legibus 12. tab. originem, semper & perpetuò durabilem, vt est Successio ab intestato. Vnde qui successioni ex testamento renunciat, videtur tacitè viam sibi facere velle ad alterum genus

successionis ab intestato, non verò contrà: nam qui successioni ab intestato renunciat, ab vtraque discedit, *l. in plurium, de acq. here. Bart. ad l. necis § heres, d. tit.* ab hac quidem expressè, ab illa verò tacitè, propterea quòd non potuit ad consiliū intestatæ successionis videri accessisse quisquam, qui non antè secum constituerit nolle ex testamento venire, vt quæ sit in ordine rerū gerendarum anterior, *d. l. quamdiu.*

## AXIOMA LXXIX.

### *De bonorum possessionibus.*

Ordinarium est modò vt ad secundam rationem acquirendarum rerum per vniversitatem accedamus, quæ est bonorum possessio: de qua sic Paulus, *Reg. 118. Præter bonorum possessorem pro herede in omni causa habet.* Nam cùm per legem aut similem juris constitutionem veluti *S. consulta*, heredes fiant, *S. quos autem, de bo. poss.* consequens est per Prætorem non posse fieri heredem, vt qui non legislator, sed tantùm legis Po. aut Senatu latæ, sit interpret, *S. nam & ipsum de iust. & iu.* vnde nec edictis ab eo propositis olim perpetua, sed tantùm annua erat autoritas *de perp. & temp. actio. in prin.* secundū quæ edicta, olim solum honorem illi magistratui delatum, tantillo tempore sinebat Pop. Romanus à Prætore re ius dici, ita vt inde ius à Prætore consti-

tutum

utut, sit ius honorarium appellatum, *S. pratorum, de iur. nat. gent.*

## AXIOMA LXXX.

### *De acquisitione per arrogationem.*

Est & alterius generis (inquit Imp. tit. de acq. per arrogat. lib. 3. Instit.) per vniuersitatem successio, quæ neque legibus 12. tab. neque Pratoris edicto, sed iure moribus recepto, introducta est. Ecce enim, cum paterfam. sese dat arrogandum, omnes eius res & corporales & incorporales, patri arrogatori acquiruntur, ad id vt & liber homo arrogatus incidat in eius potestatem à quo se permittit arrogari. Verum vt res eius augēt patrimonium patris arrogatoris, ita persona liberi hominis arrogati auget familiam, tit. de adoptio. in Instit. inter quæ tantum interest, quantum inter res & personas, nam res sunt bonorū, personæ verò sunt familiæ, l. pronuntiatio. §. 1. & 2. de ver. sig. nam alioqui vt liberum hominem in bonis esse dicas, absurdissimum est, l. liber homo. vnde aurea illa Vlpiani regula, Reg. 169. §. 1. *Locupletior non est, qui liberum acquisierit*, hoc est, filium filiamve, nepotem vel neptem in potestate. Est enim liberorum nomen iuris, l. liberorum, de ver. sign. ratò aliter quam plurali numero vsitatum: quamvis hîc singulari numero ea voce vsus sit Iurecōsultus, quemadmodum alibi Codicillum pro Codicillis dixit Imp. l. non codicillum, C. de test. Sunt qui hanc

vocem (liberum) hîc ad liberum hominem putent referendam, quorum sententiæ nos non admodum repugnare, testantur axiomata præcedentia. De quarta & vltima specie acquirendarum rerum per vniuersitatem nihil hîc dicemus, tum quòd non sit magni vsus, tum quòd in eam nullæ incidant regulæ.

### AXIOMA LXXXI.

#### *De successione in res singulas.*

In res singulas succeditur vel testamento, vel Codicillis, quibus hereditas nec relinqui, nec adimi (ne scilicet confundatur ius testamentorum & Codicillorum, §. *Codicillis, de Codic.*) sed tantùm legata & fideicommissa scribi possunt, qui sunt duo tituli successionum singularium.

### AXIOMA LXXXII.

#### *De legatis & fideicommissis.*

Magna olim inter legata & fideicommissa erat differentia, l. 2. *C. com. de lega. & fideicom.* nunc verò legata fideicommissis per omnia exæquatæ sunt, ita vt quod deest legatis, hoc repleatur ex natura fideicommissorum: & si quid ampliùs est in legatis, per hoc crescat fideicommissorum natura, §. *sed non vsque, de leg.* manente interim salua & incolumi ipsarum rerum substantia: quæ in eo consistit, vt quod legatum est, recta via per mortem testatoris acquiratur legatario, d. l. à Titio, d.

o, de furt. perinde atq; si ei manu testatoris sit  
 aditum: fideicommissum verò per obliquum,  
 et si testator fundum Sempronio relinquat, ro  
 etque ut eum porrò alteri restituat: hic sanè  
 Sempronius, cui directis verbis fundus est reli  
 tus, etiamsi eum manu heredis traditum sibi  
 offideat, potest quidem dici accepisse, at verò  
 episse, minimè. *l. aliud capere, de ver. sign.* eò quòd  
 non sic habeat traditum ut retineat. Et hoc est  
 quod voluit Caius, *Non videtur quisquam id capere,*  
*quod ei necesse est alteri restituere.* Est enim capiendi  
 vocabulum iuris, & cum effectu accipiendum,  
 utnamadmodum & pervenisse illud dicitur,  
 quod est remansurum, *d. l. aliud.* Et hactenus  
 quidem de prima specie constituendi dominii,  
 quæ est acquisitio: nunc proxima est retentio.

### AXIOMA LXXXII.

#### *De retentione.*

Sed & in retentione dominii causa contine  
 tur, perinde ut in hereditate & legato. Nam etsi  
 testator, qui totam hereditatē ita legatis exhau  
 it, ut non sit heredi salva & incolumis quarta  
 futura: ipso tamen iure lex Falcidia minuit le  
 gatorum modum, *l. in quantitate, §. in diem ad  
 leg. Falcid.* & retentione sibi consulit heres,  
 detracta singulis legatis quarta. Item si quis  
 totam hereditatem alicui restituere rogatus  
 sit, totius quidem hereditatis quodammo  
 do de-

do debitor est, dedit tamē ei S. consultum Trebellianum quartæ partis retentionem, *tit. de fideicom. hered. in Instit.* quam quidem quartam heres fideicommissio gravatus non habet iudicio testatoris, qui totam restitui iussit, sed eam à se ipso per retentionem consequitur, ut hinc satis appareat, retentionem & ipsam esse quandam acquisitionis speciem, adeo ut in contractibus & obligationibus interdum etiam solutioni loco fungatur, *l. naturales. de act. & oblig.* Nam naturales obligationes, etsi non habeant causam satis efficacem ad pulsandum actionibus debitorem, si tamen aliquo casu is qui alteri naturaliter obligatus est, solvat, non habet tanquam indebitè soluti repetitionem, *tot. tit. de condic. indeb.* & creditor se contra eum exceptione retentionis tuetur, retentione videlicet locus solutionis implente.

### AXIOMA LXXXIV.

#### *De alienatione.*

Ad alienationem ista ferè capita incidentia quæ res alienentur: tum de propriis alienationibus. Nam illud, qui alienare possint, aut non possint, hic non attingemus, quod nec regulæ in eam partem incidentes id requirant, & alioqui satis ex Institutionibus, *tit. quibus alien. lice. vel non lice.* satis possit esse manifestum.

## AXIOMA LXXXV.

*Quæ res alienentur?*

Alienatio solarum rerum est, *arg. l. alienatum. de verb. sig. vnde quia qui vendit, qui manumittit, qui servitutem aut vsumfructum cõstituit, qui pignus dat, quia alienat aliquid, l. sancimus. C. de reb. al. non al. & l. alienationis. de verb. sign. necesse est vt semper aliquid rei vel iuris sui ad alium transferat: Possessionis verò nulla est alienatio. vnde Vlpian. Reg. 162. Non alienat, qui duntaxat mittit possessionem. Est enim alienatio quoddam accidens rei seu dominii, d. l. alienatum. possessio verò circa superficiem tantum versatur, l. 1. de eq. poss. vnde qui ab ea discedit, nõ videtur quicquam iuris sui amisisse, cum possessio tantum sit facti, d. l. 1.*

## AXIOMA LXXXVI.

*De propriis alienationis.*

Illud proprium est alienationi, vt, Reg. 55. Nemo plus iuris in alium transferat, quàm ipse habeat. Et in Canon. Can. 79. Nemo potest plus iuris ad alium transferre, quàm sibi competere dinoscatur: & hinc multæ aliæ emanaverunt. Vlpia. Reg. 136. §. final. Non debeat melioris conditionis esse, quàm autor meus, à quo ius in me transit. Et Paulus, Reg. 166. Nemo plus omnimodi heredi suo reliquit, quàm ipse habeat. Quemmodum & de legato respondit Vlpian. Reg. 21. §. final. Absurdum est, plus iuris habere eum, cui legatus

gatus sit fundus, quàm heredem aut ipsum testatorem, viveret.

### AXIOMA LXXXVII.

#### *De superficie seu possessione.*

Prius dictum est, *supra eo. axio.* in rebus triplicem esse considerationem, substantiæ, superficiæ & accidentium. De substantia (cui respondet dominium) hactenus abundè tractatū est. nunc proxima est superficies, circa quam versatur possessio: quæ hîc suum locum sortiebatur, nisi prius, *supra eo. axio. 64.* argumentum vscapionis postulasset, ut ad exemplum eius ordinis quem in *π. hb. 41. Pan.* tenuit Imp. ubi de possessione, tractaremus: quare quæ sunt ibi dicta hîc pro repetitis habebimus.

### AXIOMA LXXXVIII.

#### *De accidente rei.*

Tertia & vltima consideratio circa rem, est accidentis, quæ in eo cōsistit, ut res aliqua nobis obligatione debeatur: quæ quidē obligationis varietas multiplex est, & varium rerum vscapionis præbet hominibus, quâdo res aliena vel cōmodata nobis, aut pignori data, aut vendita, vel locata est. Quæ in re etsi personæ contrahente principaliter obligatione teneantur, ut in *definit. oblig. in verb. qua necessitate astringimur*, negatamen non potest, quin ipsa per se res sit in obligatione. *l. 3. de ac. & oblig. arg. l. Marcius. de le. 2.* vnde quo



quod res mutuo, cōmodato, vel pignori dari, vendi locarive possint, est quidam veluti singularum rerum fructus. Vnde illud Iavoleni, Reg. 72. *Fructus rei est, vel pignori dare lucere.* At horum accidentium tractatio, specialem habet apud Iustinianum inspectionem, nempe de obligationibus, de quibus & nos hīc, poscentibus id regulis, tractare plura constituimus.

### AXIOMA LXXXIX.

#### *De obligationibus & contractibus.*

Contractuū & obligationum tractatum in sex omninō capita deducemus. 1. Quid sit obligatio, quæque sit eius forma. 2. Quomodo dividatur. 3. De obligationum vitiis. 4. Contracta obligatio quomodo finiatur. 5. De his qui veniunt & incidunt in contractum. 6. De accessio- nibus & appendiciis contractuum.

### AXIOMA XC.

#### *De obligatione quid ea sit, & quæ eius forma.*

Obligatio (inquit Imp. tit. de obl. in princ. in Insti.) est iuris vinculū, quo necessitate astringimur alicuius rei solvendæ, secundum nostræ civitatis iura. Forma verò obligationis est consensus, qui à nulla omninō contractus specie potest abesse, l. 1. §. pen. de pactis. ad hoc vt nascatur obligatio: quamvis interim aliis atque aliis differentiis accedentibus contin.

contingat, ut non unius generis sint omnes obligationes: nam si præter consensum etiam verba sint necessaria; vel rei interventus, iure vel verborum obligatio contrahitur, vel re contracta dicetur, dum tamen, ut dixi, semper communis illa forma accedat, quæ est consensus. *d. §. pe.* qui ut pariat obligationem duobus maxime est opus, certa scientia, & libera voluntate, quorum utrumque hoc Papiniani responsum est expressum, *Reg. 77. In totum, omnia quæ animi destinatione agenda sunt; non nisi vera & certa scientia perfici possunt.* Vera quidem, hoc est, non vi aut metu coacta. Nam coacta voluntas, est quidem ea voluntas, *l. si eum exceptione, §. eum;* quod metu *can.* at non proprie. Certa verò, hoc est, non erroribus agitata. Nam nihil adeò cum consensu pugnat, ut error, *l. si per errorem, de iurisdic.* De utroque ergo seorsim: de errore nimirum, tum de libera voluntate.

### AXIOMA XCI.

#### De errore:

Ait Ulpianus, *Reg. 117. §. final. Non videntur consentire qui errant.* Neque enim consensus est alius, quam duorum idem sentientium conspiratio. *l. i. de pact.* quod in errore, ubi in diversas partes discedunt agentium voluntates, non contingit, *l. si ego, si cer. pe.*

AXIO

## AXIOMA XCII.

*De libera voluntate, & eius contrariis  
vi atque metu.*

Libera quoque voluntas est ad solidum cō-  
sensum necessaria, cui contraria sunt vis atque  
metus. Vnde Vlpianus, *Reg. 117. in prin.* Nihil cō-  
sensui tam contrarium est (qui & bonæ fidei iudicia sus-  
tinet) quàm vis atque metus, quem comprobasse contra  
bonos mores est. Non sunt illa postrema verba  
(quem comprobasse contra bonos mores est)  
omninò otiosa: nam cùm is qui vi aut metu in-  
ductus est quodammodo consentiat, *d. §. eum.*  
ut ut etiam stricto iure obligetur, *§. 1. de exceptio.*  
At rursus quia liber non fuit consensus, & alio-  
qui non sit æquum, ut alicuius melior ex deli-  
cto suo fiat conditio, *l. non fraudantur. §. fin. hoc tit.*  
evenit ut Prætor (qui est æquitatis custos & in-  
terpres, *l. nam & ipsum. de iustit. & iure.*) illā obli-  
gationem approbet, & restitutione in integrū,  
vim aut metum passio succurrat, dum tamen vis  
enormis sit, & metus iustus. Alioqui ut ait Cel-  
sus, *Reg. 146. Vani timoris nō iusta excusatio est.* Quod  
enim contra rigorem iuris fit, debet secum iu-  
stissimam asserre causam, ut illi rigori præpon-  
deret, *l. in honorariis. in fi. de actio. & oblig.* Et hoc est  
quod aiunt, Prætorem de minimis non esse so-  
licitum, *l. Seio. de restit. in inte.*

## AXIOMA XCIII.

*Quomodo dividatur obligatio.*

Quatuor sunt principes in hoc articulo divisiones, vna à causa efficiente: altera à proprii rei substantia: Tertia à materia: Quarta & vltima ab accidente.

## AXIOMA XCIV.

*Divisio obligationis à causa efficiente.*

A causa efficiēte sumpta est illa divisio, quod alia sit civilis, alia verò Prætoria. Nam sola auctoritas facit, vt vel huius generis sit obligatio vel illius, §. 1. de obligat. nulla interim habitâ consideratione eius vnde oriatur. Et quæ iuris civilis auctoritate fulcitur, est civilis: quæ verò civilem causam nullam habet, sed ex sola Prætoris iurisdictione venit, est Prætoria.

## AXIOMA XCV.

*Divisio obligationis à proprii rei substantia.*

Ad substantiam obligationū pertinet illud quod earum alia sit naturalis, alia verò civilis, *naturales. de act. & oblig.* Nam quæ civili vinculo afficit cōtrahentes, est civilis: quæ verò tantum naturali, est naturalis. Vnde Paul<sup>9</sup>, Reg. 85. §. fin. *Is natura debet, quē iure gentiū dare oportet, cuius finem secuti sumus.* Frequens est. n. vt illa vocētur naturalia, quæ sunt iuris gentium, d. l. naturales, idque pro

propter rationem naturalem, qua constant: unde iurisperitorum obligationes, propter consensum (qui est naturalis: propter auctoritatem vero iuris civilis, quæ illis obligationibus accessit, iurisperitorum de pact. dicuntur civiles, & civiliter etiam afficiunt.

### AXIOMA XCVI.

#### *Divisio obligationis à materia.*

Ex facto, inquit Iureconsult. l. si ex plagis. §. in vivo. ad leg. Aquil. ius oritur. Sunt autem facta non unius generis omnia: nam quædam in speciem contractus cadunt, quæ vltro citroque inter duos pluresve geruntur: alia sunt merè facta, & ab vno solo fiunt, vt sunt maleficia, unde obligationum quædam ex contractu nascuntur, quædam ex facto, l. obligamur, de act. & oblig. hoc est maleficio. Et rursus earum quæ ex contractu veniunt, aliæ re, aliæ verbis, aliæ consensu contrahuntur, §. pen. & vlt. de oblig. Re quidem, mutuum, commodatum, depositum & pignus: Verbis, stipulatio. Consensu verò emptio, locatio, societas & mandatum. Atque hi sunt contractuum obligationum modi legitimi: qui ergo velit aliquem ad dandum eo nomine cogere, quod recepturus sit quod præstiterit, in errore est. Unde Iulianus: Reg. 131. Nemo idem obligatur, qui recepturus est ab alio quod præstiterit. Vt ecce, si Titius à colono vel debitore Sempronii, centum, quæ Sempronius Titio debebat, sibi dari

velit, ob id, quod idem debitor si solvat, facile illud in solutum reputaturus Sempronius aut ab eo mandati nomine recepturus, rationem caret: propterea quod non habebat Titius debitorem Sempronii ex aliquo contractu, aut facto antecedente obligatum, ut eum (si modo alterius nomine solvere nolit) cogere possit: & sic hanc regulam intelligo.

### AXIOMA XCVII.

*De obligationibus quæ re contrahuntur.*

De hoc genere obligationum nullæ hinc occurrunt regulæ, præterquam de indebito & pignore, de quibus, cæteris speciebus prætermittis, obiter videamus.

### AXIOMA XCVIII.

*De indebito.*

Ait Paulus, Reg. 54. Cuius per errorem dati repetitio est, eius consulto dati, donatio est. Donatio quidem propter præsentem consensum, repetitio verò propter errorem, §. is quoque, quib. mod. contrah. ob. quia videlicet non est æquum ut sua cuiusquam probitas sit detrimento, l. 1. de dol. Eatenus autem per errorem solutum repetitur, quatenus est indebitum, nisi fortè non appareat quæ pars repeti debeat: nam tunc in favorem indebiti solventis tota repetitur, l. si non fortem. §. 1. centum, de condict. indeb. potius quam ut non apparente parte quæ repeti debeat, nulla repetatur.

tur: exemplo eorum quæ in partes dividi non possunt, quæ potius quàm ad nullum heredum perveniant, in favorem successionum, solida erant ad singulos, *l. 2. de ver. oblig. l. ea quæ in partes, hoc tit.* Et hoc est quod ait Paulus, *Reg. 85.* Cum solutius solutum est quàm debeat, cuius pars non invenitur quæ repeti possit, totum videtur indebitum, manente pristina obligatione. Exemplum de fundo iame in solutum dato per errorem, in causam alius pecuniæ, quæ vel tota non debeat, vel altem non tanta in quam datus est fundus, *d. 5. centum.*

## AXIOMA XCIX.

### *De pignore.*

De pignore trium capitum occurrunt regulæ: nempe, quis sit usus pignorum: qui potiores in pignore habeantur: tum deniq; quomodo pignoris nexus dissolvatur. Usus autem pignorum in eo est, ut creditori melius sit cautum. Hinc illud Pomponii, *Reg. 28. Plus cautionis est in rem, quam in personam:* facilius enim accidit, ut lapsi facultatibus homines fiant insolventes, quàm ut res in nihilum redigatur, *l. itaque. 5. de furt.* Qui verò potiores in pignore habeantur, eleganter Canonibus est expressum, *Can. 54. Qui prior est tempore, potior est iure.* Qua de re quoque dictum est prius. At verò inter modos solvendi rei à nexu pignoris non est is inter postre-

mos, de quo Caius, *Reg. 119. Creditor qui permittit rem venire, pignus dimittit.* Hoc est, qui omnimodo & expressis verbis consentit in alienationem, aut venditionem, *l. si debitor. §. si in venditione, quib. mo. pi.* Aliàs verò si permittat alienari hoc est, tantum non contradicat alienationi iam certè, quia nemo præsumitur suum iactare, *l. cum de indebito, de probatio.* non statim dicemus causam pignoris esse relaxatam, *l. sicut. §. non videtur, quib. mo. pi.* quinimò transitura res est ad accipientem cum sua causa, *l. traditio, de acq. rei domi.*

### AXIOMA C.

#### *De verborum obligationibus.*

Verbis contrahitur obligatio, inquit Imperator ex interrogatione & responsione, ad dandum aliquid, vel faciendum. Inter quas (dandi & faciendi) obligationes illud interest, quòd dandi obligatio sit præcisa, *l. ubi autem, in. §. de ver. oblig. faciendi verò, non sit. l. stip. non dividuntur, d. tit.* Illud verò invicem hæ species habent cõmune quòd non solum inter obligationes faciendi quædam dividuæ sint, quædam individuæ, sed & inter eas quæ in dando consistunt, *l. 2. d. tit.* Nunc de singulis seorsim.

### AXIOMA CI.

#### *De obligatione præcisa, & non præcisa.*

Faciendi obligatio præcisa non est, sed statim poss



ost moram succedit in locum facti obligatio  
 id quod interest, *d. l. stip. non divi*. Dandi verò  
 obligatio præcisa est, nec liberatur debitor, nisi  
 quod in obligatione est, omninò etiam de-  
 erit; Hoc est, sic dederit ut fiat accipiētis. Hinc  
 lud Vlpiani, *Reg. 128. Non videntur data, quæ eo  
 mpore, quò dantur, non fiunt accipientis*. Sunt enim  
 erba cum effectu accipienda, *l. Imperator, de in  
 iem adiect.*

### AXIOMA CIX.

*De obligationibus dividuis & in-  
 dividuis*

Quæcunque per testatorē pmissa talia sunt  
 t dividi in partes possint, transeūt pro portio-  
 ibus ad heredes, ut suæ quisque partis sit debi-  
 or, *d. l. 2.* Quæ verò talia sunt, ut dividi neque-  
 nt, ea singulos heredes in solidum obligant.  
 Vnde Marcellus, *Reg. 153. Ea quæ in partes dividi non  
 ossunt, solida à singulis heredibus debentur*. In his enim  
 quæ alioqui inexplicabilia sunt, id eligendum  
 est, quod minimum habet iniquitatis, *l. quoties  
 sibil, supra eo*. Et ideo factū est, ut potius singuli  
 heredū in solidum teneantur (quod nemini no-  
 cet, cum qui solidum solvit, contra alios actio-  
 nem habet, *d. l. 2.*) quàm ut omninò nullus eo-  
 rum teneatur: quod futurū erat ex natura obli-  
 gationis, quæ in singulos pro portionibus inci-  
 dere non poterat, utpote individua.

## AXIOMA CIII.

*De obligationibus ex consensu.*

Consensu fiunt obligationes in emptionibus & venditionibus, locationibus & conductionibus, societatibus & mandatis, quæ substantiam ex solo per se consensu capiunt, nec opus est vel rei vel verborum intercessione vti nascatur obligatio, ideoq; etiam consensu fieri dicuntur, *l. 2. de act. & oblig.*

## AXIOMA CIIII.

*De emptione & venditione.*

Emptio contracta est, simul atque de pretio convenerit. Est autem pretium, pecunia numerata, æstimationi ipsius rei venditæ proportionem respondens, *d. l. de contrah. emp.* à vetere verbo petere, quod est petere: nomen habens, quasi videlicet illud pro re venditor soleat petere ab emptore. Vnde si non tantum de æstimatione rei præstanda agatur, quam ut emptionis contractus solenniter ob aliquam utilitatem repræsententur, tum non vera emptio, quia nec verum pretium, sed tantum imaginaria dicitur esse contracta: quæ in emancipationibus, *§. præterea, quib. mo. ius pa. pos. sol.* olim & testamentis condendis, *tit. de test. ord. in prin. in Inst.* ubi familiæ emptor intercedebat, utebantur. Vbi ergo pretium intercedit, vera emptio est, non imaginaria: Hinc Paulus, *Reg. 16. Imaginaria venditio non est, pretio accedente.* An autem

tem imaginaria differat à simulata, acris est inter Doctores cōtentio. In eo conquiesco, quòd differat. De locatione nullæ sunt regulæ: proxima est Societas,

### AXIOMA CV.

#### *De societate.*

Sed & societas mutuo sociorum consensu contrahitur: vnde pluribus in eadem societate invicem coniunctis, si quis citra meam voluntatem aut consensum admittat alium, is ei socius erit qui eum admisit, mihi non erit, *l. qui admittitur, l. nam socj, pro socio*. Vnde Ulpianus, *Reg. 48. §. final. Socj mei socius, socius meus non est*, nimirum, quia in societatem eius non consensit.

### AXIOMA CVI.

#### *De mandato.*

Hic primùm de formulis mandati: tum de duplici mandato tractabimus, expresso videlicet & tacito. Tertia cura erit de vi & effectu mandati. Postrema de rebus quæ mandari possint aut non possint,

### AXIOMA CVII.

#### *De formulis mandati.*

Mandatum, inquit Imp. *in prin. tit. de manda.* contrahitur 5. modis. Nam vel sua tantùm

H 5 gratia

gratia aliquis tibi mandat, vel sua & tua: vel aliena tantum, vel sua & aliena, vel denique tua & aliena. At si tua tantum gratia tibi mandatum sit, magis consilium est, quam mandatum, & ob id non est obligatorium, & hoc est quod ait Canon: *Can. 62. Nullus ex consilio, dummodo fraudulentum non sit, obligatur.* Etiam si non expediat ei, cui mandabatur, cum liberum sit cuique apud se explorare an sibi expediat consilium, *l. i. manda. & d. tit. de mandato, in prin.* Tantundem est in illo Ulpiani responso, *Reg. 48. Consilij non fraudulentum, nulla est obligatio: Caterum, si dolus & calliditas intercesserit, de dolo actio competit.* Dolus enim nunquam debet esse impunitus, *l. contractus, hoc tit.*

### AXIOMA CVIII.

*De duplici mandato, tacito & expresso.*

Est mandatum quod fit expressis verbis, volo, rogo, mando, aut similibus, *d. l. i.* (dum tamen non sint commendatoria, *l. si vero non remunerandi, §. cum quadam, d. tit. manda.*) Est tacitum, *l. si remunerandi, §. si passus, d. tit.* quod fit, vel per patientiam, vel per rati habitionem.

### AXIOMA CIX.

*De mandato quod per patientiam inducitur.*

Ait Ulpianus, *Reg. 61. Semper qui non prohibet pro e intervenire, mandare videbitur. Quemadmodum & alias*

& aliàs tacentem pro consentiente dicimus, c.  
qui tacet, hoc tit. in 6.

### AXIOMA CX.

*De ratihabitione.*

Ait Paulus, D. Reg. 61. vers. 1. *Sed & si quis ratum habuerit, quod gestum est, obstringitur mandati actione.* Et in Canonibus, Can. 10. *Ratihabitionem retrahi & mandato non dubium est comparari.* In effectu videlicet, nam aliàs differunt, cùm mandatum semper antecedit negotium. Ratihabitione verò sequatur: Et iterum aliena negotia possint mandari, non item per ratihabitionem comprobari. Vnde in Canonibus, Can. 9. *Ratum quis habere non potest, quod ipsius nomine gestum non est.* Incivile est enim miscere se rei ad se non pertinenti. l. culpa. hoc titu. Quod autem aliena negotia mandari possint, l. 1. mand. id idè est, quòd in his quæ naturalia sunt, & Iuris gentiũ (quale est mandatum) intersit hominis hominem affici beneficio, l. servus de ser. expor. Quod in ratihabitione non perinde obtinet, quæ merè civilis est, & veluti ex fictionibus conflata, propter illam de qua prius dictum est, retrotractionem, cap. ratihabitionem, suprà eo.

### AXIOMA CXI.

*De vi & effectu mandati.*

Maximus & potentissimus mandati effectus in eo est, vt negotium ab alio factum, perinde re-

de repræsentet, atq; si ille ipse fecisset, qui mandavit. Huc pertinet ille Canon, *Can. 82. Qui per alium facit, perinde est, ac si faciat per seipsum.* Est exemplum idoneum in Pandectis de solutione per alium facta, *Reg. 141. Quod iussu alterius solvitur, pro eo est quasi ipse solvisset, vel ipsi solutum esset, l. qui mandat. l. cum iussu, de solutio,*

### AXIOMA CXII.

*Quæ res aut negotia mandari possint.*

Quæ per se quisq; facere potest, eadem & mandare potest, ut suo nomine faciat alius. Hinc Canon, *Can. 68. Potest quis per alium, quod potest facere per seipsum.* Quod ex utilitate receptum est, *l. 1. §. usus de procurat.* ut qui per impedimenta rebus suis intendere non possunt, aliorum opera & officio subleventur, §. *per quas perso. agere poss.* Hinc à contrario sensu statim illa sequitur regula, *Can. 67. Quod alicui suo nomine non licet, nec alieno liceat: & Reg. 50. quod, Alterius circumventio alij non præbet actionem.* Nam quod una via prohibetur, ad id non debet quis alia via admitti. c. *cum quid una via, de Reg. in 6.* Unde si Titius de furto, damno aut injuria facienda tibi mandet, licet impleveris mandatum, & poenam illius facti nomine præstiteris, non tamen ullam adversus Titium habebis mandati actionem, qua quod præstitisti recuperes. Nam (ut inquit Caius, *Reg. 47.*) *Quod à quoquam poena nomine exactum est, id eadem*

*idem restituere nemo cogitur.* Tū quòd de se queri debeat, non alii imputare, qui rem illicitam & ad quam non erat vlla juris vinculo obligatus, tentaverit: tum quòd qui suam ipse turpitudinem allegat in iudicio, indignus sit vt audiatur, *l. mercalem, C. de cond. ob tur. caus.* Adde neminem videri damnum sentire, qui id sua culpa sentit, *l. quod quis ex sua, hoc tit.*

### AXIOMA CXIII.

*Quarta divisio obligationis, nimirum ab accidente.*

Quemadmodum in hominibus illa sunt accidentia, conceptum tantum & in vtero esse: aut editum esse: aut esse perfectum & iustæ ætatis, *tit. de st. s. ho. in Pand. in prin.* Ita & in obligationibus, quarum aliæ conditionales sunt, aliæ in diem, aliæ deniq; puræ & perfectæ, *§. omnis stipulatio. de verb. obli.* Nam quæ conditionales sunt, homini concepto & nondum nato comparantur, promiscuè scilicet & indifferentes in utrumq; casum, *§. sub conditione, d. tit.* Nam si exiterit conditio, iam nata dicetur: si defecerit, tum velut partus abortiens, extinguetur, & ne fuisse quidem vnquam existimabitur, *arg. l. 1. §. si quis, vnde cogn.* In diem verò obligationes, homini iam edito & nato sunt similes, quæ perfectionem demum consequuntur, cùm dies venerit, *l. cedere diem, de verb. signifi.* Pura obligatio illi si-

illi similis est, qui iam nunc ad ætatem iustam  
& perfectam pervenit.

### AXIOMA CXIIII.

#### *De pura obligatione.*

Purè, inquit Imper. d. §. *omnis*, obligatio contrahitur, hoc modo: Quinq; aureos dare spondes, idq; confestim peti potest, vt testatur illa Pomponii regula: Reg. 14. *In omnibus obligationibus, in quibus dies non apponitur, presenti die debetur.* Quamvis humanitatis interpretatione cum temperamēto quodam id accipiendū sit, l. *quoad dicimus, de Solutio.* quod magis intellectu percipi, quàm verbis exprimi potest, neq; enim statim quod licet, etiam est honestum, l. *non omne hoc tit.*

### AXIOMA CXV.

#### *De obligatione in diem.*

Ait Imper. d. §. *omnis*. Quod in diem debetur, statim quidem debetur, sed peti priùsquàm dies venerit, non potest: at ne eo quidem ipso die, in quem stipulatio concepta est, peti potest, quia totus is dies arbitrio soluentis tribui debet. Cum quo convenit illud Celsi Iureconsulti: Reg. 147. *Nihil peti potest ante id tempus, quod per rerum naturam solvi possit: vt cum solvendi tempus obligationi additur, nisi eo tempore præterito, peti non poterit.* Rationem dat Imper. quia non est certum eo die, in quem promissum est, solu-



tum non esse, priùsquam is præterierit: atq; ita  
 tempus adiectum stipulationi, potest quidem  
 suspendere actionem, *d. l. cedere diem.* quæ in fa-  
 cto & exercitio consistit: obligationem verò  
 minimè, quæ in jure consistit: Neq; enim tem-  
 pus est modus tollendæ aut inducendæ obli-  
 gationis, *l. obligationum ferè, §. placet de actio. & obl.*  
 Illud autem quod dicit Impe. neco ipso qui-  
 dem die, in quem concepta est stipulatio, peti  
 posse, indicat tempus ad favorem debitoris  
 pertinere. Vt & illa Pauli regula testatur: *Reg. 17.*  
*Cum tempus in testamento adijcitur, credendum est*  
*pro herede adiectum, nisi alia mens fuerit testatoris: Si-*  
*cut in stipulationibus promissoris gratiâ tempus adijci-*  
*tur.* Tùm quia favorabiliores sunt rei, quàm a-  
 ctiores, *l. favorabiliores hoc tit.* tùm quia contra  
 eum fit interpretatio, qui legem potuit aper-  
 tius dicere, quemadmodum in superioribus  
 est declaratum, *lib. 1. axi. 25.*

## AXIOMA CXVI.

### *De obligatione conditionali.*

Conditionalem obligationem priùs dictum  
 est, simile ei esse, qui adhuc in vtero est, vt quia  
 fieri potest vt existat cōditio, sicq; nascatur ob-  
 ligatio, fieri etiam potest in alteram partem, vt  
 cōditio deficiat, & sic nec obligatio existat, *d.*  
*§. sub conditione,* Partiemur autem huius ar-  
 gumenti tractationem in tria præcipuè  
 capita,

capita, nimirum: Quis sit effectus obligationi  
 conditionalis: tum quod tempus spectetur i  
 conditionibus: tertio de implemento condi  
 tionis, & quomodo committatur stipulatio  
 Nunc ad singula.

### AXIOMA CXVII.

#### *De effectu conditionalis obligationis.*

Vis & effectus conditionis est, ut suspendat  
 & differat obligationem in aliquem casum  
 & tantum relinquat spem debitum iri, §. *ex con  
 ditionali. de verb. obl.* Hinc illud Iuliani, Reg. 130.  
*final. Quod pendet, non pro eo est, quasi sit.* Pendet  
 autem dicitur, quod neque in totum rejicitur  
 propter spem videlicet, quæ subest, *l. qui in vtero  
 de sta. hom.* neque etiam pro constituto habetur  
 quia videlicet sit verum adhuc non esse. Habet  
 autem conditio à condendo nomen, quod  
 scilicet rem vel in hanc, vel in illam partem  
 condere possit: ita ut revera nondum sit delictor,  
 qui sub conditione promisit, quamvis inter  
 tem verum sit eum esse obnoxium, *l. credi  
 res, de verb. signi.* quemadmodum nec revera habet  
 mo est, qui adhuc in utero est, *d. l. i. unde  
 cog.* sed tantum spes est exiturum, si  
 non abortiat mater.

## A X I O M A C X V I I I.

*Quod tempus spectetur in conditionibus.*

Ait Paulus, Reg. 187. §. final. In stipulationibus id tempus spectatur, quo contractum est. Exemplum regulæ est in illo Papiniani responso, Reg. 19. Si filius f. sub conditione stipulatus, emancipatus fuerit, deinde extiterit conditio, patri actio competit, quia in stipulationibus id tempus spectatur, quo contrahimus. Est enim stipulatio Iuris, in quibus semper spectamus initia, l. si filius f. de verb. obl. adeò ut si quis (exempli gratia) cum servus esset, stipulatus sit sub conditione aliquid sibi dari, & eo liberto facto existat conditio, nihilo magis tamen ei stipulatio in servitute facta est profutura. Quò pertinet illud Pauli Iureconsulti responsum, Reg. 189. Quod quis cum servus esset, egit, proficere liberto facto non potest. Item & illud quod ait Paulus, Reg. 181. §. final. Nunquam ex post facto crescit præteriti delicti æstimatio. Præteritum delictum vocat Paulus delictum iam semel natum, & forma sua consummatum: quod autem ex post facto crescere non possit, rationem in eo esse crediderim, quòd in his quæ Iuris sunt, semper spectamus initia, d. l. si filius f. unde etsi ad plures finibus ab origine deferri tutela possit, §. si. de legit. g. tute. ex post facto tamen crescere numerus & augeri non potest, §. interdum, de Curator. manente interim eadem tutela, quæ fuit antè.

I — Nam

Nam si insuper alium addas prioribus, iam non eadem tutela quàm prius, sed in specie videbitur alia. Secus est in legatis, in quibus id tempus spectatur demum quo ea cadunt, nam ex eo tempore juris conditione tinguntur, antea facti magis sunt, quàm juris, arg. l. interdictum, de prece. Vnde Pomponius, Reg. 18. *Quæ legata mortuis nobis ad heredem nostrum transeunt, eorum commodum per nos ijs, quorum in potestate sumus, eodem casu acquirimus: aliter atque quod stipulari sumus. Nam & sub conditione stipulantes, omnimodo eis acquirimus, etiam si libertatis nobis domini potestate, conditi existat.* Differentiæ rationem paulò antè diximus.

### AXIOMA CXIX.

*De implemento conditionis, & quomodo committatur stipulatio.*

Impleri conditiones possunt vel re ipsa, vel repræsentatione, ut prius attigimus. Vnde et iud. Vlpiani, Reg. 135. *Qui potest facere ut possit e conditioni parere, iam posse videtur.* Planè committi stipulatio dicitur, quæ in ambiguo & suspensæ hærens, ad aliquem exitum, seu hunc, seu illum deducitur, & sic intelligendum est illud Vlpiani, Reg. 122. *In iure civili receptum est, quotiens per eum, cuius interest conditionem non impleri, fit quo minus impleatur, perinde haberi, ac si impleta conditio fuisset: quod & ad libertates & legata, & ad hereditum institutiones perducitur.* Quibus exemplis stipulationum

tionem quoq; committuntur, cum per promissorem factum esset, quo minus stipulator conditioni pareretur.

### AXIOMA CXX.

#### *De vitiis contractarum obligationum.*

Obligationes vitiantur, vel à re ipsa in stipulationem deducta: vel à personis contrahentium: vel deniq; ab invtili conceptione, ut latè ex illo titulo cognosci potest, quem Imp. in Institutionibus de invtilibus stipulationibus edidit.

### AXIOMA CXXI.

#### *De obligationibus vitiosis ob rem ipsam.*

Fieri potest, ut ea quæ in contractum deducuntur, vel nullius sint, hoc est in commercio non habeantur: vel in rerum natura non sint: vel factu sint impossibilia: vel deniq; turpia, dicitur de invtil. stip. in Inst. de quibus omnibus dictum est prius ad tractatum regularum generalium, sub capite de Natura, lib. 1. axio. 11. & 12: quæ hîc brevitatis gratia pro repetitis habemur.

### AXIOMA CXXII.

#### *De vitiosis obligationibus ob personam contrahentium.*

Si enim pupillus, furiosus, mutus, surdus stipulentur, aut contrahant, ex his quæ antecesserunt, lib. 1. sub. si. promptum est discere, cur negotium, quod agitur, & quando non teneat, hîc non repetemus.

## AXIOMA CXXIII.

*De obligationibus vitiosis ob inutilem  
conceptionem.*

Regulare est, stipulationes, pacta & contractus inventos esse, ut sibi quisque acquirat, non verò ut alteri, §. alteri, de inut. stip. ar. l. actionum, §. 1. in verb. sui lucri gratia, de actio. & oblig. Vnde Ulpianus, Reg. 74. §. final. Nec paciscendo, nec legem dicendo, nec stipulando quisquam alteri cavere potest. Nam, ut inquit Paulus, l. quaecumque gerimus, d. tit. quaecumque gerimus, cum ex nostro contractu originem trahunt, nisi ex nostra persona initium obligationis sumant, inanem nostrum actum efficiunt: ex facto enim ius oritur, l. si ex plagis, §. in clivo, ad leg. Aquil. facta autem sunt personalia. Non potest ergo aliunde initium capere obligatio, quam ex persona eius qui contractum (qui facti est) perfecit.

## AXIOMA CXXIV.

*Contracta obligatio quomodo finiatur?*

Hic iam de modis finiendarum obligationum est differendum: quod accidit vel specialiter, per Solutionem nimirum, Acceptilationem & Novationem: vel in genere, Contrario jure videlicet.

## AXIOMA CXXV.

*De solutione.*

Solutione eius quod debetur, inquit Imp. in  
prin.

*prin. tit. quib. mod. tol. oblig. in Instit.* omnis tollitur obligatio, idq; funditus & ipso jure, propterea quòd solutio, etsi per se sit facti, *l. consilio, in fi. de curat. furios.* adoptat tamen juris conditionem ex causa civili & legitima, in quam reciprocatur. (vt aliàs ostendemus *ad tracta. de iure & facto.*) Planè nonnunquam accidit, vt non tam ipso jure contingat liberatio, quàm ex æquitate, videlicet, si quis sub conditione debitor, antè solvat quàm extiterit conditio: qui non potest videri se ab obligatione liberare, vt qui nondum sit obligatus, privatio enim præsupponit habitum, *l. decem. de ver. obl.* & ideò jure stricto, post conditionem videbatur quòd iterum exigi idem posset, nisi reclamaret æquitas & bona fides. Et hoc est, quod voluit ille regulæ, tum in Canonibus, *Can. 38. Bona fides non patitur, vt semel exactum iterum exigatur*, tum in *π. Reg. 58. Bona fides non patitur, vt bis idem exigatur.* Simile est quod in individuís ad singulos heredũ obligatio transit in solidum, *l. ea quæ in partes, hoc titu. v.* no tamen eorum solvente, liberantur omnes, non tam ipso jure, quàm per exceptionem, *l. 2. de ver. oblig.*

## AXIOMA CXXVI.

### *De acceptilatione.*

Acceptilatio, inquit Imp. *§. item, quib. mo. tol. oblig.* est imaginaria solutio, in qua brevi quodammodò manu sub imaginibus solennium

recta est & solutio & donatio: solutio quidem, cum debitor creditori soluisse fingitur quod debebat: donatio verò, cum rursus creditor eandem rem, quam acceperat, debitori remittit, & veluti nullo jure cogente donat. Quo al-  
ludit illud Pauli, Reg. 116. *Si quis obligatione libera-  
tus sit, potest videri accepisse.*

### AXIOMA CXXVII.

#### *De novatione.*

Novatio apud Vlpianum, l. 1. de novatio. est prioris debiti in aliam obligationem translatio, vel civilem, vel saltem naturalem, hoc est, Iuris gentium, quam solam, non verò merè naturalem, l. nec servus, de pecu. & l. quod attinet, hoc ti. in jure agnoscimus. Quæ ergo in naturalem tantum commigravit obligatio, non tam novata est, quàm sublata & extincta, Sed hinc nullæ sunt regulæ,

### AXIOMA CXXVIII.

#### *Quomodo generaliter & contrario jure tollatur obligatio.*

Ait Paulus, Reg. 196. Ferè quibuscumq, modis obligamur, iisdem in contrarium actis liberamur. Consumitur enim contrarium à contrario, §. si. quibus, mo. tol. obl. l. ab emptione, de pact. & ex utriusq; in vicem concursu medium exoritur: In civilibus quidem tranquillitas: in naturalibus sanitas: in moralibus virtus. Ideò ferè dixit Paulus, quòd



quòd quædam obligationes, licèt duorum cō-  
sensu coierint, vnius tamen voluntate, invito  
etiam altero diffiliunt, vt Societas, §. *manet*, de  
*societa.* & Mandatum, §. *rectè*, de *mand.* quamdiu  
enim non interest alterius, facilè fit, vt locus  
pœnitentiæ sit. Quod secus est in aliis contra-  
ctibus, vbi plerumq; statim post contractum  
negotium definit res integra esse, & alterius  
vel vtriusq; interesse: ideoq; nec dissolui posse  
contractum, *l. sicut*, C. de *act. & obl.* maximè cùm  
sui lucri causa quisq; contrahat, *d. l. actionum*, de  
*act. & oblig.* Porro vt apta sit dissolutio, debet in-  
ter extrema esse proportio & analogia, & cor-  
rumpens ab eodem, velut ab hasta Telephi ve-  
nire, vnde corruptum. Hinc Vlpianus, Reg. 36.  
*Nihil tam naturale est, quàm vnumquodq; eo genere*  
*dissolvi, quo colligatum est: Ideòq; verborum obligatio,*  
*verbis tollitur: nudi consensus obligatio, contrario con-*  
*sensu dissolvitur.* Cui consentit illud Caii Iure-  
consulti responsum, Reg. 101. *Omnia qua iure con-*  
*trahuntur, cōtrario iure pereunt.* Intellige æquè po-  
tenti, vt scilicet non solum in genere sit pro-  
portio, sed & in specie: vnde nec iustum pactū,  
licèt juris sit, *l. Stichum*, §. *naturalis*, de *solutio.* sti-  
pulationem tollit, *l. si vnus*, §. *pactus*, de *pact.* nec  
codicilli, qui & ipsi quiddam juris habent, vim  
testamēti evacuant, sed stipulatio stipulationē,  
& testamentum solenne, aliud non minus so-  
lenne perimit, §. 1. & §. *ex eo*, quibus. *mo. testament.*  
*ins. r. d. axio. vlt.* Sed de his rebus alius est lo-

cus, in primo libro inter capita regularum generalium, *axio. ult.* quibus vnicum illud Pomponii responsum adde, *Reg. 8. Iura sanguinis nullo iure civili dirimi possunt*: nimirum, quia non habeant ea quæ juris sunt, imperiū in ea quæ sunt facti, *d. 5. pactus*. Nam quis nescit iura sanguinis in facto versari, cui nulla est cum jure analogia vel proportio.

### AXIOMA CXXIX.

*De his quæ in contractum incidunt.*

Cū de contractu quæritur, quid in eum veniat, quidq; præstari à contrahentibus debeat, in primis videndum est quid sit actum, quemadmodum in stipulationibus, *l. semper in stipulationibus, hoc tit.* Nam illud, vulgatissimum est quod ait Canon, *Can. 85. Contractus ex conventionione legem accipere dinoscuntur*. Si nihil sit actum, hoc est nihil inter contrahentes de ea re convenit, tum ad cuiusq; contractus naturam & indolem confugiendum est. Nam etsi tria præcipuè sint quæ in hanc quæstionem veniant, dolus, culpa, casus, non tamen omnia hæc in omnes contractus, sed in aliis aliter atq; aliter præstantur, ut eleganter Caius ostendit, *Reg. 24. Contractus quidam dolum malum duntaxat recipiant: quidam & dolum & culpam. Dolum tantum, depositum & precarium: Dolum & culpam, mandat, commodatum, venditum, pignori acceptum, locatum. Item dotis datio, tutela, negotia gesta: in his quidam & diligentiam.*

*Societas,*

*Societas, & rerum communio, & dolum & culpam recipit. Sed hoc ita, nisi quid nominatim convenit, vel plus, vel minus in singulis contractibus, nam hoc servabitur, quod ab initio convenit (legem enim contractui dedit,) excepto eo quod Celsus putat, non valere si convenit ne dolum præstetur: hoc enim bonæ fidei iudicio contrarium est, & ita vitimur. Animalium verò casus mortesq, quæ sine culpa accidunt, fugæ servorum qui custodiri non solent, rapinæ, tumultus, incendia, aquarum magnitudines, impetus prædonum, à nullo præstantur. Duo sunt extrema dolum & casus: quorum hic à nullo præstatur, quia vitari humanitùs non potest: ille, ab omnibus, quia turpis est, l. i. de dolo. Culpam verò cum eiusmodi sit, ut nec semper sit turpis, nec villo casu vitari non possit, fit ut interdum præstetur, arg. §. praterea, quib. mo. re. interdum verò nō, l. si ut certo, §. videndum, commodati. Nunc quædam de his seorsim videamus, dolo, culpa & casu.*

## AXIOMA CXXX.

### *De dolo.*

De dolo illa capita occurrent, quomodo committatur: tum quæ sint eius species. Ad prius quod attinet, animadvertendum est, ut dolum commissus dicatur, requiri & consilium & eventum. Hinc illa regula, Reg. 80. *Fraudis interpretatio semper in iure, non ex eventu duntaxat, sed ex consilio quoque consideratur.* Est enim consilium & voluntas nocendi, perinde forma delictorum, l. qui.

*iniuria, de furt. vt consensus cōtractuum, l. 1. §. pe  
de pact. Eventus verò est perfectio, non secus  
quàm scriptura consummatio emptionis est in  
scriptis celebrata, l. contract. C. de fide instru. & vin  
venditi degustatio. Consilio opponitur igno  
rantia: Eventuius. Hoc est, si quis aliquid faci  
quod eventu dolum appareat, ignorantia ta  
mē impedit, quò minus id in dolum imputetur.  
Vnde Vlpianus, Reg. 138. §. final. *Nemo videtur in do  
lo esse, qui ignorat causam cur non debeat petere.* Nihil  
hic distinguo, facti ne an iuris sit ignorantia, l.  
qui in alterius, hoc tit. nam illud vsitatū est, quò  
et si aliàs iuris error nemini sit veniabilis, à dolo  
tamen præstet excusationē, l. sed et si, §. scire, de pe  
tit. her. l. si quis id quod, de iuris d. Contrà, si quis ma  
ximè fraudandi animo ad aliquid accedat, evē  
tus tamen non respondeat consilio, & invenia  
tur quod factum est, fieri potuisse, cessat dolo.  
Hinc illa Regula, Reg. 36. *Nullus videtur dolo facere  
qui iure suo utitur.* Sæpè enim quod sui iuris tuēdi  
gratia quisq; facit, id alteri nocet, l. si finita, §. no  
tandū, de dam. infe. l. in summa, §. it ē. de aq. plu. tum in  
his quæ diximus, tum etiā in iis quæ stricto qui  
dē iure peti possunt, quamvis exceptione elidi  
queant, l. purè, de doli excep. Vnde illud Vlpiani  
Reg. 20. *Nō solet doli exceptio nocere iis, quibus volunt as  
testatoris non refragatur.* Alioqui verò generaliter  
qui petit, q̄ p exceptionē elidi potest, certū est  
eū doli mali exceptioni statim fieri obnoxium,  
l. 2 §. & generalis, d. tit. Non dissimile est illud Pau  
li, Reg.*

1. Reg. 172. *Nihil dolo creditor facit q. suū recipit: quē-*  
*admodum nec q. iussu iudicis aliquid facit. Ut*  
*in Canonibus, Can. 24. Quod quis mādato iudicis fa-*  
*cit, dolo facere non videtur, cū habeat parēre necesse.*  
 Sæpè enim necessitas, etiā detracta iudicis au-  
 toritate, eximit doli suspicionē, l. qui cū maior,  
 §. si pater, de bo. liberto. Cui simile est illud in 7. Reg.  
 28. §. fina. *Qui iussu iudicis aliquid facit, non videtur do-*  
*lo facere, quia parēre necesse habet: si videlicet iusta*  
*sint, quæ iudex iubet & licita, l. prohibet. C. de iur,*  
*isci. alioqui ea quæ fiunt à iudice, si ad eius offi-*  
*cium non spectant, viribus non subsistunt, c. ea*  
*quæ hoc tit. in 6.*

### A X I O M A CXXXI.

#### *De speciebus doli.*

Doli species sunt duæ, nam vel in faciendo  
 cōsistit dolus, vel in nō faciendo seu omittēdo,  
 De vtraq; specie seorsim ac separatim dicamus.

### A X I O M A CXXXII.

#### *De dolo, qui factō committitur.*

Facto, multis modis committitur dolus, &  
 inter alios, calumniosa aēione, vnde Iulianus;  
 Reg. 134. §. final. *Dolo facit, qui petit quod est restitu-*  
*turus. Et in Canonibus, Can. 59. Dolo facit qui petit*  
*quod restituere oportet eundem. Ut si ab eo cui te-*  
*stator liberationem legavit, heres petat, vide-*  
*tur legatum celare voluisse, l. si testamento, de*  
*fideiusso. l. 2. de lib. lega. Vtique qui scit non iure se-*  
*cum agi, nec de dolo adversarii excipit, hic*  
 de se

de se queri debet, efficitque ut consilio adve-  
sarii doloso absit eventus. Nam ut ait Cano-  
*Can. 27. Scienti & consentienti non fit iniuria neq, d-*  
*lus: & iterum, Nemo videtur fraudare eos, qui sciunt*  
*& consentiunt:* Vnde nec furtum fit, nisi invito  
domino, *l. 1. de furt.* nec iniuria, nisi molestè fe-  
renti, *§. ult. de iniuria.* alioqui non est cuius inter-  
sit, *§. sed et si cred, de obl. ex malef.* & sic ut dixi, re-  
caret eventus.

### AXIOMA CXXXIII.

*De dolo qui omittendo, seu per contu-  
maciam fit.*

Ait Iavolenus, *Reg. 160. Non potest dolo carere*  
*qui imperio magistratus non obtemperat.* Et hinc sunt  
illa edicta Prætoria: Si quis ius dicenti non ob-  
temperaverit: Si quis in ius vocatus non ierit, &  
taliam multa.

### AXIOMA CXXXIV.

*De culpa.*

Eadem culpæ distinctio est, quæ doli: nam al-  
ia facti est, alia negligentia seu contumacia.  
Quas species, licet obscurius, & velut sub æni-  
gmate, complexus est hoc responso Paulus, *Reg.*  
*164. Qui non facit quod facere debet, videtur facere ad-*  
*versus ea, quæ non facit. At qui facit quod facere non de-*  
*bet, non videtur facere id, quod facere iussus est.* Paria  
sunt enim vel omninò non facere, vel facere  
qui-

quidem, sed sic ut non oportet, l. 1. §. pen. quo. le-  
at. & econtra.

### AXIOMA CXXXV.

*De culpa quæ facti est.*

Ait Pomponius, Reg. 37. *Culpa est immiscere se  
rei ad se non pertinenti.* Et in Canon. Can. 19. *Non est  
ne culpa, qui rei, quæ ad eum non pertinet, se immiscet.*  
Quod merè civile est, ne scilicet discordiarum  
mina illincin Repub. excitentur, l. cum pater  
ulcissimus, de leg. 2. Alioqui verò in naturalibus,  
in his quæ iuris gentium sunt, interest homi-  
nis, hominem affici beneficio, l. servus. de ser. ex-  
man. Et inde est, quòd mandari quidem aliena  
negotia possint, l. 1. mand. alteri verò stipulatio  
eri non possit, l. stipulatio ista, de verb. oblig.

### AXIOMA CXXXVI.

*De culpa contumacia ac ignavia, seu  
de Mora.*

Hoc culpæ genus quod per ignaviam & ne-  
ligentiam committitur, ut plurimum Mora  
locatur in iure, cuius tractationem hîc in ali-  
quot capita deducemus: Quomodo mora con-  
trahatur: tum quid excuset à mora: postremò  
quoque de moræ vi & effectû. Nunc ad singula.

### AXIOMA CXXXVII.

*Quomodo mora contrahatur?*

Mora (inquit Vlpianus, l. mora, de vsur.) fieri  
intel-

ligitur non ex re, sed ex persona, hoc est, per sonali petitione, seu interpellatione. Vnde Scavola, Reg. 89. *Nulla intelligitur ibi mora fieri, ubi nulla petitio est* : hoc est, nulla interpellatio, quæ in contractibus quidem bonæ fidei etiam extra iudicium facta, morosum reddit debitorem, *d. mora, §. in bonæ fid.* in strictis verò iudiciis non nisi in iudicio facta sit, *l. vinum, si cer. peta.* adeò ut quod in illis bonæ fidei exuberantia potest, id in his litis contestatio, *l. videamus, d. tit. de usur.*

### AXIOMA CXXXVIII.

#### *Quid excuset à mora.*

Excusat à mora, iusta causa solutionis differendæ, quæ multæ possunt incidere, qualis est probabilis ignorantia. Vnde Venuleius, Reg. 100. *Non potest improbus videri, qui ignorat quantum debeat solvere.* Id enim in primis requirit Iureconsultus ad moram committendam, ut debitor ex iusta causa intelligat se dare oportere, *l. quod tibi cer. peta. & quantum sit illud.* Qui ergo credens se non debere, litigare maluit quàm solvere, non est in mora, *l. nemo rem suam, de ver. oblig.* Quod Iulianus voluit, cum ait, Reg. 64. *Qui sine dolo male provocat, non videtur moram facere.* In eadem conditione est, qui extra has causas iustam habet exceptionem, qua se tueatur, unde in Canonibus Can. 60. *Non est in mora, qui potest exceptione legitime se tueri.* Exceptio enim licet tollat obligationem *§. de exceptione in Instit.* facit tamen ut nihil viri

contra



contra debitorem habeat, nullusque momenti sit petitio, *l. nihil interest hoc tit.* iam verò qui conveniri non potest, multò magis à mora debet esse liber, quæ per petitionem & interpellationem contrahitur, nulla. *supra axio. 137.*

### AXIOMA CXXXIX.

#### *De vi & effectu moræ.*

Vis & effectus moræ in eo est, ut principalē obligationem augeat, tum ad vsuras, tum ad id, quod interest. Ad vsuras quidem, in contractibus bonæ fidei, in quibus post interpellationē etiā extraiudicialē veniūt vsuræ, *d. §. in bonæ fidei.* in strictis verò iudiciis minimè, nisi post litis contestationem, *d. l. vinū*, ad interesse verò semper, quoties damnum ex mora debitoris interpellati creditor accepit, *l. viriq., de recept. arbi.* Eoque casu, si plures sint qui conveniri possunt (ut in eo principali & fideiussore) nunquam tamen ex mora per unū eorum commissæ poterit alter in duriorē causam cōveniri, sed semper mora sua cuiq; est nociva, *Can. 25.* Est. n. mora facti, *d. l. mora*, & personalis, ita ut meritò in autorem suum perpetuò redundet, quemadmodum delicta: cum alioqui & mora sit quoddam veluti delictum, *Stichū, §. tamen si, de solutio.* & ludificatio adversarii, quæ nec lucro debet esse cuiquā, nec in aliterius quoq; iniuriā cedere. Adeò autem moræ autorem sequitur, ut ne quidē inter duos eos alteri⁹ mora noceat alteri. Vnde Vlpianus,

*Reg.*

*Reg. 134. §. penul. Vnicuique sua mora nocet, quod & duobus reis promittendi observatur. De quo tamen non leviter dubitari poterat, propter illam obligationis identitatem, qua tenentur, §. ex huius modi. de duob. reis. Sed hæc est eorum, quæ facti & personalia sunt natura, qualis est mora, ut personam non egrediantur.*

### AXIOMA CXL.

#### *De accessionibus obligationum.*

Accessiones obligationum maximè sunt tres: interesse, fructus & usuræ, *tit. de usur. fruct. & access. in Pand.* augēt enim obligationem propter ea, quòd eam ex intervallo maiorem faciant, ita ut cum principali obligatione possit eò amplius id quod interest peti (si modò intersit) aut fructus, si qui extiterint, aut denique usuræ, sint commissæ. De fructibus & usuris nullæ occurrunt regulæ, poterit tamen qui locos communes facturus est, hîc eis suum locum tribuere.

### AXIOMA CXLI.

#### *De eo quod intersit.*

Sed & id quod interest, contractam semper obligationem auget, adeò ut à plerisque, *ad l. stip. non dividuntur, de verb. oblig.* dubitatum sit, ut debeat interesse dici in obligatione esse, an verum tantum officio iudicis venire in condemnationem; quòd latiore requirebat inspectionem.

Nos hîc paucis naturam eius quod interest debentibus ad Paulum accedamus, qui ait, *Reg. 25. Quatenus cuiusq; interfit, in factò, non in iure consistit.* Et in eo diversa est vsurarum conditio ab eo quod interest. Nam quatenus vsuræ præstandæ sunt, id in iure consistit, nam nec ex quo vis contractu præstantur, nec semper æquè graves, *l. e. s., C. de vsuris*, sed ex alio atque alio contractu maiores, quemadmodum videlicet id à iure constitutum est. At verò eius quod interest, nulla certa regula in iure constituta est, sed quatenus quisq; ob moram adversarii, suâ interesse pro-arit, eatenus habet eum sibi vel duriore, vel le-iore conditione obligatum. Et hæctenus qui-em quantum ad œconomiam Regularum at-tinet, satis de obligatione dictum est, nunc de maleficiis & actionibus, de quibus quarto libro institutionum tractavit Imperator.

### AXIOMA CLXII.

#### *De maleficiis & actionibus.*

Quarta Institutionum Imperialium pars, ad uarum exemplum, quâ tum possibile fuit, tra-tationem regularum specialium comparavi-nus, continet maleficia & actiones. Cur autem Imper. iungere maleficia maluerit actionibus uâm obligationibus, *lib. 4. Insti.* puto inde esse, quòd cum actiones ex maleficiis ex factò na-cantur, *l. obligamur, vers. ex factò, de act. & obl.* non erò ex contractu aut obligatione, magis in eis

K

exerci-

exercitium ipsum actionis intueamur, quàm causam aut originem, eoque nomine actionibus similiores esse quàm obligationibus, quæ ex solo contractu, si propriè loquamur, veniunt. De maleficiis ergo priore loco dicamus. Quæ sint eorum positiones: Quot modis delicta committantur: Quæ præstent à delictis excusationem: Quomodo obligatio ex delicto contracta dissolvatur.

### AXIOMA CXLIII.

#### *De maleficiorum positionibus.*

Quemadmodum totius iuris in genere duæ sunt positiones, §. *fi. de iustit. & iur.* ita & maleficiorum: nam alia privata sunt, ut furtum, rapina, damnum, iniuria: alia sunt publica, vis, perculatus, & multa talia, de quibus toto titulo de publicis iudiciis apud Iustinianum, *tit. ult. li.* Privata quidem ex eo quòd privatim, nisi ei, cui interest, actionem pariant, nomen habent. Publica verò, quòd cuivis de populo libera sit eorum nomine persecutio, §. *1. de pub. iud.* Longum esset hîc omnes delictorum species persequi, quare obiter de illis dicamus, quæ circa regulam occurrunt.

### AXIOMA CXLIIII.

#### *De damno iniuria.*

Damnum iniuria fit, vel per dolum, vel per culpā, §. *iniuria, de leg. Aquil.* & ideo media voce  
fus el

us est Imp. in iniuriæ descriptione, quod scilicet non iure fit: potest enim is, qui culpa peccat, dici nō iure fecisse: quemadmodū suspectū vocat Imp. §. *suspectus autem, de suspect. tut.* nō eum tantū qui malè, sed etiam qui non ex fide administrat tutelam. Qua voce significatur etiam is qui in administratione tutelæ tantū culpa peccat. Inter cæteras autem culpæ species, quas in damno iniuria dato cōmemorat Imp. est imperitia, §. *imperitia, d. tit. de leg. Aqu.* Vnde Caius leg. 174. *Imperitia culpa annumeratur.* Vt quia scilicet ei qui imperitia damnum dederit, imputari possit quod se rei ad se non pertinenti immiscuerit, l. *culpa, hoc tit.*

### AXIOMA CXLV.

*De vi, & eo quod clam fit.*

Ait Ulpianus, Reg. 195. *Hoc iure utimur, ut quicquid omnino per vim fiat, id aut in vis publica aut privata crimē incidat.* Publica quidem quæ fit armis, ad g. l. *de vi pub. in Pand.* privata verò, quæ sine armis, l. *extat, quod metus cau.* idque nisi fallor quod armis erectis nō is tantū, cui quis comminatur, sed tota veluti Respub. contremiscat & cōturbetur. Vim autem elegāter describit Ulpianus, & distinguit ab eo quod fit clam, cū ait, Reg. 74. §. 2. *Vi factū videtur id, quod quisq. cū prohiberetur, fecit: Clam, quod quisq. cū controversiam speraret, fecit.* Extat de hac re titulus, in Pand. Quod aut clam,

## AXIOMA CXLVI.

*Quot modis delicta committantur.*

Delicta committuntur aut naturaliter, si furtum facit, qui ipse cōtrectat rem invito domino, *l. 1. de fur.* damnum iniuriâ, qui ipse damnum dat, *§. ult. de l. Aquil.* Aut per interpretationem, sic furtum committit, qui opem & cōsilium præstitit, *§. interdum, de ob. ex malefic.* lice non contrectarit, quemadmodum & aliàs sæp contingit, aliquid loco contrectationis fungi *l. qui tabulas, de furt.* sicque prudentum interpretatione furti actionem in eum competere. Cum simile est quod ait Ulpianus, *Reg. 130. Is damnus dat, qui iubet dare.* Et iterum alibi de vi. *Reg. 195. §. 1. Deiecit, qui vel iussit, vel mandavit, vel ratum habuit.* Sic & aliàs in eum qui suo corpore damnum dedit, directa datur ex lege Aquilia actio, quod scilicet ea species verbis legis sit comprehensa. In eum verò qui alio modo damnum dedit, ut in les actiones dari solent, quia videlicet directa verbis legis, ea species interpretatione prudentum sit addita, qua de re est elegans apud Iustinianum decisio, *d. §. ult. de leg. Aquil.*

## AXIOMA CXLVII.

*Quæ præstent à delictis excusationem.*

Excusant à delicto maximè tria: Iussus domini, cuius imperium nequeat servus detrahi. Et

rare. Alterum estius ipsum: Tertium & vlti-  
 mum, impotentia avertendi. De iussu domini  
 sic ait Vlpianus, *Reg. 199. Ad ea quæ non habent atro-*  
*ritatem facinoris, vel sceleris: Ut si servus vim ali-*  
*quam, vel domini vel iniuris dominici defen-*  
*sione fecisset, & fortè volentem ingredi fun-*  
*dum herilem prohibere, imprudens vulnera-*  
*ret. In his ignoscitur servis, ut scilicet non tenean-*  
*tur eo nomine aut cõveniri possint, cùm liber-*  
*tatem erunt consecuti, l. servus non in omnibus, de*  
*act. & obl. Si vel dominis, vel iis qui vice dominorum sunt*  
*veluti tutoribus & curatoribus) obtemperaverint.* In  
 atrocibus verò (ut si dominus hominẽ, aut fur-  
 cum fieri iussisset) non excusatur servus. Idque  
 tam diversimodè, quòd in his, quæ à iure civili  
 reprobata sunt, non habeat servus parère ne-  
 cesse, *l. prohibitum, l. defensionis, C. de iur. fisci.* In illis  
 verò, quia civiliter ad defensionem vel domini  
 vel rerum dominicarum tenetur, non potuit  
 non iubenti domino servus obtemperare. Vn-  
 de si in ea defensione aliquem vulneret, etiam si  
 defensio debeat esse moderamine inculpatæ  
 tutelæ temperata, *l. 1. C. vnde vi.* tamen ob iussu  
 domini penitus ab omni culpa absolvitur. Vn-  
 de Vlpianus, *Reg. 130. §. 1. Eius verò nulla culpa est, cui*  
*parère necesse est.* Nam, ut inquit Cicero, *in orat.*  
*pro P. Quinctio.* Omnes, quorum in alterius manu  
 vita posita est, sæpius illud cogitant, quid possit  
 is, cuius in ditione & potestate positi sunt,  
 quàm quid debeant facere. Altero modo dixi-

mus, ius ipsum à delicto præstare excusationē. Vnde Paulus, *Reg. 197.* *Non videtur vim facere, qui iure suo utitur, & ordinaria actione experitur.* Quemadmodū & aliàs iustè possider, qui autore Præ-  
tore possidet, *liustè, de acq. poss.* & qui damnum alicui, iure suo vsus, dedit, non potest videri damnum dedisse. Hinc illud Pauli, *Reg. 194.* *Nemo damnum facit, nisi qui id fecit, quod facere ius non habuit.* Sunt enim illa, damnum, vis, iniuriæ vocabula, cui nunq̃ societas est cū iure: qui ergo iure suo utitur, nec damnum, nec vim facit. Tertium caput, quo à delictis præstatur excusatio, est Impotentia avertendi: vnde Ulpianus, *Reg. 101.* *Culpa caret, qui scit, sed prohibere non potest.* Et Paulus, *Reg. 110.* *Nullum crimen patitur: hoc est, extra causam delicti est, qui non prohibet, cum prohibere non possit.* Nemo enim ad impossibile obligatur, *l. impossibile, hoc tit.* alioqui verò iure naturæ, qui socium (vt inquit Cicero, *in officiis*,) non defendit, nec obsistit si potest iniuriæ, tam est in vitio, quàm si parentes aut amicos deserat.

### AXIOMA CXLVIII.

*Quomodo obligatio ex delicto contracta dissolvatur.*

Quemadmodum in civilibus solutione eius, quod debetur, omnis tollitur obligatio, *tit. quib. mo. tol. ob in princip. in Instit. ita & in criminalibus; quæ vt præter rem aut damnum datum,*



um, continent eo ampliùs etiam pœnam, §. *omnes autem actiones, de acti. in Instit.* ita duplex est ratio tollendæ obligationis ex maleficio, vna facti, altera iuris. Facti quidẽ, cùm de restitutio-  
e eius rei agitur quæ abest alicui, arg. *l. in honorariis, de actio. & oblig.* (id autem abesse dicitur, in quo quis est læsus.) Hinc ille Canon, *Can. 4. eccatum non dimittitur, nisi restituatur ablatum.* Altera ratio est iuris, quæ proprio nomine pœna appellatur, *l. servus, de ser. exportan.* eaque rursus in Canonicam discedit & civilem, aliter enim Canones delicta cœrent, aliter leges. Sed de singulis seorsim, & quidem in primis de pœnis.

### AXIOMA CXLIX.

#### *De pœnis.*

Elegans & magni vsus est illa iustitiæ distinctio in commutativam & distributivā, *Arist. lib. Ethicor.* quarum illa quidem in contractibus, *l. 1. de contrab. empt. & iudiciis, l. 2. C. de rescind. ven.* Arithmetica proportionem & analogiam regendis, hac verò in munerum, *l. munerum, & l. 2. de mu. & honor.* & honorum distributione, item in pœnarum *l. nulli, C. de sum. trin.* irrogatione utimur, in quibus non quidem eodem tenore omnia dispensantur, sed secundum cuiusque vel ætatem, vel gradum, vel ordinem, sexum aut dignitatẽ: aliæ enim dignitates senibus, aliæ iunioribus, aliæ doctis, aliæ indoctis decernuntur: & si pœna exi-

genda est, non omnes, inquit Arrianus, *l. non omnes. de re milita.* desertores similiter puniendi sunt, sed habetur ratio & ordinis, & stipendiorum, & gradus & militiæ. Cui non est illud ab simile, quod hîc ait Paulus, *Reg. 109. Quod ferè in omnibus pœnalibus iudiciis & ætati & imprudentia succurritur.* Ætati quidem, quando non tam severe in eum animadvertitur, quem ætatis imbecillitas potius, quàm malitia aut dolus ad delinquendum impulerunt, *l. 1. §. impuberes. & l. infans. ad leg. Cor. de sicariis.* Imprudentiæ verò, quando non tam gravia in eum supplicia statuuntur, qui aperta fronte & destinata voluntate deliquit, ut in eum qui est lapsus per imprudentiam, *l. respiciendum. de pan.* Maiore enim pœnâ dignus est, qui consulto, quàm qui casu aliquem interficit aut vulneravit, nimirum quòd ille dolo, hic verò tantum culpa peccet. Vulgatum est illud, quod propositum & voluntas distinguant maleficia, *l. qui iniuria, de fur.*

### AXIOMA CL.

#### *De pœnis canonicis.*

Qui peccat, servus & debitor fit peccati, quæ quidem obligatio cum civilis non sit, nec pecunia dissolvi potest, nec corporis suppliciis. Sed ut is qui peccat, Deo peccat, iuxta illud Psalmi: Tibi soli peccavi: quàm diu eidem per pœnitentiam & animi contritionem, ut aiunt, nō est reconciliatus (quem hic correctum vocāt Canones)

nes) manet debitor, ad ius divinum quod attinet, etiam si omnia fecerit, quæ fieri secundum hominem poterant. Cor enim contritum & humiliatum requirit Deus, Et hoc illud est, nisi fallor, quod vult illa regula in Canonibus, *Can. 5. Peccati venia non datur, nisi correctis*. Pœnæ verò pecuniariæ, civiles tantum obligationes dissolvunt, non verò divinas, vt quia non sit vlla penitus humanarum rerum cum divinis proportio, *l. sunt personæ in fi. de religiof. & sumpt. fune.* nam divina sunt inæstimabilia.

### AXIOMA CLI.

#### *De pœnis civilibus & deportatione.*

Civilium pœnarum aliæ sunt privatæ in simplum, duplum, triplū vel quadruplum, vltra non extenditur vlla civilis actio, *§. omnes autem actiones, de action.* Aliæ sunt publicæ, vt pœna capitis, deportatio, quæ in locum successit interdictionis aquæ & ignis, *l. inter pœnas, de interdi. & releg.* quæ nihil est aliud, quàm perpetuum quoddam exilium, annotata provincia vbi sit manendum, bonis in fiscum redactis, deducto tamen prius alieno: *l. non possunt de iu. fisc.* & sic illud responsum tam monstrose ab interpretibus agitatum intelligo. *Reg. 95. Ea sola deportationis sententia aufert, quæ ad fiscum perveniunt.* Nam non possunt vlla bona ad fiscum pervenire, nisi quæ creditoribus sup sunt. Atq; hæc ferè sunt

K 5 regulæ

regulæ ad maleficia pertinentes. Iam proximæ sunt actiones.

### AXIOMA CLII.

*De actionibus & judiciis.*

Altera pars huius tractatus ad actiones pertinet, quarum enarrationem in duo capita scindemus, vnum de præparatoriis actionum: alterum de ipsis actionibus seu judiciis. Inter præparatoria verò quædam sunt necessaria, quædam tantum incidentia. De necessariis priori loco, tum de incidentibus.

### AXIOMA CLIII.

*De præparatoriis iudiciorum necessariis.*

Præparatoria necessaria sunt, quæ salva & incolumi recta ratione persequendi juris sui, omitti non possunt, vt sunt jurisdictio, in ius vocatio & editio. Prius enim illud videndum est, an is apud quem litigabitur, habeat jurisdictionem: Si sic, tum securè in ius vocabitur adversarius, & genus actionis edetur.

### AXIOMA CLIIII.

*De jurisditione.*

Jurisdictio, nunc generis, nunc speciei locum fungitur, *l. Imperium de iurisdic.* frequens est enim genus speciei locum ob vocabulorum penuriam ingredi. Sic adoptio genus, in arrogationem & adoptionem speciem: Cognatio, in agnatio

agnationem & cognationem discedit. Vt ergo generis locum tenet Iurisdictio, ita species habet sub se, merū imperiū, mixtū imperiū, & Iurisdictionē, quæ tres species ex triplici magistratus in Repub. officio & munere oriuntur. Nam vel magistratus coërcet facinorosos & gladio in eos animadvertit; vel sine vi aut iudicio conservat pacem & tranquillitatem in Repub. cuius est quidam veluti custos, vel deniq; ius dicit. Cui postremò respondet Iurisdictio. Medium, mixto imperio. Primum, imperio mero, quod etiam gladii potestatem appellamus, *d. l. imperium.* quæ quia non jure magistratus competit, sed specialiter lege, S. consulto, vel à Principe deferitur, meritò non potest ad alium transferri, *l. l. de eius cui mand. est iuris d.* Hinc Ulpianus, Reg. 71. *Nemo potest gladij potestatem sibi datam, vel cuiuslibet alterius coërcionis, ad alium transferre.* Maioris enim operæ negotium id olim maioribus nostris videbatur, si de liberi hominis capite iudicium dicturi essent, quàm ut temerè cuius id esset permittendum, qui non etiam à tota Repub. (de cuius membro & mutilatione agebatur) mandatum accepisset; adeò ut olim ne Consules quidem, quorum tamen summa potestas erat, civem Romanum damnare potuerint, sine speciali Pop. Rom. iussu, & cum iussisset populus, tum cognitionem quidem eius rei delegare poterant, condemnationem verò, quàm

quam personalem fecerat iussus populi, *arg. l. 4. & quia in j. de iurisd. minimè.* Et eò referendum esse puto, quod ait Vlpianus, *Reg. 38. Nemo qui condemnare non potest, absolvere potest.* Quasi dicat, delegatus ad cognoscendum de crimine, ut condemnare convictum de crimine non posset, *l. solent de offi. pracons.* ita nec eundem probatum innocentem, posset absolvere: de quo tamen iusta poterat esse dubitatio, quòd proniores sint leges ad absolutionem, quàm ad condemnationem, *l. Arrianus de act. & ob.* Iurisdictione verò alteri mandata, non solum cognoscere iudex datus, sed & judicare potest & absolvere, *arg. d. l. 1. §. verum.* secundum formulam tamen à Prætorè præscriptam, ut & definitio indicat: nam iurisdictionis nihil est aliud, quàm iudicandi vel iudicis dandi licentia, *d. l. Imperium.* Prætor enim qui actori formulam petenti actionem dat, solet etiam iudicem dare, qui ut non dat ipse actionem, sed de actione per Prætorè concessa, tantum cognoscit & pronunciat, ita nec potest ei, cui à Prætorè data est actio, ipse actionem denegare, hoc est, juris acquisiti prosecutionem suo arbitrio impedire, aut eum ab agendo repellere. Et sic intelligo abstrusum illud Vlpiani responsum, *Reg. 103. §. 1. Eius est actionem denegare, qui potest & dare.* Et si enim habeat quis alium ex legitimo contractu obligatum, & sic actio ei competat, *§. non autem de perpet. & tempo. action.* adhuc tamen actionem olim non dicebatur habere

habere, hoc est, agere posse, nisi eam à Pratore impetrasset, qui dabat Iudicem & actionem, *ar. l. 1. commodati.*

## AXIOMA CLV.

### *De in ius vocando.*

In ius vocare nihil est aliud, quàm juris experiundi causa alicui diem dicere, quod olim sine apparitore fiebat, sed qui ad Pratorem Iuris experiundi causa venire recusasset, duci & obtorto collo rapi, etià invitus, ab actore poterat, adeò, ut Nonius Marcellus hoc loco, vocare positum pro trahere & ducere annotavit. Vnde illud Terentii, *in Eunucho. Actu 4. Sc. 6.* Si vim faciet, in ius ducito hominem, & Horatius *lib. 1. Satyra 9.* Rapit in ius, Clamor utrinq; vndique còcurtus, &c. Et inde quoq; est, quòd actio interprete Theophilo *ad prin. tit. de act. in Institut.* ab agendo, hoc est, ducendo nomen habeat. Aliquando tamen jubetur dimitti is qui vocatus est, nec invitus ducitur, nimirum, si vel aliquis personam rei vocati defendat, vel si vocatus in domum suam se receperit. *l. neq; de in ius vo.* Nam ut ait Paulus. *Reg. 104. Nemo de domo sua invitus debet extrahi.* Sua enim cuiq; domus tutissimum est refugium. *l. pleriq; d. tit.* Postea verò inventæ sunt citationes, hoc est, legitimæ evocationes, quæ per apparitores fiunt, quibus in ius venire iubetur quisq; seu foris, seu domi sit, pro

fit, propterea quòd vtilius videretur, vt sic legi-  
timè per iudicem evocarentur, quàm ab ipsis a-  
ctoribus tædio diuturnæ latitationis fatigatis  
per vim eriperentur, quod vt ne fieret, intere-  
rat Reipub. Et hoc est quod ait Vipianus, Reg.  
137 *Non est singulis concedendum, quod per magistra-  
tum publicè fieri possit, ne occasio sit maioris tumultus  
faciendi.*

### AXIOMA CLVI.

#### *De editione.*

Qui aliquem in ius & ad Prætorem olim voca-  
casset, edere actionem ei debebat, vt perinde  
sciret reus vtrum cedere vltra, an contendere  
deberet, *l. 1. de edendo.* Hodie verò post formu-  
las & impetrationes actionum sublatas, *l. 1. C.  
de form.* in locum editionis successit libelli ob-  
latio. Qua de re nihil ampliùs dicemus, cum  
nullæ in hoc argumentum incidant regulæ.

### AXIOMA CLVII.

#### *De præparatoriis incidentibus.*

Quando iam erat reo apud Prætorem edita  
futuræ litis actio, tum ex altera parte reus de-  
bebat & ipse suas exceptiones, quibus confun-  
dere intentionem actoris vellet, nuncupare:  
fortè ex pactis, Transactionibus, vel ex causa  
restitutionis in integrum impetratæ.



## AXIOMA CLVIII.

*De pactis & transactionibus.*

Quemadmodum ea pacta quæ facti sunt, nihil virium habent adversus ea quæ sunt juris, *l. si vnus, §. pactus, de pactis.* ita privatorum conventio non potest in vlllo Iuri publico derogare: vnde Ulpianus, *Reg. 46. §. final. Privatorum conventio iuri publico non derogat.* Et iterum Paulus, *Reg. 28. Nec ex Prætorio, nec ex solenni iure, privatorum conventionem quicquam immutandum est, quamvis obligationum causa pactione possint immutari & ipso iure, & per pacti conventi exceptionem: quia actionum modus, vel lege, vel per Prætorem introductus, privatorum pactionibus non infirmatur, nisi tunc, cum inchoatur pactio, inter eos convenit.* Ideò privatorum conventio iuri publico non derogat, quòd nulla sit privati cum publico proportio, *arg. l. 1. solut. matr. §. cum in suo solo, de re divi.* Ideò verò obligationum causæ, hoc est, ipsius contractus qualitates & accidentia, per pactum immutari possunt, quòd conventio & contractus à voluntate contrahentium (quæ est privata & singulorum) formam accipiat, *l. 1. §. pen. de pactis,* adeò vt juris civilis autoritas, quæ solennis & publica est, ei nō accedat, nisi demum perfectō contractu. Nō est ergo mirū si interim causæ obligationū, hoc est cōventiones ipsæ, privatorū pactis immutari possint idq; vel ipso iure, si sc. cōtractui sic vniātur vt *l. iuris. §. quinimò de pact.*  
insint,

insint, vel per pacti conventi exceptionem, nimirum si perfecto & absoluto contractui ex intervallo accedant, quæ conventiones ipsum contractum, qui semel formam & perfectionem suam accepit, mutare non possunt, exceptionem tamen pariunt, *d. l. iurisc. §. ut puta.* quæ & ipsa quodammodo potest videri actionem immutasse, cum ad effectum quod attinet nihil intersit, ipso jure quis actionem non habeat, an per exceptionem repellatur, *l. nihil interest, hosti.* E cum his consentit illud quod statim sequitur *Quia actionum modus vel lege, vel per Prætorum introductus, privatorum pactis non infirmatur.* Suppl ipso jure, sed benè per exceptionem, *Nisi tunc cum inchoatur pactio, inter eos convenit.* A contrario ergo, si ex intervallo & perfecto iam contractui accessit, non infirmatur ipso jure, sed vtiq; per exceptionem, vti modò diximus, & hæc de pactis: at verò de transactionibus non sunt vllæ prorsus hîc obviæ regulæ.

### AXIOMA CLIX.

#### *De in integrum restitutionibus.*

Fieri subinde potest, ut justa sit actoris contra reum petitio, & tamen ex altera parte sit iniqua adversus eum, cum quo agitur, suadet quæ æquitas, ut ei succurratur, quia videlicet lapsus aut circumscriptus sit, vel per metum vel dolum, vel minorem ætatem, vel sexus fragilitatem

gilitatem, vel deniq; per absentiam. Et quidem quomodo his succurratur, qui vel ob metum vel dolum circumscripti sunt, prius dictum est. Hic de cæteris videamus.

### AXIOMA CXL.

#### *De restitutione ob sexum.*

Ait Paulus, Reg. iii. §. si. *Mulieribus tunc succurritur cum fraudatur, nō ut facilius calumnientur.* Equitatis enim interpret est Prætor, l. divus, de in integ. rest. non fautor & defensor injuriarum. Unde responsum est, quod si mulier decipiendi animo intercesserit, cum sciret se non teneri, nō id iuvandam exceptione S. Consulti Velleiani, si decipiendi animo, ad S. con. Velleia.

### AXIOMA CLXI.

#### *De restitutione ob absentiam.*

Ait Ulpianus, Reg. 183. *Absentiam eius qui Reipub. causa abest, neq; ei, neq; alijs damnosa esse debet.* Non quidem ei, ne ex sua probitate quisquam sentiat incommodum, l. i. in prin. de dolo malo. Non etiam alii, ne scilicet res inter alios acta, noceat alijs. l. sæpè, de re iud. Eum verò abesse dicimus, qui nec ipse conveniri potest, nec domini habet à quo defendatur, l. item ait Prætor, qui ex causa. Quid enim si is qui rei meæ usucapionem inchoavit, abesse Reipub. causa incipiat, nonne id erit iniquissimum, ut mihi non va-

L      lenti

lenti cursum inchoatæ vsucapionis impedire;  
currat præscriptio, *l. 1. de annali exceptio*. Inter alios verò qui Reipub. causa abesse non possunt, est servus. Hinc illud Paul. *reg. final. Servus Reipublicæ causa abesse non potest*. Civile enim munus est abesse Reipub. causa, & his qui mittuntur honorificum: vnde legati etiam adhuc hodie sacrosancti, *l. sanctum, de re. divi.* sunt & inviolabiles.

### AXIOMA CLXII.

*De ipsis actionibus & Iudiciis.*

Nunc de illis regulis videndum est, quæ ipsi actionibus & iudiciis applicantur, quarum tractatio in tria capita discedit: Quid sit actio, & in quot divisiones ac vnde sumptas dividatur tum de personis ad iudicium pertinentibus: & deniq; de partibus actionum.

### AXIOMA CLXIII.

*Quid sit actio, & quoruplex.*

Actio nihil est aliud (autore Celso, *l. nihil est aliud, de act. oblig.*) quàm ius persequendi in iudicio quod sibi debetur. Divisionem verò recipit actio à causa efficiente, à fine, à forma, denique à propriis. Ab efficiente quidem, cum dicimus earum

earum aliàs esse Civiles, aliàs verò Prætorias, §. *sed istæ, de actionib.* A fine dupliciter divisa est: Semel, cùm alia in rem est actio, alia in personam, *d. tit. in prin.* Iterum, cùm aliæ sunt rei persecutoriæ, aliæ pœnales, aliæ mixtæ, §. *seq. d. tit.* A forma deniq; sumpta est illa divisio in actiones bonæ fidei, & stricti Iuris, §. *actionum autem, d. tit.* Postrema divisio venit à proprietatibus actionum. Nam quædam earum sunt temporariæ, quædam perpetuæ, *tit. de perp. & temp. actio.* & iterum sunt quibus non semper solidum persequimur quod debetur nobis, sed modò solidum, modò minus, §. *sunt præterea, d. tit.*

AXIOMA CLXIII.

*De speciebus actionum ab efficiente, & fine sumptis.*

De causa efficiente actionum, quòd earum liz civiles sunt, aliæ Prætorias, plura in Institutionibus. Eamus ad actiones in rem & in personam. Et quidem in personam actio nomen à persona ducit, quam solam creditor obligationis nomine habet obnoxiam sibi & quodamodò servientem, *ar. l. ob as, C. de act. & ob. & cop. in princ. tit. de actio.* nam obligationum substantia non in eo cõsistit, vt res aliqua fiat nostra, sed vt nobis aliquid debeat, *l. 3. de act. & l. 1.* Contrà in rem actio, nihil cum persona cõmercii habet, solamq; rē persequitur, & in eam

actor olim apud Iudicem manum iniiciens, dicebat esse suam, quod erat rem asserere seu vindicare, *Gellius in noct. Atti.* Cui quidem vindicationi non erat alius ad quem propius pertineret contradictio quàm possessor: vnde illud, quod in rem actio, seu rei vindicatio possessorum sequitur, *d. tit. de acti. in prin.* idq; non sui, sed tantum ipsius rei contemplatione. Sunt autem hæ species actionum in rem & in personam duplicis generis: nam & civiles sunt in rem, & in rem Prætoriarum, *d. §. sed ista.* vt Publiciana, Rescissoria, Pauliana, Serviana, & quasi. Sunt etiam in personam Prætoris jurisdictione quædam actiones introductæ, vt actio de constituta pecunia, de Iurejurando, de peculio. Nunc ad singula, quatenus regularum œconomia & dispositio postulabit. Nam de Publiciana & Rescissoria non sunt ullæ regulæ.

### AXIOMA CLXV.

*De Pauliana, seu de his quæ in fraudem creditorum.*

Si quis, inquit Imp. §. item si quis, *d. tit. in fraudem creditorum* rem suam alicui tradiderit bonis eius à creditoribus possessis ex sententia Præsidis, permittitur ipsis creditoribus rescissa traditione eam rem petere, hoc est dicere eam rem traditam non esse, & ob id eam in bonis debitoris mansisse. Planè vt in fraudem dicatu

dicatur facta alienatio, debet omninò & diminutum esse patrimonium debitoris, *l. qui autem, in prin. quæ in frau. cred.* & deinde etiam eò amplius re ipsa seu eventu & destinatione debitoris intervenisse. De priorè est illa regula Vlpiani, *Reg. 177. Non fraudantur creditores, cum quid non acquiritur à debitore, sed cum quid de bonis diminuitur.* Nam qui occasione acquirendi non utitur, non intelligitur alienare, *l. alienationis verbum, de ver. sign.* De posteriore regula est talis à Papiniano prodita, *Reg. 80. Fraudis interpretatio semper in iure civili non ex eventu duntaxat, sed ex consilio quoq; consideratur.* Capiunt enim delicta perinde formam ab animo & voluntate, ut contractus: vulgatum est enim, quòd propositum & voluntas distinguat maleficia, *l. qui iniuria, de furt.* Si ergo desit voluntas fraudandi, impossibile erit, ut fraus commissa esse dicatur.

### AXIOMA CXLVI.

#### *De actione de peculio.*

Pater qui liberam filio administrationem concedit, tacitè se obligat, ut ex contractibus illi securè conveniri à creditoribus possit, quatenus est in peculio, *arg. S. si. quod cum eo, l. si institutorem, si cer. peta.* Dixi, ex contractibus (qui plerumq; lucri & compendii intentione fiunt, *l. actionum, de act. & oblig.*) non verò ex delictis, ut in via is qui ex edicto in pœnam civilem incidit, non compendium quærit, sed res suas dissipat.

potius: & ideò in patrem de peculio actio ad pœnam à filio commissam non dabitur, *l. quod servus, in fi. de ac. poss.* Et hoc est quod ait Vlpianus, *Reg. 59. Ex pœnalib. causis, non solet in patrem de peculio actio dari.* Et licet filius peculii sibi concessi habeat administrationem, revera tamen nec dominus esse peculii nec illud possidere dici potest, ut pote possessus ipse ab alio, *arg. l. qui in servitute, de Reg. Iur.* adeò ut siquidem de rei peculiaris possessione per interdictum retinenda, recuperanda aut adipiscenda agatur, debeat pater agere non filius: unde illud Mæxiani, *Reg. 94. Filius scilicet neque retinere, neque recuperare, neque adipisci possessionem rei peculiaris videtur.* Sed iam de actionibus bonæ fidei & stricti Iuris, quas à forma nomen habere diximus,

### AXIOMA CLXVII.

#### *De divisione actionis à forma.*

Quòd actionum quædam bonæ fidei sunt, quædam stricti juris, *d. §. actionum autem, de acti. in Insti.* primùm ab ipsa formularum conceptione natum est, quas Prætor actionem petentibus solet præscribere: nam quibus clausulam, *Ex bona fide* adijciebat, *l. quero, locati, & Cic. in Topic.* hæc bonæ fidei dicebantur: quibus non addebat, dicebantur stricti juris, quòd videlicet iudicis dati potestatem stringerent illæ formulæ, arctarentq; ad ea tantùm, quæ litigatores in iure apud Prætorem contestati essent, *Seneca in opus. de beneficijs,*



*beneficiis*, quæq; Prætor in formula concessa expressisset: Cùm alioqui ex his formulis, quibus adijci, *Ex bona fide* clausula solebat, haberet iudex datus potestatem de illis etiam æstimandi, quæ nec apud Prætorem proposita, nec in formula essent expressa, *l. huiusmodi, de leg. 1. l. 3. de rescin. vendit.* ut sunt exceptiones pacti conventi, doli mali, & multa talia, quæ alterum alteri ex bono & æquo præstare debere appareret, *§. in bona fidei, de act.* Et licet hæc formularum superstitiosa solennitas & iudiciorum impetratio sit antiquata, *l. 1. C. de formulis*, manserunt tamen nihilominus in ipsis actionibus veterum ceremoniarum & solennium integra nomina.

### A X I O M A C L X V I I I.

#### *De perpetuis & temporalibus actionibus.*

Perpetuæ actiones sunt, quæ secundum naturam iuris perpetuò competunt, quales sunt omnes actiones civiles, tam pœnales quàm rei persecutoriæ, sine discrimine, *tit. de perpet. & temp. acti. in prin. in Instir.* Temporariæ verò, quæ certum tempus habent, quo si non sint propositæ, consumuntur: cuius generis sunt actiones Prætoriz, quæ plerunq; intra annum vivunt: nam & ipsius prætoris intra annum erat imperium, *d. tit. in prin. & l. in honorariis, de action. & obligatio.* Excipio rei persecutorias à Prætore introductas, quas ipse

L 4 adiuris

ad juris civilis imitationem fecit perpetuas, *d.l. in honorariis*, quòd scilicet rei persecutio sit naturalis, & summam habeat æquitatem, vt suæ quisq; rei habeat persecutionem. Secus in Prætoriiis pœnalibus, quæ vt angustissimis spaciis essent conclusæ, plurimum Reipub. intererat, ne scilicet delicta diu manerent impunita, Illud autem in civilibus actionibus est observandum, quòd quæ pœnales sunt, licet perpetuæ sunt, tamen in heredem non transeunt; vnde Paulus, *Reg. 112. §. 1. In heredem non solent actiones transire, quæ pœnales sunt ex maleficio, veluti furti, damni, iniuriæ, vi bonorum raptorum*. Quod tamen videbatur non esse ferendum, cum heres sit juris successor, in quem omnia transeunt civilia, *l. cum heredes, de acqui. poss.* quia tamen pœna delicti nomine introducta, delictum ipsum & authorẽ potius spectat, *ar. l. crimen de pœnis* quàm ius, nec tam nascitur ex delicto obligatio, quàm actio, *arg. §. si. de ob. ex malefi.* (quæ diversissima sunt; nam qui rem alienam possidet, actione quidem tenetur, sed verum est eum non esse obligatum, *tit. de action. in prin. in Inst.* & idcò si possidere desinat, desinet etiam actione pulsari posse,) non est mirum, si authore delicti mortuo, evanescat & actio, nec competat adversus heredem, *§. non autem, de perpet. & tempor.* Planè duobus casibus contingit actionem pœnalem, in heredem æquè, vt in defunctum,

tum, exerceri. Vno, si lis sit contra defunctum  
 contestata: vnde Paulus, *Reg. 135. Poenalia iudicia  
 semel accepta, in heredem transmitti possunt*. Est enim  
 litis contestatio quidam quasi contractus, *l. 3. §.*  
*idem scribit. de pecul.* ex quo statim nascitur obli-  
 gatio, incipitque res in iudicium deducta, iam  
 inde ex obligatione deberi, quæ iuris indolem  
 habet, meritò igitur erit etiam perpetua. Alte-  
 ro modo, si ad eum ex delicto defuncti aliquid  
 pervenerit: vnde Pomponius, *Reg. 39. Sicuti pœ-  
 na ex delicto defuncti heres teneri non debet: ita nec lu-  
 crum facere, si quid ex ea re ad eum pervenisset*. Tum  
 quia sit rei persecutio naturalis, vt in Prætoris  
 in rem actionibus est manifestum, quæ etiam  
 post annum datur, *d. l. in honorariis*. tum quia non  
 sit æquum, vt quisquam aliena iactura locuple-  
 tetur, *l. iure naturæ, hoc tit.* pervenisse autem ad  
 heredem dicitur, si vel momento ad eum per-  
 venit. Hinc illud Pauli, *Reg. 170. Cùm Prætor in he-  
 redem dat actionem, quatenus ad eum pervenit, sufficit  
 si vel momento ad eum pervenit ex dolo defuncti*. Illa  
 autem verba, cùm Prætor dat actionem, non  
 sunt referenda ad ius prætorium, sed ad actio-  
 nes quæ olim à Prætore impetrari debebant, *d.*  
*l. 2. de origi. iuris*. vt sunt omnes civiles actiones,  
 inter quas numerantur actiones ex maleficiis:  
 ex quibus ideò tenetur heres, si quid vel mo-  
 mēto ad eum pervenit, quod videlicet ad hoc,  
 vt ius sit perpetuum, satis sit semel extitisse, *l. si  
 filius fa. de verb. obl.* nec ius aliquod contrariū quo

tolli potuerit intervenisse, *l. nihil tam naturale, hoc titulo.* Nec sunt illa verba otiosa, *Ex dolo defuncti*, quemadmodum testatur illa Vlpiani regula, *Reg. 45. Toties in heredem damus actionem de eo, quod ad eum pervenit, quoties ex dolo defuncti conveniatur, non quoties ex suo*: nam ex suo quisque dolo in solidum conveniri potest. Et hactenus quidem de dolo defuncti extra contractum, & in maleficio commissio: nempe per vim, rapinam, furtum. Nam dolus qui defuncto imputari ex contractu potest, heredem obligat in solidum, *l. 1. de depositi, de act. & oblig.* Vnde Vlpianus, *Reg. 200. §. finali: In contractibus successores ex dolo eorum, quibus successerunt, non tantum in id quod ad eos pervenit, verum etiam in solidum tenentur, hoc est, ut unusquisque pro ea parte qua heres est, conveniatur*: ut sic solida obligatio repræsentetur; cum huiusmodi dolus ex coniunctione contractus, cui adheret, iuris conditione tinctus sit, *l. 1. & eleganter, de dolo.* & sic qualis in defuncto erat, transit etiam in heredem: quod in his contractibus maximè apparet, in quibus bonam fidem præstare iubemur: unde illud Pauli, *Reg. 195. §. finali. In contractibus, in quibus doli præstatio, vel bona fides inest, heres in solidum tenetur.* Cuius generis sunt omnes contractus bonæ fidei, in quibus bona fides ipso iure inest: In aliis verò contractibus, nempe stricti iuris, etsi non insit dolus, *d. l. 1. & eleganter, §. non solum, & l. si quis cum aliter, de verb. obl.* habet tamen bona fides (quæ à nulla contractu abesse potest,)

coniun-

*l. bonam fidem, C. de act. coniuñctam ex æquitate doli præstationem, quæ nunc exceptione doli, d. l. si quis cum aliter, nunc actione de dolo cõservat eum indemnem, d. 5. nõ solum, in fi. qui dolum passus est. Cuius quidem doli, a defuncto commissi, gratia, & contra heredem excipi, & cum herede agi potest, non quidem actione de dolo (nam illa infamis est, l. 1. de his, qui no. infra.) sed actione in factum.*

### AXIOMA CLXIX.

*De actionibus, quibus modò solidum, modò minus persequimur.*

Sunt, inquit Imper. quædã actiones, quibus non semper solidum persequimur, quod debetur nobis, sed modò solidum, modò minus, & sunt præterea, de act. vt in actione de peculio. Nam si tantum in peculio est, quantum debetur, solidum actor consequetur: Si non, eatenus tantum, quatenus se vires peculii extendunt. In eodem numero sunt illæ actionum species, quibus non ultra reus condemnari potest, quam quatenus facere potest, & item si de dote. d. tit. hoc est, quemadmodum interpretat Iulianus, vt eius ratio habeatur ne egeat. Ait. n. Iulian. Iureconsultus, Reg. 134. In condemnatione personarum, quæ in id quod facere possunt damnantur, non totum quod habent extorquendum est, sed earum ratio habenda est, ne egeant. In quo genere sunt hi ferè, l. sunt qui, cum 5. seq. de re iudic. socius, parens, patronus, patrona, liberi-

liberique eorum & parentes: item maritus de dote: miles qui sub armata militia stipendium facit. Is quoque qui ex causa donationis convenitur, ut inquit Paulus, in quantum facere potest condemnatur. Cui consentit illa Vlpiani regula, *Reg. 27. Divus Pius rescripsit, eos qui ex liberalitate sua conveniuntur, in id quod facere possunt condemnandos.* Durum enim & inhumanum illud videbatur, si filius ita patrem emungeret, cui vitam debet, si libertus ita patronum exigeret, à quo libertatem, rem inæstimabilem accepit, *l. libertas hoc tit.* si vxor maritum, cum quo omnis vitæ consortium, divini & humani iuris communicationem habet, *l. i. de ritu nupt.* ita premat, ut eum inopem famelicumq; relinquat. Tantundem est & de milite, qui sui capitis periculo pro Repub. vigilat, ut omnes in tranquillitate & otio simus. Et quidem hoc beneficium in cæteris personale est, sic ut ad heredes non transeat. In socio verò causæ magis est, quam personæ, *§ sed & si quis, de acti.*

### AXIOMA CLXX.

*De personis ad iudicium pertinentibus.*

Omne iudicium duplici personarum genere constat, litigatoribus & iudice. Et rursus litigatorum alii sunt actores, alii rei: & horum quidam suo nomine litigant, quidam alieno. Prius ergo de actore & reo hinc dicendum erat, nisi regulæ

gulæ ad eam rem pertinentes, oportuniore loco prius essent declaratæ. Quare ad eos transeo, qui alieno nomine litigant in iudicio.

### AXIOMA CLXXI.

*De his, qui alieno nomine litem  
suscipiunt.*

Discedit hoc argumētum in aliquot distincta capita, nempe, an quis alieno nomine litem suscipere possit: Si sic, tum quot sint horū species: ac denique ad alienam litem suscipiendam quæ sint necessaria? De singulis separatim dicamus. Et quidem ad primum quod attinet, admonēdi sumus, olim in vſu fuisse, vt alieno nomine agi nō posset, nisi p̄ populo, p̄ libertate, p̄ tutela, tit. *per quas perso. ag. pos. in Inst.* Hinc illa Vlpiani regula, *Reg. 166. Nemo alieno nomine lege agere potest.* Est enim lege agere solenni formula, impetratis solenniter actionibus apud magistratum experiri, Cicero pro Murena, l. Barbarius, de off. præ. vnde legis actiones sunt appellatæ, quæ cum solennes & iuris Quiritium essent, l. 2. de ori. iur. (quod nimio plus scrupulosum erat, l. vn. C. de nud. iur. Quir. toll.) facile fuit vt in iis exercendis nemo alieno nomine audiretur, donec tandem vtilitate rigorem iuris Quiritium vincente receptum est, vt per procuratores litigare liceret. Nam & morbus & ætas & necessaria peregrinatio, itemque aliæ multæ causæ hominibus sapè  
sunt

sunt impedimento, quo minus rem suam ipsi possint exequi, *d. tit. per quas perso.*

### AXIOMA CLXXII.

*Quot sint species eorum qui pro aliis agunt.*

Eorum qui alienam litem causamque suscipiunt, quatuor sunt species: est Patronus, est Advocatus, est Procurator, est denique defensor, quem Cicero & alibi quoque Imp. cognitorē vocat. Quæ sit autem propria cuiusque horum significatio ex his Asconii Pediani, *in divina, Cicero.* verbis faciliè intelligas. Qui defendit alterum (inquit) in iudicio, vel Patronus dicitur, si orator est: vel Advocatus, si ius suggerit, aut præsentiam suam amico accommodat: vel Procurator, si negotium absentis suscipit: vel cognitor, si præsentis causam novit & sic tuetur ut suam, unde Cicero familiarissimum defensorem appellavit. Sed de primis duabus speciebus hinc nihil dicemus amplius. Postremas species assumam, de procuratoribus & defensoribus, inter quos quid interfit ex Pediani verbis potest intelligi, quæ illam habent significationem, quod qui ad alienam litem ex mandato rei principalis accedit, sit procurator, seu agat, seu defendat, *l. 2. de procuratorib.* qui verò sine mandato rebus alienis spontè se obtulit in iudicio, *l. item ait Prator, ex quib. cau. ma.* est defensor, unde in  $\pi$ . est titulus de procuratoribus & defensoribus: verum ut absentis amici

negotia



negotia tuenda capere officii & amicitia est, *l. 1. de neg. gest.* ita & defendere & procurator esse. Et hinc est quod dicit Vlpianus, *Reg. 198.* *Invitus nemo cogitur defendere* : nam, ut dixi, necessitatem non habet ea res, sed officium.

### AXIOMA CLXXIII.

*De his quæ sunt ad alienam litem suscipiendam necessaria.*

Quòd olim alieno nomine agere non erat permissum, *l. nemo alien. supra axio. 171.* id ex mero iuris Quiritium rigore & anxietate eveniebat, quod ius, ut nō sinebat cuiquā ius suum persequi, nisi formulam à collegio Pontificum impetrasset, *l. 2. §. deinde, de or. iu.* ita nec patiebatur ut quis, quā cuius de re ageret, in iudiciū veniret, incivile illud ducēs, si solennia illa iudicia passim cuiusq; arbitrio & intercessione proturbarentur. Verū quando ætas posterior nimiam illam anxietatē perosa, introduxit, ut per alios litigare liceret, ut id iure Quiritium & maiestate solennis iuris salva, *ar. l. pe. de iust. & iur.* fecisse videretur, operæ pretiū fore ducebat, ut procurator alienā litem suscipiens, in limine iudicii se dominū totius litis constitueret, *l. procuratoribus, cum l. seq. C. de procur.* aut si defensor tantum esset (hoc est sine mādato accessisset) satisfaceret dominum rem ratā habiturū : quæ satisfactio factura videbatur ut & ipse suū negotium egisse

egisse crederetur, *l. qui proprio, §. qui alium, l. si minor, de procurat.* & solennibus ipsoque iure Quiritium salvo, actionem persecutus esse, non quidem alienam, sed suam. Sed de satisfactione paulò plura dicamus, nempe, Qui satisfacere debeant, & quis sit satisfactionis effectus.

### AXIOMA CLXXIV.

*Qui satisfacere debeant, & quis sit satisfactionis effectus.*

Satisfacere debet, ut diximus, defensores: nam cum sine mandato rei principalis ad iudicem accesserunt, periculum est, ne, si condemnatio sequatur, non habeat dominus ratum iudicium contra se, inter alios, & se non mandante latum, *l. sapè, de re iud.* quæ quidem res faceret iudicium illusorium. Cui absurditati obviam itum est per satisfactionem, sine qua nemo admittitur ad defensionem. Hinc illæ regulæ, Reg. 127. *Qui rem alienam defendit, nunquam locuples habetur.* Et alia eiusdem, Reg. 111. *Nemo alienæ rei expromissor idoneus videtur, nisi cum satisfactione.* Quæ satisfactio facit, ut reus principalis, qui abest, videatur esse præfens, eiusque causam & personam repræsentat, *d. §. qui alium.* Qui quidem satisfactionis effectus est multò maximus: nam & illum qui se offert iudicio pro alio, facit idoneum ut non repellatur à limine iudicii, & eum qui defenditur, etiam si solvendo per se non sit, in ea tamen conditione

tionem eum collocat, ut debeat iam inde dici esse solvendo: unde Vlpianus, Reg. 96. *Nemo dubitat solvendo videri eum qui defenditur.* Nam qui vel per se, vel per alium potest solidum solvere, verum est quod sit solvendo, l. solvendo, & ibi Accur. de ver. sign.

## AXIOMA CLXXV.

### De iudice.

Tres diximus ad omnia iudicia requiri personas, actorem, reum & iudicem: & hinc est quod ait Vlpianus, Reg. 73. *Omnia quaecunque causae cognitionem desiderant, per libellum expediri non possunt.* Intellige, sed per Iudicem seu Praetorem, causarum cognitionem pro tribunali facientem, cuius id in Repub. praecipuum erat ministerium, unde & in 12. tab. Cice. l. 2. de legib. *Iuris disceptator qui privata iudicet, iudicare iubeat, Praetor esto.* In eandem sententiam est illud Pauli, Reg. 105. *Ubique causa cognitio est, ibi Praetor desideratur.* Illa enim causae cognitionem desiderant, quae iurisdictionis contentiosae sunt, hoc est altercatione iudiciaria pro tribunali solenniter excutuntur, Salom. ad l. nec quicquam. §. de plano, de off. procons. Illa verò per libellum quae rescriptis principum, aut responsis prudentum deciduntur, d. §. de plano. Nam ut ad privatas contentiones dirimendas constituta sunt iudicia, in quibus uterque litigatorum de iure suo hinc & illinc disceptans admittitur, ita prudentes & principes

cipes libellis non consulebantur nisi à iudicibus, *l. 2. de or. iur. ar. 5. responsa, de iur. na. gent. & civi.* qui vtraque parte audita dubitabant, quid iuris aut iniuriæ in facti specie proposita constituendum esset. Vt quis ergo contentiosa illa disceptatione in iudicio prætermissa, litem suam per libellum, hoc est, rescripto principis aut responso prudentis finire, velut indicta causa postulet, non est ferendum, ut quia debeat is, qui de aliqua re pronunciaturus est, vtramque aut præbere, alteram auctori, reo alteram, adeo ut Capitolino teste, in *Macrino*, Traianus Imp Libellis nunquam responderit, ne ad alias causas facta præferrentur, quæ fortè ad gratiam aut odium alicuius essent composita.

### AXIOMA CLXXVI.

#### *De partibus actionum.*

Quemadmodum actiones duplici personarum genere constant, litigatoribus & iudicibus: ita quædam actionum partes à litigatoribus veniunt, quædam à iudicibus. Et rursus earum quæ veniunt à litigatoribus, aliæ sunt necessariae, velitis contestatio: aliæ non necessariae, ut exceptio & replicatio. Et quia nonnunquam plures actiones, item & exceptiones cumulantur, *l. si item cum eodem, de iur.* non intempestivum erat hoc loco de cumulationibus tractari. Tertiò & ultimò earum partium quæ ad iudicem pertinent, duæ sunt præcipuè, nimirum sententia & offi-

eium iudicis. Sed de singulis ordine videamus,  
& primò de litis contestatione.

## AXIOMA CLXXVII.

### *De litis contestatione.*

Litis contestatio nihil est aliud, quàm quedã inter eos qui invicem controversiam habēt, de iudicio suscipiendo conventio, non solùm inter ipsos, sed etiã cum iudice inita, qui eos cum sponte ad se venissent, solet interrogare, an sibi de controversia quæ inter eos esset, iudicandi potestatem facerent, *Alcia. ad l. pecunia verbum, in fin. de ver. signif.* & cum ipsi se facere respondissent, iam tum propriè dicebatur susceptũ iudicium, & lis contestata: ducto nomine videlicet à testibus, qui illi contractui & conventioni ad solennitatem adhibebãtur, coram quibus statim verbis solennibus fiebat contestatio, his nimirum, *testes estote.* Perinde vt testamento condito, testator præsentib. testibus, tabulas iam perfectas tenens, & ad testes conversus dicere solebat: Hæc vt in his tabulis scripta sunt, ita do, lego, ita testor. Itaque vos Quirites testimonium præbitote, *Vlpian. in fragmento Instit. tit. 20. de testa.* à qua quidem testium apellatione, puto testamenti nomen primũ descendisse. Et quidem hic litis contestandæ modus, qui testibus interpositis fiebat, inter alios erat frequentior & vtitior. Nam quòd & Sacramento deposito, & sponsione facta (hoc est, datis pignoribus

& fideiussoribus) iudicium interdum suscipere-  
retur, ex Cicerone, Varrone & aliis vetustiori-  
bus apparet, apud quos frequens est illud, Sa-  
cramento vincere, & sponsione contendere. Ex  
quibus contestandæ litis modis tribus, vnicus  
est hodie conflatus, *auth. offeratur, C. de litis cont.*  
nam in locum Sacramenti, successit iuramen-  
tum propter calumniam: in locum sponsionis,  
fideiussores iudicio sisti: ac denique in locum  
testium, venit annotatio ad acta. Nunc de vi &  
effectu litis contestationis.

### AXIOMA CLXXVIII.

*De vi & potestate litis contesta-  
tionis.*

Princeps ac summa vis potestasque conte-  
stationis est, quod cum semper vigilantibus iu-  
ra subveniant, *l. Pupillus in fin. Quæ in fraud. cred. fa-*  
ciat ea conditionem actoris meliorem, quam si  
litem contestatus non esset, vnde Paulus, *Reg.*  
*87. Non solet deterior conditio fieri eorum, qui litem cō-*  
*testati sunt, quàm si non essent.* Quæ res ad multos  
iuris articulos pertinet, & in primis illuc, quod  
actiones alioqui interituras (vt sunt pœnales a-  
ctiones ex maleficiis, *l. nō autem de perpet. & temp.*  
*actio.* item omnes actiones personales, quarum  
alię anno, *l. in honorariis. de act. & obl.* aliæ sex men-  
sibus, aut minore temporis spacio finiuntur)  
faciat perpetuas. Et huius argumenti sunt ali-  
quot regulæ. Primum illa Pauli, *Reg. 84. Nemo*

enim persequendo deteriore causam, sed meliorem facit: demique post litis contestationem heredi quoque prospicitur: & heres tenetur ex omnibus causis. Tum illa Caji regula, Reg. 128. Omnes actiones, quæ tempore aut morte pereunt, semel incluse iudicio, salvæ permanent. Quæ res non aliam habet rationem, quàm quòd in ipsa contestatione sit quidem quasi contractus l. 3. §. idem de pecul. (vt ex his, quæ paulò antè dicta sunt, axio. preced. intelligi potest) quo se vterque litigantium obliget alteri in id, quod iudicis sententia constituetur: quæ obligatio, quia ex contractu venit, debet & civilis esse & perpetua, arg. l. 4. de servitut. adeò vt priorem obligationem quodammodò innovet: & si temporaria sit, impediat, & interrumpat inchoatam semel præscriptionem, l. si. C. de præf. 30. vel 40. an. l. mora. C. de rei vend. Sin verò pœnalis sit, faciteam quodammodò rei persecutoriam & transmissibilem in heredem, l. omnes. de act. & oblig. adeò vt post litem inchoatam, non tam prior obligatio, quàm evētus litis spectetur, ex quo demum data sententia cōstabit, quatenus actor & reus ex contestatione invicem sint obligati, paratamque eo nomine habeant inter se ex sententia & re iudicata actionem, l. actori. C. de reb. cred. non secus quàm ex quovis alio contractu, civilem & perpetuam. Verùm quòd litis contestatio non æquè cursum vsucapionis sistet & remoretur, l. 2. §. si. pro emp. l. si post acceptū de rei vendicat. vt præsumptionis, l. sicut. C. de præf. 30.

*an.* in causa est, quòd in vsucapione quidẽ spectemus possessionẽ. *l. sine poss. sione. de vsucap.* quæ naturalis est, & facti, ita vt meritiò per contestationem, quæ iuris est, non possit impediri: In præscriptione verò nõ agere, quod iuris est, *l. 4. §. Cato. de verb. oblig.* iam verò vt ius iure tollitur, ita litis contestatio, quæ iuris est, facilẽ potuit prescriptionem propter non agere currentem, interpellare & interrompere.

### AXIOMA CLXXIX.

#### *De exceptionibus.*

Sequitur vt de exceptione videamus, quæ nihil est aliud, quàm actionis vel intentionis exclusio, *l. 2. de exceptio.* vt quia scilicet comparatæ sint ad eos defendendos cum quibus agitur, *tit. de except. in prin. in Insti.* Eunt autem regulæ istius argumenti in hæc ferè capita: Quotuplex sit exceptio, tum quæ sit vis eius ac potestas.

### AXIOMA CLXXX.

#### *Quotuplex sit exceptio.*

Præter illas exceptionũ divisiones quòd alia sint perpetuæ, aliæ temporales & dilatoria, *d. tit. de exceptio. §. appellamus.* Item quòd earum quædam ex legibus, vel ex iis, quæ legis vicem obtinent, aliæ ex ipsius Prætoris iurisdictione substantiam capiunt, *§. hæc exempli causa. d. tit.* est alia generalior divisio, quòd alia sit facti, alia iuris, *Dyn. ad c. exceptionem, de Reg. in 6. Lagus, titu. de excep.*



*except. in prin.* Facti, qua de nudo facto pposito excipit reus, vt si dicat actor, occidisti: reus, non occidi: debes, non debeo: quam Cicero lib. i. ad Herennium depulsionem intētionis vocat. Iuris verò, qua de facto quidem fatetur reus, ac negat se dare aut facere oportere: quales sunt omnes illæ, de quibus apud Iustinianum in Institutionibus. Nam vt ait, sæpè accidit, vt persecutio qua actor experitur, sit iusta, tamen iniqua sit aduersus eum, cum quo agitur. Talis est exceptio doli mali, quod metus causa, non numeratæ pecuniæ, pacti de non petendo, iurisiurandi, præscriptionis, & similes, *de quibus omnibus d. tit. de excep.* Et certè in hac specie exceptionis illa oriebat̃ difficultas, an qui de iure excepisset, statim de facto videretur confessus, q̃ res decisa est regulis Canonicis, *Can. 63. Exceptionē obijciens, non videtur de intentione aduersarii confiteri.* Tum quòd non sit illud rationi consentaneū, vt vna eademq; causa cōtrarios effectus in eadē re pariatur, *Bald. ad l. pro here. de acq. her.* (quod futurū est, si cū excipit reus, vt obligationis vinculum à se rejiciat, eadē exceptione vinculum & obliganem contrahat) tum quia multa nominatim & expressè facta valeant, quæ nō item ex obliquo veniant in considerationem, *tit. de exhered. lib. in prin. in Instit.* Si enim apertè confiteatur reus debitum, & tum excipiat, non dubium est quin sibi præiudicet, *l. vn. C. de confess.*

## AXIOMA CLXXXI.

*De vi & effectu exceptionum.*

Effectus exceptionum hic quidem multo maximus & potētissimus est, quod etsi ius quidem tollere funditus non possit, elidere tamen utiq; possit, *l. si vnus. §. pactus. de pactis.* vt est actio, litis contestatio, & obligatio, quādo actionem non habere, aut litem contestatus non esse, aut denique obligationem non acquisisse dicitur, qui in ea causa est, vt ab adversario per exceptionem repelli possit. De actione illud est Pauli responsum, *Reg. 113. Nihil inter est, ipso iure quis actionem non habeat, an per exceptionem infirmetur*, idque inspecto fine, nam fieri potest, vt si reus exceptionem non opponat, condemnatur, *l. diuus. de in integr. restit. Bart. ad d. §. pactus.* De litis contestatione (quod nimirum ne egisse quidem, aut litem contestatus esse videri queat, qui est per exceptionē à limine iudicii repulsus,) illa prodita est Vlpiani regula, *Reg. 13. Non videtur cōpisse,* hoc est, inchoasse iudicium, *qui per exceptionem removetur à petitione.* Nam vt non præstat impedimentum, quod de iure non sortitur effectus: *cap. non præstat de Reg. in 6.* ita qui litis contestatione cursum inchoatæ p̄scriptionis interrupturuserat, si exceptione repulsus est, nihil egit. Denique & obligationibus elidendis non minores vires habet exceptio, vtrinque, à parte quidem debitoris, quando debitor esse non videtur

detur, qui exceptionem habet: nec creditor, qui repelli potest. De debitore illa est Iuliani regula, *Reg. 67. Marcellus ait, Desinit debitor is esse, qui nactus est exceptionem iustam, nec ab equitate naturali abhorrentem.* Altera est Pauli de creditore, *Reg. 116. §. final. Non potest videri accepisse: hoc est, factus esse locupletior, qui stipulatus, potest exceptione summa veri.* Sunt enim obligationes in bonis nostris, tum sui gratia, quia videlicet sunt res incorporales; tum eius quoque gratia quod debetur, nam id in bonis esse dicitur, quod peti potest, *l. rem in bonis, de acq. re domi.* Verum paria sunt non habere, vel habere quidem, sed sine fructu, *l. nam is, de dolo.*

## A X I O M A C L X X X I I.

### *De replicationibus.*

Replicatio perinde elidit & confundit exceptionem, *tit. de replicat. in pri.* ut exceptio actionem: Nam interdum evenit, ut exceptio quæ prima facie iusta videtur, iniquè noceat, ac tum replicatione adiuvandi actoris gratia opus est, veluti cum pactus est aliquis cum debitore suo, ne ab eo pecuniam petat, deinde postea in contrarium pacti sunt, hoc est, ut creditori petere liceat. Ex quo posteriore pacto succurritur actori repulso per exceptionem ex priori pacto nascentem. Verum hæc quia nihil ad regulas, aliis locis relinquamus. Proximum modò est,

ut de Cumulationibus tum actionum, tum exceptionum videamus.

### AXIOMA CLXXXIII.

#### *De cumulationibus.*

Cumulationem hinc voco plurium concurrentium & usum, vel exceptionum vel actionum. Quæ an simul, an verò altera potest alteram proponi debeat, an denique una qui usus sit, deinceps exclusus sit à reliquis, in hoc argumento quæri solet. Sed primum de exceptionibus.

### AXIOMA CLXXXIV.

#### *De cumulationibus exceptionum.*

Et quidem olim ita cumulari debebant exceptiones, ut omnes simul & semel apud Præto-  
torem iniure proponerentur, & si quam omis-  
sisset reus, de illa nec cognoscere iudex datus  
poterat, propterea quòd ei formulam à Præto-  
re datam egredi non liceret, nisi ex bona fide  
clausulam formula contineret, ut prius dictum  
est *suprà axio. 167.* hodie tamen quando impetra-  
tionibus sublatis, *l. 1. C. de formul.* omnia iudicia  
sunt extraordinaria, *l. pen. de neg. gest.* potest reus  
omnes quas habet defensiones, ante finitum  
iudicium proponere ( etiam antea in conte-  
statione non allegatas ) & unius probatione  
destitutus, venire ad aliam, *S. qui autem vult, de  
reus. tut.* Et hoc est quod hæc loquuntur re-  
g. 12, *Can. 20. Nullus pluribus uti defensionibus pro-*  
*bibetur.*

*libetur. Etin ꝑ hęc Vlpiani regula: Nemo ex  
ijs qui negant se debere, prohibetur alia defensione vti,  
nisi lex impediat. Idq; propter naturalem illam  
causam defensionis: nam secus est in actioni-  
bus, quæ ad oppugnandum sunt comparatæ:  
naturalior enim defensio, quàm accusatio  
seu oppugnatio, l. vt vim, de iust. & iu. ar. l. Arria-  
nus de actio. & oblig.*

### AXIOMA CLXXXV.

#### *De cumulationibus actionum.*

*Actio num non est ea cumulandi ratio, quæ  
est exceptionum, sed qui plures habet excep-  
tiones, necesse est vt ex omnibus vnã eligat,  
qua iudicium contestetur, vnde Vlpianus:  
Quoties concurrunt plures actiones eiusdem rei nomi-  
ne, vnã tantum quis experiri debet. Hoc est, nec  
omnes simul proponere, nec alia post aliam  
vti. Non quidem omnes simul, quod singulis  
controversiis singulæ actiones tribuendæ sint,  
ne litium modus multiplicatus summam & in-  
explicabilem pariat difficultatem. l. singulis, de  
except. rei iud. Non etiam alia post aliam, quod  
bona fides non permittat vt bis idem exigetur,  
l. bona fides, hoc tit. Reuera tamen illud certum  
est, quod per se & ipso iure alia non consumat  
aliam, nisi fortè per exceptionem, l. qui seruum,  
de action. & obligatio. Nam si cui semel plures  
actiones contra aliquem competierunt, cum*

non possint singulis judiciis, nisi singulæ actiones per sententiam finiri, *d. l. singulis*. evenit, ut actio secunda ipso jure, salva & incolumis actori maneat, seu rei persecutoria sit, seu pœnalis: quamquam in pœnalibus ea res melius appareat. Hinc est quod ait Vlpianus, *Reg. 173. Nunquam actiones, præsertim pœnales, de eadem re concurrentes, alia aliam consumit*. Non quidem ipso jure, ut dixi, sed per exceptionem, *d. l. qui servum, vers. rationabil.* hoc est, ex æquitate, quatenus videlicet posteriore judicio, plus consequi actor potest, quàm est ea actione consecutus, qua usus est priore loco, eoq; modo fit, ut non impingas in illam regulam, quæ vetat semel exactum iterum exigi, *d. l. bona fides*. Sed hæc res fuit olim inter veteres admodum controversæ disputata. At Paulus sensit tutius esse, ut per exceptionem id fieri dicamus, *d. l. qui servum*. Iam ad eas actionum partes veniemus, quæ ad judicem pertinent, nimirum, Sententia, & officium judicis, quorum alterum judicii litisq; cursum claudit, alterum verò totum judicium regit & moderatur. Sed primùm de Sententia dicamus.

### AXIOMA CLXXXVI.

#### *De sententia & re judicata.*

Sententia differt à re judicata, ut causa ab effectu: Sententiam etenim dicit judex, at verò ex sententia nascitur res judicata, quemadmodum obligatio ex contractu, perindeq; propter auctorita-

autoritatem iudicis habetur, vt veritas. Vnde Vlpianus, *Reg. 208. Res iudicata pro veritate accipitur.* Nam seu benè, seu malè iudicatum sit, *l. iudex, de re iudi.* publica tamen iudiciorum autoritas ad se juris præsumptionem rapit, adeò vt non amplius quærat de iure actoris aut rei, sed de eo tantum quod est iudicatum, sicut in iureiurando, *§. item si quis postulante, de act. & transactione, l. siue apud acta, C. de transact.* quæ & ipsa iudicati vim habent.

## AXIOMA CLXXXVII.

### *De officio iudicis.*

In iudice primùm illud requirimus, vt officii sui limites non transiliat: tùm vt sit vir bonus. Et quidem officii sui limites egredi dicitur, si quicquam ultra faciat, quàm est ei in formula à Prætorè præscripta permissum ac mandatum. Vnde cùm stricti iudicii formula stringat arctetq; iudicem ad ea sola, quæ sunt in formula nominatim expressa, *suprà axio. 167.* Bonæ fidei verò iudiciorum formulæ ob clausulam ex bona fide, latius ad multa etiam non expressa extendantur, fit vt in his quidem ex bono & æquo cognoscens de non expressis, rectè iudicet *suprà d. axiom.* in illis verò non rectè. Et sic intelligo illud Iuliani responsum, *Can. 132. Factum à iudice quod ad officium eius non pertinet, ratum non est.* Et illam regulam in Canonibus, *Reg. 26. Ea quæ sunt à iudice, si ad eius non spectant officium, viribus non*

*non subsistunt.* Nam iudex ad ea tantum quæ sunt in formula à Prætorè expressa, iudicis personam gerit, & publicâ autoritate fungitur, *l. qui p. de iudiciis*, cætera privatus est. Et hoc est, nil fallor, quod hoc genus officii tam arctè strictè que inserviens præscriptis formulis, vocatum sit ab interpretibus, in *l. qui per collusionem, § si. de a. eli. empt.* mercenarium, quasi videlicet non libera aliqua, sed tantum mercenaria & demã data veniat. Alioqui libera illa solutaq; Prætoric potestas, qua & in integrum restituit, & advocatis medicisque honoraria adiudicat, non tantum ut iudici attributa est, quam ut est totius Reipublice quidam veluti custos. Alterum illud quod in iudice requirebamus, erat, ut sit vir bonus, *Cicer. pro. A. Cluentio.* hoc est, ut ne quid ambitiosè aut ad gratiam vel odium faciat, sed constanter, ne quid ipse velit, sed quod lex aut religio dicet, *tit. de offi. iud. in prin. in Inst.* sequatur. Vnde in Canonibus, *Can. 12. In iudiciis non est habenda acceptio personarum.* Et inde est quod Athenienses, nil nocte & in tenebris ad iudicium non procedebant, audituri tantum ea quæ à litigatoribus hinc & illinc afferrentur, nihil personarum rationem habituri. Vnde auritam quidem pinxerunt veteres iustitiam, *Gellius in noct. Atti.* at tamen cæcam, quod videlicet auritum oporteat & cordatum esse iudicem, non verò etiam oculis indigere. Et hæc hætenus de ipsa regularum œconomia seu dispositione, ut eas in locis



eos classesq; digessimus, obiter sufficiant. Nam  
interpretationem & iustum commentarium  
iamdudum paramus, vt mox, si hæc non displicuisse  
sensero, suum enchiridion non  
longo intervallo subsequatur.

F I N I S.







